

CYGNI NOSTER AMOR.



IN CYGNEAM POMPAM.

*Aspice qua pompa Tamesinis fertur in undis
Isiaca veniens Cygnus speciosus ab urbe :
Utq; ducē placidē sequitur chorus almus ovan-
Ille suas resono celebrabit carmine ripas, [tō!
Nomen & Henrici Regis feliciter amplum
Concentor sublime feret super athera latns.
Præbeat attentas auditor musicus aures.
Rara quidem Cygnum res est audire cauentē:
Concinnisse tamen doctorum turba virorum
Prædicat, et melica vocis punctū omne tulisse,*

CYGNI NOSTER AMOR.



IN CYGNEAM POMPAM.

*Aspice qua pompa Tamesinis fertur in undis
Isiaca veniens Cygnus speciosus ab urbe :
Utq; ducē placidē sequitur chorus almus ovan-
Ille suas resono celebrabit carmine ripas, [tō!
Nomen & Henrici Regis feliciter amplum
Concentor sublime feret super athera latns.
Præbeat attentas auditor musicus aures.
Rara quidem Cygnum res est audire cauentē:
Concinnisse tamen doctorum turba virorum
Prædicat, et melica vocis punctū omne tulisse,*

KYKNEION
ΑΣΜΑ
Cygnea cantio.

A U T O R E
Joanne Lelando
Antiquario.

L O N D I N I,
Typis & Expensis Johannis Streater.
MDCLVIII.

KYKNEION

AMZA

Cygnus caucio

Joanne Pelayo

MDCCLXX

E
fu
co
hu
ing
lan
ad
qu
ap
gra
me

Longe
Invictissimo Henrico

Eius Appellationis OCTAVO, Regi
Anglia, Francia, & Hibernia; Fidei de-
fensori; ac Anglicana, & Hibernia
Ecclesia proximè à Christo, Su-
premo capiti: Ioannes LE-
LANDUS Londinen-
sis, felicitatem optat
perpetuam.

Tanta est tui nominis cùm cele-
britas, tum gloria cum maiestate
conjuncta, ~~Rex~~ illustrissime, ut me
scribentem magnitudine quadam
suâ facile deterreant. At rursus cum mecum
cogito, quâ te natura totum solers facilitate,
humanitate, benevolentia, candore, denique
ingenuitate beavit: non possum certè ca-
lamo temperare, quo minùs animum, atque
adèd officium erga te meum luculento ali-
quo contester exemplo.

Accipe igitur, quid muneris in præsentia
apportem. Adoleiscens, totus planè conflagrabam Camænarum amore: qui ardor eò
me tandem impulit, ut treis Epigrammaton

P R A E F A T I O.

libellos scriberem, diligentia quidem magna, at interim an pari eloquentia, felicitate, & gratia, nescio. Primo Græcum addidi Titulum, viz. *Εὐχαριστίας*. Secundo verò Latinum *Sales* nomen inditum. Tertius & Græcè inscriptus *Εὐχαριστίας*.

Nec sic contentus Musas demeruisse, aggressus sum, magnis quidem ausis, *EAD-VEARDI* Principis, filii tui incomparabilis, *Natalem* diem percelebrare. Qui libellus, quamvis Gratias, Veneres, & lepores Antiquitatis majestatem inimitabilem quidem illam exprimenteis à mea tenuitate accipere non potuit, futurum tamen sperat (de tuo tanta existimatio est *Ascanio*, quem prædicat, quem suspicit, quem denique colit) ut si non ingentem laudem, at interim suffragia qualiacunque & vitam à docta facile impetret Posteritate.

Decreveram, hoc libello edito, manum de tabula tollere, & Musas eruditæ Juventuti relinquere. Nam me aliò iam olim vocaverat nova cura *Historia* atque adeò *Antiquitatis* Britannicæ studium quam videbam quorundam non modo negligentia, & solertia, verum etiam ingratitudine pressam & tenebris plus quàm Cimmeriis, obvolutam. Senſerat *Calliope*, Musarum prima, non deſertorem, ſaltem ceſſatorem eſſe me

mo

IN CRG. CANT.

monuitque, ut, si iam planè apud me consti-
tuisset severiora amplecti studia, *Cygnum*
aliquid decedens canerem, Musisq; symmi-
sta consecrarem.

Non potui certè tam æqua petenti operã
pernegare meam. At interim sollicitè qua-
renti mihi unde potissimum *Cantionis* exor-
dium desumerem: *Tamesis* fluviorum om-
nium, qui *Britanniam* alluunt tuam, facile
princeps, mihi in mentem venit. Hujus ego
aliquãdo, vel ab ipsis fontibus, Ripas, Sinus,
Anfractus, Divortia, Mæandros, denique &
Mediamnes-Insulas omneis curiosissimè
collustravi, & memoriæ cõmendavi. *Tame-*
sim nemo ignorat Cygnorum & altorem, &
cultorem esse maximum, eo præcipuè loco,
quo insulas, prope *Isidis Vadum*, Urbem bo-
narum literarum cõgnitione vel ad æthera
notam, mediis complectitur ulnis. Ego verò
eum nuper à te huc missus essem non sine
honorifico munere ad Cygnos, ita delibu-
tus sum loci tum amœnitate, tum gratiã, ut
meritò gaudeam me jam tandem nactũ esse
occasionẽ opportunã, qua *Cygnos*, & *Tamesim*
pro dignitate celebrẽ, admirer, suspiciam:
cujus tu etiam in ripis & faultissimo natus
es fidere, & altus.

Cygnum igitur ab *Isidis vado* ad *Grenovi-*
cum, palatium illud excelsum tuum, secun-

PRÆFATIO.

do navigationem flumine, multaq; ex penetralibus Antiquitatis de *Tamisi* referentem, ac polirendæ res gestas tuas canentem; ex fronte accipe, quâ minutissima tua Majestati exhibentes laenas.

Utque penitus intelligas, quæ illustrissima nota scriptores suffragia *Cygnææ* cantioni olim cõtulerint, accuratè perferibam quid de ea rum *Græci*, tum *Latini* scriptores pronunciaverint. Principiò *Vergilius* *Laniarum* poetarum decus maximum, de *Cygnis* scribit decimo *Aeneidos* libro.

*Nanque ferunt luctu Cygnum Phaëontis
amati*

*Populeas inter frondes, umbramq; forarum
Dum canit, & mastâ Musâ solatur amorē
Canentem molli pluma daxisse senectam,*

Linguentem terras, & sidera voce sequentem
Ovidius libro *Metamorphoseos* secundo eadem canit, elegantissime expressa *Cygni* figura.

*Cum vox est tenuata viro, canaque capillos
Dissimulant pluma, collumq; à pectore longè
Porrigitur, digitosq; ligat junctura ruben-*
teis.

Penna latus velat, tenet os sine acumine ro-
strum.

Eodem etiam libro *Cygnææ* cantionis meminit.

Et

IN SING. CANT.

*Ex qua Maonias celebrabant carmine ripas
Fluminea volneres medio caluere Caystro.*

Idem rursus decimo quarto ejusdem Operis libro, hæc de Canente Pici regis conjugæ refert.

*Illic cum lachrymis ipsos modulata dolores
Verba sono tenui mærens fundebat, ut olim
Carmina jam moriens canit exequialia Cygnus.*

Accedunt huc & versiculi ex epistolis Heroidum.

*Sic, ubi fata vocant, udis abjectus in undis
Ad vada Maandri concinit albus Olor.*

Et alibi.

—————*Veluti, canentia durâ*

Trajectus cannâ tempora, cantat Olor.

Denique & quarto de Tristibus sic scribit.

*Utque jacens ripa deflere Caystrum ales
Dicitur ore suam deficiente necem.*

Lucretius etiam libro quarto talia de Cygnis sub mortem cantantibus infert.

*Vallibus & Cygni nece detorti ex Heliconis
Cum l' quidam tollunt lugubri voce querelam.
Martialis quoque poeta hoc disticho Cygneum
cantum in Xenii collaudat.*

Dulcia defecta modulatur carmina lingua

Cantator Cygnus funeris ipse sui.

Alexander Nechamius Anglus his verbis
Cygneum magnificè melos exprimit in libro

P R A E F A T I O

de laude Sapientiae divinae.

Ludenti similis paulisper subleuat alas:

Cedentes tumido pectore sulcat aquas.

Atropos illa tuis jussis obtemperat ultro,

Extremum cum jam cernat adesse diem.

Dulce melos resonat, demulcet numina cantu:

Mellifluo notas ore salutat aquas.

-Exequias cantu redimit cōtempтор honoris,

Et gaudet praco funeris esse sui.

Gaudet presentis se relinquere tadia vita,

Et latus leti fata queta subit.

Jamq; valesfaciens Lachesi, cœlum sibi bustum

Elig'it, & volucres spernere fata monet.

Causam verò hujus tam melici concentus, hanc esse philosophi adfirmant, spiritus videlicet per collum procërum, & angustum erumpere laboranteis.

Pythagoras eâ fuit opinione, ut crederet Cygnorum animas immortaleis esse, atque adeò hinc in funere lætari, ac concinere.

Sed neque Cygni canunt, nisi flante Zephyro vento, geniali quidem illo, si quicquam *Aeliani* Græci judicio tribuendum.

Sunt qui & Cygnos sacros fuisse *Apollini* adfirmant. Unde & *Alexander Nechamius* sic concinit.

Quid, quod Apollinis est volucris prasaga futuri?

Et latuit Cygno Juppiter ipse suo.

Nec

IN CYG. CANT.

Nec desunt qui eosdem alumnos *Venerari* fuisse dicant : inter quos & *Horatius* Lyricus, ut liquidò ex hoc apparet versiculo.

Et Paphum junctis visit oloribus.

Subscribit & huic *Statius* libro Sylvarum tertio. *Et molleis agit Venus aurea Cygnos.*

Neque enim hic ab instituto alienum erit meo, si apertè significaverò Cygneam Cautilenā in proverbio non modò Græcis, verum etiam Latinis scriptoribus fuisse, ut apparet in præclarissimo Proverbiorum *Erasmi* Opere: quo loco *Athaneum*, *Chrysippi* in hac parte imitatore, *Aelianum*, atque alios testes in medium producit.

Convenire autem illud adfirmant Senibus mellita tanquam postrema canentibus. Habent enim senes maturam quandam rerum memorabilium longo ulu partam cognitionem, quæ circulum absolvat, & operis egregiè incepti, ac feliciter consummati deductam quandam harmoniam tersis instillet auribus.

Tale quiddam videtur *Cicero*, Latinæ gloria eloquentiæ, tertio de Oratore libro, de *L. Crasso* loquens, his verbis innuere: *Illam tanquam Cygnea fuit divini hominis vox, & oratio, quum quasi spectantes post ejus interitum veniebamus in curiam, ut vestigium illud ipsum,*

P R A E F A T I O .

*sum, in quo ille postremum institisset, contuere-
mur.*

Hieronymus denique, *Sacrae* interpres
Scripturae, ait, *Senes* nescio quid *Cygnum*
canere, perinde ac si diceret *numerus* quid
pian absolutum omnibus. Hactenus de *Cyg-
nea* canticone.

Addidi praeterea, tanquam ad coronidem,
quorundam antiquorum Nominum & cata-
logum, & interpretationem, ut hinc *Britan-
nica Antiquitatis* cognitio à multis toties
anxiè *quæsit*a, at non *invent*a tamen, nunc
quasi *repert*a videatur. Tantum in præsen-
tia gustum erudito lectori majoris Operis
quotidie accrescentis exhibui, quem si sen-
tero lautis placuisse palatis, tam fusè, & ac-
curatè scribam, ut aliquando & gratus, & u-
tilis patriæ, adsit modò candidus censor, vi-
dear.

Tu Princeps, omnium quos sol videt, hu-
manissime, atque idem Eruditissime, cape
lata manu hæc tui qualiacunque munuscula
Alumni, si non eloquentis, certè tibi tam
bene, quàm qui optimè cupientis. Sic *Scot-
tos* genus fœdistragum, & *Gallos* antiquos tui
longè nobilissimi generis, unà ac Imperii,
hostes, ut victor strenuè incepisti, concutias,
prosternas, tandemque fortunatissimus de-
belles.

Vale

IN SYG. CANT.

Vale præsidium, & dulce decus Brit-
tanniæ.

Londini tertio Calendarum Jul.

ACCLAMATIO.

*Vive pater patriæ Rex
illustrissime regum
Ascanius toto floreat
orbe tuus.*

Ad

Ad Inviētissimum Hen-
ricum Octavum, An-
glorum Regem.

*Perge precor zephyris, Princeps, dare vela
secundis.*

*Hoc pater Oceanus, Neptunus poscit &
ipse*

*Nerëidumque chorus. Victoria leta tri-
umphos*

*Promittit summos, precium immortale la-
boris.*

*Macte animo Victor felix: hâc itur ad
astra.*

I
K Y K N E I O N

A Σ M A

Cyanea Cantio.

-- | - u u | - u | - u | - u

Cygnus me genuit pater, ligustris
Ipsis candidior: colunt *Aprili*
Albæ cum *Venerem* suam volucres;
Et spirat Zephyrus, novumq; pictos
5 Ver fundit vario colore flores.
Cygnus me peperit, nive & colostro
Mater candidior: loco citatus
Isis quo patitur vadum sonorum.
Hic, inter medios venustus amnes,
10 Et divortia curva brachiorum,
Dum lentè vagor, & famem repello,
Depastis teneris lubenter herbis,
Nec non pisciculis, cibo suâvi:
Casu nescio quo cupido magna

Invasit

Invasit mihi pectus otiosum, 15
 Et multis monuit modis benigna,
 Ripas *Isidis* ut virentioreis
 Intentis oculis, novæque curâ
 Collustrarem avidæ, quousque saltas
 Undas imbiberent maris refusi. 20

Hæc dum sollicitâ voluto mente,
 Evincor studio migrationis.
 Ergo ut magnificè Expeditionem
 Ornarem, è numero quidem meorum
 Bisenos comites, chorum superbum, 25
 Se-lègo, reliquoque concione
 Omneis hac habitâ pater benignus
 Committo fidei *Isidis* probatæ.

Cygni noster amor, decusq; nostrum,
 Qui ritè *Isidis* Insulas amœnas 35
 Felices colitis, genusq; nostrum
 Augeris numero undecunq; claro,
 Latè accipite auribus meam nunc
 Causam, consilioq; promovet:
 Quodam numine ducor ut secundo 35
 Cursu fluminis infimas caduci
 Ripas *Isidis*, & Sinus liquenteis
 Invisam. Strepitum dedit sonorum
 Cygnorum niveus chorus canentum,
 Concussis alacri vigore pennis; 40
 Applausus placuit mihi canorus.

Pandū hinc gurgite colluens profundo
 Nostrum, talibus alloquor cohortem.
 Nostrum

- Nostrum hoc imperiū, Insulas beatas,
 45 Et nidos etiam celebrioris,
 Quos ambit salicis corona glauca
 A prædonibus impiis quidem illis
 Vos defendite fortiter: venustas
 Nec permittite conjuges ab ullis
 50 Advenis fluvio premij maritis. (cant
 Omnes his monitis statim adsona
 Aptantes capiti meo coronam
 Baccaram, nitidis & hinc, & illinc
 Gemmis, ac niveum aureæ catenæ
 55 Collum multiplici orbe circinantes
 Postremoque vale vale canentes.
 Tanti lumine prænitens decoris
 Bissenas medius feror volucres
 Inter flumineas eò, citatæ
 60 Quò me cursus aquæ vocat perennis.
 Sic dum continuo fluore labor
 Abbandunica tecta derelinquens
 Cisse cognita Saxonum tyranno:
 Mox cerno *Hydropol. m* sacram, *Birino*
 65 Quondam præule confluentiamque
 Tama, ac *Isidis*; insuper vetusti
 Castri culmina lapsa *Sinnoduni*
 Tum pau'ò inferiùs mihi obrulit &
 Urbs clarissima semper *Atrebatum*
 70 Gaudens nomine pristino *Caleva*.
 Et *Chausèga* locus sacer, furentes
 Quam *Dani* mileris modis premebāt.
 Hinc,

Hinc, lapsu rapidi cito fluenti
 Delarus, video oppidum, quod olim
 Pontes, si memini satis, vocatum
 Alfridi cecinit trophæa magni, 75
 Quâ Cunetio fertur inquietus :
 Sunningum quoq; prætulū cathedram,
 Henlegam & veterem forum popello
 Vicino bene cognitum, frequenſque. 80
 Hurstelêga ferax deinde sylvæ
 Apparet, Mediamnis atque pulcher.
 Felix pertinet illa ad Atrêbates :
 Hæc spectat Catichlanicos colonos.
 Ad dextram ulteriùs nitet serena 85
 Bustelli domus, inclytum sepulchrum
 Montis nobilibus viris acuti.
 Pòst hæc remigio feror superbo
 Ad ripas ubi vicus est Alannus.
 Et tandem penetro impetu volûcri 90
 Pontem Vindelesoricum, duarum
 Qui vel limina gentium coarctat.
 Hic alas cohibens meas, ocellos
 Verto in fideream quietus arcem.
 Miratusque loci firum nitentem, 95
 Et turres validas, sacrumque templum,
 Dulce exaudio cœlicumque melos :
 Clari quale quidem canunt olores
 Undis in mediis vagi Caystri.
 Tunc ripam citus ambiens sinistram 100
 Molem conspicio alteram, scholâmq;
 Sexti

Sexti Principis elegantior.

Nomen cui veteres dedere *Aquadon*,

Alas explico rursus, & labore

105 Grato pervenio ad locum celèbrem

Cervi antiquitus Insulam vocatum:

Erchenualdus ubi pius sacerdos

Templum perpetuo Deo sacravit.

Et mox, defluvio volans aquarum,

110 *Anchoreticum* ego *sinum* benignè;

Stenum & nomine viculum saluto:

Contendens volucris deinde cursu

Altæ ad conspicuas domos *Avone*.

Non hîc purpurei nitent galeri,

115 Ut quondam soliti, cruces, columnæq;

At stant gemmiferæ, & nitent coronæ,

Eduardumque suum colunt Alumnum,

Gentis delictum unicum *Britannia*.

Cujus dextera *Scotticos* tumultus

120 Compescet, manibusque dura vincla

Gallorum injiciet. Sed ad receptum

Munus cōfero me. Hoccine est celèbris

Famæ *Regiodunum*, honore summo

Quod treis regibus obtulit coronas?

125 Ripas tam virideis juvat videre.

Et jam summa procul superbientis

Shena culmina spendidè coruscant,

Quas Rex *Septimius* serenus ædes

Montem nomine *Divitem* vocavit

130 A quadam regiuncula *Brigantum*.

Hæres

Hæres cujus erat domo paternâ,
 Decursus *Tamēsis* celer profundi
 Jam me ducit, & impigrè ad finistram
 Ripam, fulget ubi velut corona
 Sedes æthereus *Sion* decora. 135
 Quod templum posuit Deo supremo
Quintus Maximus ille, *Galliarum*
 Gentes qui domuit manu potenti.
Brentæ fluminis hinc *Vadum* notando
 Binas conspicio insulas olorum 140
 Nidis officium suum exhibenteis.
 Cygni, qui mediis aquis frequentes,
 Admirarier, & decus, meamque
 Pompam, ac tollere cristulas conanteis
 Prudens ipse tamen, satique certè 145
 Securus, Zephyto meo favente,
 Ducor navigio secundiori
 Ad *Chevam* hospitio piæ *Mariæ*
Gallorum Dominae celebriorem.
 Dehinc & *Mortuus* est *Lacus* superba 150
 Villai effigies, domusque nota:
Cygnorum insula promicat benigna
 Nostri quæ generis fovet volucres.
Puttennèga etiam nitens amœnum,
 Præter-quas alacri feror vigore 155
 Procursum accelerans. *Domus-volucrum*
 Tum frontem exerit, ante multas æcla
Danis cognita villa bellicosus,
 Quam dum suspicio lubens micantem
 Am-

- 160 Amplis nobilium ædibus virorum,
 161 Attentum me aliò vocat recurvi
Batterfega finis polita cultrix.
 Et *Chelfega*, locus ferens coronam,
 35 *Henrico* veniente Rege, primam.
 165 Ad dextram placido alveo, phaselo
 Tanquam, devehor intuens apertè
 201 *Lomithin* titulo palatii alto
Dorvernensis episcopi nitentem.
 Ad lævam locus est scaturiente
 40 170 Circumseptus aquâ, cûi priores
Thornêgam proprium dedêre nomen,
 002 Hic reges statuêre præpotentes
 Sedem magnificam sibi, suisque,
 45 Quæ nunc, temporis evolutione,
 175 Splendoris decus omne comparavit.
Henricus tamen omnium unus instar
 702 *Octavus*, precium tulit laboris,
Romanis solio suo *galeris*
 50 Excussis, spatiis palatiique
 180 Auctis mirificâ expolitione.
 Quid magnas referam ædium nitelas
 Multarum, radiant suo emicanti
 Quæ nunc lumine, clivus adjacet quâ
 55 Ripæ excelsior, aspicitque lymphas
 185 Nymphæ cæruleas sibi faventis?
 Aedes turrigeræ hinc micant, & inde,
 710 Quas *Antonius* ille *Beccus*, *urbis*
Dunolmensis henos, decusque struxit.

Dignas plumiferis quidem coronis

Edvardi modò Principis Sereni.

190

Tum *Sabandia* lucet alta sedes,

Olim nobilibus viris dicata :

At nunc pauperibus domus sacrata,

Regis-Septimii labore sancto.

Sed nec laude sua carent venustæ

195

Aedes, *Balnea* quæis dedere nomen.

Hinc *Templi* veteris ruina sensim

Frontem attollere cœpit excitata.

Splendens mirificè & superba tecta

Quæis *Fons* nomina *Bridiga* sacravit.

200

Jam pervenimus alta *Trenovanti*

Celsi ad mœnia, quæ per occidentem

Amnis nomine *Fluctus* intumescit,

Olim cujus in ostio, minaci

Arx apparuit undecunque fronte.

205

Illius periit decus sed omne,

Bainardi & peperit novos honores

Castellum radians nitore multo.

Miranti similis feror per undas,

Fanum suspiciòque dedicatum

210

PAULO, pyramidemque percelèbrem,

Tangit vertice quæ suprema cœlum.

Mox & nobilium domos virorum

In ripa facile adnoto virenti.

Tum demum memini fuisse quendam

Cygni munere maximo beatum

215

Cultorem illius: at virum impotentē

Tan-

Tandem mors rapuit manu cruenta,
Atq; hæc dū meditor vagus per amnē

120 *Germanosque* pio saluto nutu
Merces sollicitè suas paranteis,
Ad *Pontem* venio arcubus valentem;
Surgentemq; novendecim, domorum
Quos fastigia comprimunt suprema.

225 Sunt &, qui referant, notæ probatæ
Scriptores, tabulatum opus fuisse
Richardi imperio Leonis : Ignis
At postquam violasset illud; ecce
Joannes ditione fratris auctus,
230 Largo & munere civium bonorum,
E saxi solidis opus refecit,
Dignum laude quidem sua perenni.

Hic me non patitur manere gurgis
Magno murmure defluens ab alto.

235 Quin arcum penetrabo. *Sudoverca*
Multis nominibus valeto clara,
Tu Cygnum peperisti & elegantem,
Quà stant lucida testæ, *Branodonus*
Reginæ *Maria* potens maritus
240 Struxit quæ studio nitoris amplo.
Tu *Venta* hospitio foves aluminos,
Giffardi veteris tui patroni.

Rupinique Petri memor patroni.
Tu felix colis insulam celebrem

245 *Bermundi* nivea benignitate,
Notam & Pontificum domum tuorum.

Bellini vocor ad sinum, frequentem

Nautis, *Turrigeramq;* regis alti
Sedem, armaria Martis ampla magni.

Arx hæc terminat Urbis orientem 250
Versus mœnia, calculoque gaudet
Magni roboris, hostibus timorem,
Ingentē obijciens, trucemq; mortem,
Tot serpentibus æneis in omnem
Sortem ad fulmina sæva comparatis. 255

Sed nunc protinus Urbe derelictâ,
Dextrâ *Nauticus* est *sinus* petendus
Insignis statione puppium, tum
Villis, eximio labore cultis.

En spirat Zephyri faventis aura : 260
Et me nunc *Ruber* ille *clivus* altas
Ad ripas vocat illici susurro.

Est planè paradisus ista villa
Structuræ nitidæ ferens coronam,
Pestanisque rosas suavioreis 265
Profert, ac genus omne liliorum.
Hic fons; Hic nemus est sacrū Camœnis
Cygnorum hic numerus pius canentū.
Hic vel perpetuò juvat manere.

Sed me *Limodomus* cupit videre. 270
Fiet : nam cupio videre & Illam.
Hoc sentire quidem videtur unda:
Sic me flumine promover secundo.
Fumus naribus ustulans oberrat.

Creta hic assiduo domatur igne, 275
Albo & tota nitet colore sapa.

Ventis

30

Ventis vela dabo, sinûsque curvi
 Leni perlequar ambitum natatu,
 Donet contigero *Vadum profundum*.

280 · Classẽ jam videor mihi videre.
 Galli, si sapitis, fugam parate.
 Accedam propius, Triremiumque
 Intentus numerum adnotabo justum.

55 Prima & maxima nomen Imperantis
 285 *Henrici* retinet. Secunda verò

Et navis *Catarina* bella fertur.
 Nomen Tertia prædicat *Maria*,
 Inter quæ reliquas niter puellas,
 Digna Semideûm thoris virago.

60 290 Gaudet Quarta quidẽ *Petrus* vocari.
 Quinta insignia jactitat *Leonis*.

Hæc est *Prima* rosa. Hæc et est *Hirûdo*

Hæc est *Palmifera*: & *Phaselus* illa:

65 Hæc *Pinus* volucris: nova hæc *Triremis*

295 Cui præfectus erat meus *Viatus*

Cultor Nereidum volat celebris:

Cultor Pieridum celebris ille,

Nostri & Martia sæculi voluptas.

70 Quid plures memorẽ? Juvat recessum,

300 Et navalia pervidere vasta.

Gunteri mea filius nitela,

Qui tot naumachiis *Getas* feroceis

Et Gallos domuit genus superbum,

75 Vicinas habitat benignus ædes.

305 Intrarem, nisi me suprema cursûs

Meta hinc ad *Viridem sinum* vocaret.

Alas carbasa candidas parata
Expando. Fluvius favere perstat,
Et ventum Zephyrus meus ministrat.

Ecce ut jam niteat locus petitus,
Tanquam fidereæ domus cathedræ!
Quæ fastigia picta! quæ fenestræ!
Quæ turrets vel ad altra se efferentes!
Quæ porrò viridaria, ac perennes
Fontes! Flora sinum occupat venusta
Fundens delicias nitentis horti.

Rerum commodus æstimator ille,
Ripæ qui variis modis amœnæ
Nomen contulit eleganter aprum;
Aethelredus erat, *Britanniarum* (stis 320
Princeps: *Danicus* hunc frequenter ho-
Contorsit miseris modis, coëgitque
Urbis præsidio sibi cavere.

Danorum intereà truces catervæ
Doruernum spoliant, trahuntq; sævi
Elphagum ad loca nota *Grenovici*
Sacrum pontificem, neciq; ibidem
Tradunt, (ah!) capiti securi adaectâ.

Longo temporis inde perfluente
Cursu, nobilium decus virorum
Hunfridus ditione *Clandianâ*
Æstus, magnificas beatus ædes
Hic primum posuit, *Placentiamque*
Illustri titulo vocavit aptè

Linguae

- 335 *Linguae candidus utriusq; censor.*
 Sed cum *Curia* sustulisset illum
Pôli fraude, dolisq; *Sudovolca*
 Festas deposuit reliqua cristas,
 Eluens Domini sui ruinam
 340 Horti tunc periêre Adonidisque,
 Quos insignia tanquam amœniora
 Fatali omine pinxerat fenestris:
 Nimirum fragilibus sciens honores,
 Et rerum instabileis vices novarum:
 345 Tam clari meminit viri togata
 Rectè Gallia; tum chorus suavis
 Cygnorum *Isidis* ad vadū incolentū,
 Cui magnum numerum dedit bonorū
 Librorum, statuitq; sanctiori
 350 Divinus studio scholæ theatrum;
 Nostro quale quidem videtur esse
 Magnum tempore, forsitan & futuro.
 Quid, quòd munere *Verolamienses*
 Non cessant meritò suum patronum
 355 Ipso reddere sole clariorem?
Eduardus coluit deinde *Quartus*
 Aedes, funera post cruenta *Sexti*.
 Tandem & *Septimius* potitus arce
 Regni, restituit locum decori,
 360 Auxitq; egregiè domum venusto
 Frontis lumine, splendidisq; pinnis,
 Cognati memor inclyti, boniq;.
 Quàm regi bene cesserit secunda

Structura, indicat & potens alumnus

Octavus patris æmulator altus: 365

Quo non magnificentius potentum

Quisquam exædificavit, aut deinceps,

Ni fallor, faciet. Loquatur ipse

Per me nunc *Viridis sinus*, suosq;

Exauctos titulos, suos honores

Amplos, culmina prædicetq; celsa. 370

Concentus liquidè canorus aures

Percellit mihi. Fallor? an recessu

Isto personat? Illud est receptum

Cygnos hinc habitare concinenteis, 375

Qui famam Domini sui, decusq;

Summū lucida transferunt ad astra.

Vos ergo comites profectionis

Selectus numerus meæ, videtis

Partes esse meas, labore plenè 380

Confecto, unde quidè profectus huc sū,

Ut laudes alacri sono celèbrem

Henrici patriæ patris *Britanna*.

Nolo sollicitos meâ esse causa

Vos, quod carmina concinā suprema. 385

Certè non moriar, petam sed astra

Cœlites habiturus inter ipsos

Sedem conspicuo polo micantem:

Phœbus noster ubi coruscat almus.

Vidistis thalamos, sinuq; curvos

Cognati *Isidis*: Itionis hujus 390

Nec vos pœniteat. Juvabit olim.

Hæc

Hæc forsan meminisse. Cantilenam
Quin nunc aggredior favente Phœbo,

395 Musarūq; novem choro annuente?

Felix illa dies notanda gemmis
Planè ter niveis, suāvibusq;

Sertis, lumina quæ serena primum

70 *Henrico* tulit inclyto puello.

400 Felices genuère qui parentes

Talem fidere filium secundo.

Felix quo *Viridis sinus* que alumno.

Ridebant elementa sole tali

75 Orto, lumina qui referret orbi.

405 Fortunata fuit rotundioreis

Quæ nutricula præbuit mamillas.

Fortunati etiam, & quater beati

80 Illi qui comites fuere parvo.

At cum jam teneros adultus annos

410 Vicisset, velut Hesperus minora

Inter sidera torus enitebat.

Illum vir, mulier, puer, senexque,

Omnes deniq; prædicare magno

85 Certè numine maximis volente

415 Natum rebus, & hoc probavit usq;

Fortunæ facilis rota eminentis.

Solus fratribus omnibus superstes

Regni præcipuum decus ferebat,

90 Una divitiasq; vel *Midæas*,

Quas congesserat usibus futuris

420 Cura, & iusta quidem parentis illa.

Quis

Quis novit meritis modis referre
 Pompam conspicuam novæ coronæ,
 Ibat quâ mediam nitens per urbem?

Quis nunc munificentiam profusam
 Illius, validos quis aut lacertos
 Excultâ satis exprimat camœnâ?

Natos nam tenui loco beavit
 Multos & *Morinorum* ab urbe victor
 Insignis rediens tulit coronam
 Ex lauro, precium laboris altum.

Regnorum Comes inclytus cruento
 Bello perdomuit genus malignum
Scottos. Rex *Jacôbus* impetuq;

Illo concidit, ac severioreis
 Pœnas perfidiæ tulit tyrannus.

O factum bene! Vicit *Anglus* absens.

Patris gloria, filiiq; virtus
Honerti virideis ferent coronas:

Et victoria lata permanebit

Henrici domitoris improborum.

Tornaco interea potitus *Anglus*

Fundamenta novi profunda castrî

Victor mox posuit perenne vallum.

Non est nobilium chorus virorum
 A me prætereundus, ille *Carlum*

Quo *Quintû* hospitio fovebat amplo:

Quâ stant mœnia celsa *Duroverni*.

Congressus celebris celebriorem

Paulò post peperit. Corona fulgens

Fran-

Francorum, Angligenumq; confluebat
Guisnessum inter, & *Ardeam* virenti
In valle, *Aurea* quæ deinde dicta est
A rerum insolito nitore quodam.

455 Hic reges niveâ benignitate
Coniuncti specimen dedere tale
Pompis, quale quidem à gravi ruina
Romani imperii extulere nulli.

430 Admirabilis ædium venustas,
460 Quas erexerat eleganter illic
Henricus tubitum intulit stuporem
Raptis *Galli* oculis amœnitate.

Quintus *Carolus* lætium perebat
Portum, *Cæsareo* nitens honore.
435 465 Hinc fit continuò apparatus alter.
Anglus splendidus erigi theatrum
Iussit, nomen & inclytum loco ex re
Miræcli domus inditum est decenter.

440 Post annos aliquot revisit ipse
470 Cæsar flavicomos potens *Britannos*,
Londinique celebrioris urbis,
Henrico duce, mœnia alta vidit.

Nunc si præterea canendo vellem
Accuratiùs explicare fictæ
445 475 Quæ pugnae simulachra equestris acer
Ostentaverit is domi, forisque;
Longo carmine vix referre possem.

450 At possum interea docere veras
Fictarum comites fuisse pugnas.

Ter *Gallum* impetiit *severus* hostem
Henricus gladio, & quidem cruento,
 Virtutisque suæ tulit coronam
 Victor tot spoliis onustus amplis.
 Tum fortuna noverca cœpit esse
Gallo, *Cæsareis*que cum triumphis
 Captum tradidit illicò molesta.

480

51

485

51

Anglus candidus illius ruinæ,
 Quamvis hostis erat, misertus egit
 Capti *Cæsare* cum potente causam.

Illa redditus actione *Gallus*

490

52

Regno est. Num poterit mereri iniquè
 Post hæc tam benè de merenti amico?

Anglus sollicito obfides parenti
Gallo filiolos studens labore

495

52

Grato reddere: *Carolo* remisit

Auri non leve pondus erogati.

Hinc reges stabilem fidem dedere,

Et junxere manus utrinque dextras

Cincti nobilium viram catervis:

Urbes quâ *Morini* colunt superbas.

500

53

Anglus tam placidæ quietis autor
 Gaudet munere pacis innovato.

Quoscunque artifices fovens politos:

Hac lege ut laceros palatiorum

Muros restituant labore justo,

505

53

Conferantque suum novis nitorem.

Hinc crevit *Viridis* sinûs corona,

Hundesdæna que pervenusta sedes.

Hinc

480 510 Hinc *Bellus locus* exultat serenæ
Frontis lumina, *Brigida* & sacer fons,
Aedes magnifico decore festæ.

Hinc *Thornega* vetus suos honores
Auxit, splendida Principum cathedra.
485 515 *Shelfesga* etiam domus renidens
Signis ventivolis, & albicante
Crista. Sideris instar est *Avona*,
*Ottelanda*que verticem alta tollit,
Et *Nulli* titulo domus *secunda*,
Cælo quæ caput inserit corusco.

490 520 Sic res publica prænitens quiete
Successum studiis dedit politis,
Quæis florentibus, exiit veterum
Lex Evangelica, & suo vigori
495 525 Sacro numine restituta plenè
Incrementa tulit, bonosque fructus.

Huc admoverat & manum valentem
Prudentissimus omnium, suère,
Vel qui sunt modò Principum, labore
Henricus facili, utilique planè.

530 Orta hinc quæstio magna de supremâ
Romani quoque dignitate. Sanctus
Illam Præsulibus senatus esse
Communem asseruit, parèmq; cunctis.

535 Tunc Ecclesia cepit *Anglicana*
Romanas nihili æstimare merces:
Et Rex magnanimus jugum rejecit
Non portabile publico suorum

Con-

Consensu: unde quidem petita longum
 Libertas rediit suum ad theatrum
Romanisqæ Vale beata dixit.

Fraudes, seditio, doli, cavillæ
 Bella horrentia Principi intonabant.
 Princeps consilio valens secundo
 Fraudes, dissidium, dolos, cavillas
 Evicit. Deus hoc volebat ipse.

Prudens continuò per alta passim
 Arces littora confici jubebat.
Pendinas tenet asperi cacumen
 Cellum montis, & intonat frequenter.
Mauditi quoque subsidet rotundum
 Castrum, & fulminat impetu furenti
Portus ostia quà patent *Falensis*.

Tum *Portunia* comminatur *hosti*
 Audax arce novâ, crepantibusque
 Tormentis: brevis unde transitus per
 Scapham ad littora fracta *Durotrigum*
 Quo nec longius est loco arx timenda
 Saxa ingentia provolent quòd inde,
 Piratas quæ abigant procul scelestos.

Conæ fulmineæ duæ coruscant;
 Hæc calum colit, illa solis ortum,
Vestam quà *Neoportus* intrat altam.
 Fauces *Hursta* premit minax *Auona*.
Vinchelsæga suos sinus ruetur,
 Quà *Limænus* aquas agit profusas.
Doris littore prominet bicorni

Gallis

Gallis tormina comminans superbis.

Jactat *Dela* novas celebris arces :

Notus *Cesareis* locus trophæis.

Castrum *Regius* editum recepit

Burgus fulmina dira, & insulanos

Tutos servat ab impetu vel omni.

Sed nec *Grevæ* suo caret rotunda

Moles præsidio : frequens viator

Urbem quâ volucris petit celòce.

Floret *Regioduni* honos venusti,

Castellique novam sui figuram

Lætis suspicit adsolens ocellis,

Et pontem celebrat novum, furentis

Hulli nil refluî timens procellas.

Sic gens *Martia* liberè *Deiri*

Vicinum repetunt forumq; agrumque.

Luguballia civitas *Novantum*

Incrementa quidem ter ampla cepit :

Et majora tulit *Tnësis* alta.

Cellas insuper *Iccius* recepit

Portus robora firmiora turres.

Guinessus radiat, novâque fossa,

Vallo & cingitur undecunque forti.

Oram littoris antea recensî.

At nunc interiora concinam, & quæ

Henricus fabricis tulit politis.

Struxit splendida restâ *Duroverni*.

Hinc & *Durobrevis* venustiore

Sedem constituit sibi, suisque.

Isur;

Isuri quoque regiam virenti
In ripa posuit decenter amplam.

Porro *Fannum Iacobi* opus renidens
Erexit placidæ studens quieti.
Et nuper posuit nova elegantis
Fundamenta domûs amœniori
Derenti in fluvii vado liquentis.

Sedes pontificum novas sacrorum,
Doctas instituit pius scholasque.

Hinc se *Deva* putat beatiorem,
Attollitque caput venusta *Venta*,

Quam lymphis gelidis *Avona* lambit.
Hinc & *Clandia* civitas celebris

Excelsum caput exerit, nitetque.
Hinc & *Petropolis* micat serena.

Quid, quod *Granta* novem dicata Musis
Henrici pietate literati

Tersis prænitert erudita linguis?
Et *Chacos* celebrat suos alumnos,

Doctam candida *Smithiosq;* turbam.
Ponetum sophiæ severiorem

Cultorem insuper approbat, fovetque
Heueddunum etiam, cui supremam

Dat phrasis Ciceroniana laudem,
Carrû, *Christophorû*, *Aschamûq;* cantat.

Postremò *Isiacis* suum nitorem
Omnem reddidit *insulis* benignus

Cygnorum apposuitque concinentum
Multis nominibus chorum celebrem :

Nostræ

- 25 Nostræ gloria crevit unde stirpis
 Felix *Isidis* hoc *vadum* patrono,
 Sunt testes fidei satis probatæ
Sheprevus decus utriusque linguæ.
Hochernus nitor artium bonarum.
 30 *Colus* Cæsarei fori venustas.
Cheadsegus resonæ scholæ columna.
Vifidannus apex sacræ cathedræ.
 Hebræi radius chori *Brnernus*.
 35 *Cains* rhetor, & elegans poeta.
Petrus cosmographus ferax oliva.
 Facundus *Curio* Minervæ alumnus,
Harpesfeldius Atticæque linguæ
 Interpret facilis, disertus, aptus.
 Cultor præterea sacræ loquelæ
 40 *Hardingus* numerum politus auget.
 Dumque hæc magnificè pararet ille:
 Fractos undique pœnitudo *Iberos*
 Sylvestreis domuit, suâve legis
 Ferre & perdocuit jugum *Britanne*.
 Quæ victoria comparanda magnis.
 45 *Scottus* senserat eminentioris
 Fortunæ patruo favere sortem.
Gallus senserat, atque pertimebat
 Quorsum cresceret illius triumphus.
 50 Ambò conveniunt, manusque tradunt
 Conjuncti solitas: prior sed ipse
Scottus Martia tela promovebat.
 Incerta alea Martis illa semper.

Scottorum incaluit cruore fuso
Isca fluminis alveus vadosus.
 Capra & nobilium virum corona,
 Infelixque *Jacôbus*, ingruenti
 Ex mœrore animi, statim peribat.

Gallus vulnere faucibus Tyranni
 Infestissima quæque cogitare.
Anglus bellipotens tumultuantis
 Victor conteret omne robur hostis.
 Postremò repetet sui que juris
 Cælo lilia missa de sereno.

Scotti perfidiæ graves tulerunt
 Pœnas. *Litha* jacet redacta prorsus
 In mœstos cineres, minaxque classis
 Præda est facta quidem. Proinde castrum
 Cui nomen celebre inditum à pœllis
 Ter ferro violenter, atque flammâ
 Concussum patitur meras ruinas
 Et clades similis ferocienteis

Adflixit *Morinos*. Superba facti
 Testis victa *Bononia* impotenter
 Quæ nunc fata vocat, Deos & alstra
 Vel crudelia, sorte diminutâ
Galli, cujus erat columna nuper.
 Syrtes nobilium madent cruore,
 Et *Bessus* peperit fuga salutem.

Clades *Ardea* pertulit frequenteis,
Neptunusque favet suis BRITTANNIS
 Nostre hic terminus esto Cæntioni

Undis

Undis non juvat amplius manere.

Henricus valeat nitela regum.

685 Centenos *Catarina* vivat annos
Casti conjugii decus supremum.

Eduerdus quoque floreat venustus :

Et tandem solio potens avito

Sublimis sedeat, piusque Princeps.

690 Jam longum *Viridis sinus* valeto.

Te præconia, te manent coronæ.

Me cælum petit arduum canentem.

At *Cygni* interea tui memento.

Nutritor *Tamesis* valeto chare,

695 Et *Cygnis* facilis faveto nostris.

Pulli, grex niveus, mei valete:

Nymphis *Isiacis*, Favonióque

Vos cõmitto. Agite: insulamq; vestram

Unusquisque suam lubens revisat.

FINIS.

AD CULTORES ISIDIS.

Isidis assidue ripas qui fluminis altas
Incolitis tacito venerates pectore numen,
Accipite arguto redetenteis carmine cygnos
Aurea quod feriat resonanti sidera voce.
Gloria perpetuo sic vos comitetur ovanteis,
Et fortuna parens tribuat faustissima quæq;

AUGURIUM.

Vergilius cecinit celeberrimus ille poeta.

Aspice his senos lætanteis agmine cygnos.
Vos decet augurium vatis pernoscere magni
Sortis & eventum felicem amplectier ulnis,
Qui modò bisfeni repetunt loca cognita

Cygni

Candida Musarum referunt insignia secum.
Isidis inq; vado statuent sua regna perennes.


Ad Candidos bona-
rum literarum amatores.

EXimie suum certè præstitit officium
Cygnus, cantorum decus immortale,
HENRICI octavi Regis incompa-
rabilis cum majestate, tum gloria tam
accuratè collaudatâ: qua parte & vos op-
portunè admonet, ut ejus non modo facta
imprimis memorabilia, verum etiam ani-
mi ad ipsa virtutis fastigia conscenden-
tis magnitudinem simili diligentia, labo-
re, studio posteritati expeditè, alacriter-
que unanimes commendetis: cujus nec vo-
unquam opera tam utiliter, splendide
magnificè collocata pœnitebit. Iuvabit
potius ista cura, & Princeps vestris,
tum eloquentia, tum ingenii, veris testi-
moniis accensus incrementa sua virtutis
meritò approbata ampliora, duce bono
Genio, feliciter cumulabit: tandemque
& vos amplissimarum splendore fortuna-
rum illustrabit. Sic pietas, sic virtus, sic
conscientia recti monent, jubent, impe-
rant. At vos interim, quibus hæc bonis
avibus fortuna arriserit, infinitæ à
Principe ter optimo liberalitatis collatæ
assidue

assiduè meminisse decet, quam non alio ille nomine prudentissimus exhibuit, nisi ut exemplo vobis, & quidem luculentissimo præsens esset: quo rectè admoniti similia enascenti literatorum soboli benignè, promptè, profusè conferatis: alioqui ejus in vos beneficia omnia, unà cum oleo, & operâ funditus periisse. Mementote professionis, cui initiati estis, certè, si prudentia adsit, & amor recti, longè honestissima. Cavete à sordibus, tanquam à Scyllâ, & Charybde. Aequales insigni artium cognitione, consilio sano, ac judicio sancto, promovete. Absit luxus, studiorum bonorum inimicus longè pessimus. Adsit aurea mediocritas quietis alumna suspicienda illa. Majorum in dandis, conservandisque fortunis eruditorum mediocribus consuetudinem nunquam planè satis laudatam modis omnibus honestis integrè conservate: ne vim interim raptores inferant, exquisita, elimata, consummata eruditionis contemptores iniquissimi.

Sint Mecænates, non deerunt, Flacce, Marones. At sublati præmiis, ingenia alioqui felicissima frigēt planè. Sic Principis nullo unquam emorituram tempore

in doctos munificentiam felices imitabi-
mini, & vestram quoque gloriam, insti-
tutum tam undecunque sanctum, Deo
Opt. Max. promovente, perpetuam con-
stituetis. *Viuite, & Valet.*



in 40 for new printing, 10 for binding
10 for 1000 copies, 10 for 1000 copies
10 for 1000 copies, 10 for 1000 copies
10 for 1000 copies, 10 for 1000 copies
10 for 1000 copies, 10 for 1000 copies

AD CANDIDOS LECTORES.

CONQUERITUR Studiosorum chorus multa in meis subesse libris nuper editis, quæ insinuationem, explicationem, denique & lucem desiderent. Sed interim adeo me hac qualiscunque non offendit querela, ut eam, candorem, & quidem eximium, adolescentum magnis passibus ad veneranda Antiquitatis gratiam, exoptandam, utilem etiam cognitionem contendentium, facile interpreter: quæ parte nec gravabor instituti rationem omnem mei, non modo verbis, sed & fide quoque longè optima testatissimam orbi facere,

Credo autem tam stupidum esse neminem, aut à communi sensu illo alienum, ut inventis jam frugibus desideratissimis, etiamnum glandibus velit amplius vesci. Edidici certè, instructissimus infinita veterum scriptorum non Latino-
rum modo, verum etiam Græcorum lectione nomenelaturas Urbium, Oppidorum, Vicorum, simul & Castorum, ut mittam Fluvios, Sylvasque, Montesque, Britannix nostra, consilio quodam licentia

tiâ mixto mutatissimas, certè interim corruptissimas esse. Quare cogor, velim nolim, antiquam cum eloquentiam, tum gloriam olim traditam à maioribus viris planè incomparabilibus, de suetudine quadam, ac Saxonica barbarie latè invalescente, tenebris miserrimè obductam, decori, amplitudini, luci restituere.

Hinc forsitam videbor quibusdam sciolis, argutulis, invidulis magnificè intereâ polliceri. Deprecor hanc culpam, si tamen culpa appellanda est. At liceat interim mihi, quod equissimum peto, cum bona gratia facile obtinere: nempe si me, per Commentarios in Cygneam editos Cationem, eruditi diligentem, industrium, expeditum persenserint, ut ab injuriis calumniatorum saltem immunis sim. Ne noceat vati mala lingua futuro. Operam denique mihi ex hac cultura desumo lubenter omnem. At si herba in letas aliquando segetes excreverit, illas ego vestris n sibus candidus vel universas offero, consecroque, lectores humanissimi. Valete.

COMMENTARII

I N

Cygneam Cantionem

Indices Britannicæ Antiquitatis
locupletissimi.

Autore *Joanne Lelando* Antiquario.

Ad Sacrosanctæ Anti- tiquitatis amatores.

*Prætexiêre decem jam sacula longa, Britanna
Antiquum gentis delituitque decus.
Indolui, fateor, potuisse silentia tantum,
Ut premerent patria fortia facta mea.
Admonuit Genius cœlo delapsus ab alto
Ne paterer tenebras solis haber locum.
Nubila discussi cupidus, lucemque reduxi,
Sedibus inque suis fidera clara nitent.
Vos Antiquarum colitis qui lumina rerum
Plaudite, & Autori dicite, Vive, Vale.*

COMMITTEE

1

REPORT

ON THE

PROGRESS OF

THE

WORK

OF THE

COMMITTEE

ON THE

PROGRESS OF

THE

WORK

OF THE

COMMITTEE

ON THE

PROGRESS OF

THE

1

1

2

2

3

Comment. In Cygneam Cantionem I

A Bbandunum. Saxonice *Abbandune*, vulgò *Abbingdon*. Antiquiori tamen nomine *Seutham* dicebatur. Loco ingens
5 tum fama, tum gloria accrevit, à condito ibidem Monachorum cœnobio, autore Cissâ patre Inæ Visisaxonum rege, quod postea Danicâ violentiâ, imperante *Alfrido* rege, concidit. Sunt
10 qui prædicent prima tanti operis fundamenta jacta fuisse in *Bachelegana* sylvâ aliâs *Bagley*, duobus passuum millibus supra *Seutham*, ut Isis defluit fluvius; Eremitamque quendam
15 Cissæ cognitum, pauperem eo loco vitam duxisse. Fama refert & aliud cœnobium ad Ochidem, sive Oncum fluvium. Fanum videlicet Helenæ virginibus sacrum, eodem concidisse
20 tempore. Constat ex secundo libro *Gulielmi à Maildolph* curia de pontificibus Anglorum, *Eadredum Alfridi* nepotem regem Visisaxonum *Abbandunum* instaurasse: quo tempore erat
25 domus regia, sive castellum in *Andrefega*, Rivani nomine, propter ripam *Isidis*, non longè à monasterio, tanquàm in mediamni loco: cujus & adhuc parvula extant vestigia. Temporis
30 præcursu *Eadgarus* rex potentissimus

mus magnificè cœnobium auxit con-
 filio Ethelmoldi, quem ibidem Præ-
 fectum coluit, & paulò post episco-
 pum Ventæ Simenorum designavit.
 At postquam *Gulielmus* Nortoman-
 nus Imperio *Anglia* poritus fuisset,
 monachi nova cura deduxerunt mayo-
 rem partem fluminis Isidis à veteri
 alveo in ipsum Monasterium. Oppi-
 dum deinde sensim accrevit, & cele-
 britatem hoc uno peperit nomine.
 Via publica à Demetia Cambrorum,
 & gente Claudiana Londinum versus,
 erat per Calevam Atrebârum, quæ
 nunc WALENGAFORDE. *Abban-*
dunenses suæ rei studentes, favente
Henrico Quinto rege, duplici ponte
 quadrati lapidis Isidem violento &
 profundo gurgite ibi delabentem per-
 vium fecerunt. Hinc viatores com-
 moditate illecti, relictâ *Calevâ*, per
Abbandunum rectâ *Londinum* pete-
 bant. Sic crevit in justam magnitudi-
 nem Fori, & Oppidi celebritas.

ALFRIDUS, qui & *Alfredus*, &
Aluredus. Erat hic quatuor filiorum
 Ethelwolphi regis Visisaxonum natu-
 minimus, unctus tamen Romæ, vi-
 vente patre, in regem: at non apud
 suos regiâ prius functus est dignitate,
 quàm

quàm mors trêis fratres natu major-
 reis sustulisset. Debellavit Danos, &
 unicuique sui sæculi Mecœnas fuit. Aca-
 demia ad Ifidis Vadum, quæ nunc
 5 urbs corruptè *OXFORD* pro *Onseford*
 dicitur, ejus benevolentia, & pietate in-
 stituta. Hujus viri nunquam satis lau-
 dati res gestas scripsit Asserinus Mene-
 10 venfis, postea episcopus Clarofonta-
 nus, vel, ut notiori utar vocabulo,
 Shireburnensis, cujus ego historiam
 plurimi meritò facio, quod *Alfrido*
 regi præceptor aliquando fuerit, & e-
 jus factorum oculatus planè testis.
 15 *Henricus* Huntendunensis hunc re-
 gem à fortitudine illustri carmine
 collaudat.

ALAUNUS, Anglicè South-Ail-
 ington. Nostra etas vicum nominat
 20 recentiori vocabulo *Maidenhead* à ca-
 pite virginis superstitione nuper ibi-
 dem celebri.

ANACHORETICUS finis, An-
 glicè *Ankerwike*, nuper cœnobiolum
 25 Virginibus sacrum plus minus quin-
 gentis passibus supra Stenum sinistrâ,
 ut Tamesinus amnis defluit, ripâ. Hoc
 templum Deo Opt. Max. posuere *Gu-*
lielmus & *Richardus* à Monte Fiche-
 30 tio.

ANTONIUS BECCUS. Hic fuit episcopus Dunolmenſis, regnante Eadveardo, ejus appellationis, ab adventu Gulielmi Magni in Angliam, Primo. Electus eſt in Patriarcham Hieroſolymitanum, Anno D. 1305. Splendidus erat ſupra quàm decebat episcopum. Conſtruxit caſtrum Achelandæ 7. paſſuū millibus à Dunolmo in ripâ Vindugleſſi fluvio. Elteſhamum etiam vicinum Grenovico, ac Somari-dunum caſtellum Lindianæ provinciæ ædificiis illuſtria reddidit. Denique & palatium Londini erexit, quod nunc Eadueardi Principis eſt.

Tandem ex ſplendore nimio & potentiâ, conſlavit ſibi apud nobilitatem ingentem invidiam, quam vivens nunquam extinguerè potuit. Sed de *Antonio* fuſius in Opere, cui titulus *De Pontificibus Britannicis*, dicemus. Nam illorum res geſtas magna curâ exquiſivi, & majori propediem in ordinem redigam.

ATREBATES : Olim dicebantur qui ripam Tameſis meridianam accolebant à ponte *Fani Ioannis* ad Vindeleſoram. Saxones victores dederunt regioni nomen *Berrocſhire* à *Berroc Sylvâ*, ubi buxus abundantiffimè

mè nascebatur, si fides Afferio adhibenda, cujus hæc sunt verba in ipso Annalium suorum exordio, ubi repetit genus *Ealfridi* regis in *Vanatinga*, vico ejusdem provinciæ, nati.

Anno D. 849. Natus est Ealfridus Angulsaxonum rex in villa regia quæ dicitur **U***Vanating* in illo pago qui nominatur *Berrocshire*, à *Berroc* sylva, ubi buxus abundantissimè nascitur. Hactenus Afferius.

Non me latet quosdam esse qui predicent provinciæ nomen fuisse inditum à *nuda quercu*, ad quam Provinciales convenire solebant. Atrebarum meminit *Ptolemaus*, & eo recentior Antoninus. Vixit enim temporibus, si rectè memini, Constantini Magni; tantum abest ut Antoninus Imperator Itinerarium scripserit, quod vulgò circumfertur.

AQUÆDON, Anglicè **Cidun**, vulgò **Catoun**, vicus, flumine Tamesino tantum, à Vindelesora distinctus. Alluitur autem Fernamensi amniculo, qui paulò inferius se in Tamesim exonerat. Splendor loci omnis in Schola publica, quam erexit Henricus Sextus Vindelesoræ alumnus, rex longè pientior, quàm impe-

rio fortunatior: & Venfluctus Simenorum episcopus cumulatiffimè auxit. Ex hoc alveario commigrant apes *Grantam* Girviorum, ubi Regionum Alumnorum notiffima Societas. *Sextus*, Aquædunenses prædiis donavit. At bona ædificiorum pars accrevit, ut ego aliquando à fide dignis didici, & operâ, & impensis Gulielmi Venflucti episcopi Ventæ Simenorum. Favebat is impensius operi ab Henrico incepto. Sed Eadueardus in regno successor parùm æquus erat illius & amicis, & factis. Hoc *Aquadon*, hoc *Granta* sentit, sentietque semper.

AVONA. *Hampton-Court*. *Avondanum* propius nomen exprimit. Hoc nomen etiam est urbi celebri apud Simenos, quam vulgus *Hampton* corruptè pro *Avondun* vocat. Sed nos brevitati studemus. Est enim *Avon* frequens fluvius nomen apud Britannos.

AVONA etiam, qui & *Avon*, celebris fluvius est, qui Bladunum urbem antiquam, alias Maildulphi curiam à Maildulphesbyri Saxonico vocabulo sic dictam, Bradenfordam, & Balnea alluens, Ventam Belgarum, quæ
nunc

nunc **Brightstow**, penetrat: paulòque inferius in Sabrinæ æstus defluit.

AVONA, fluvius qui vulgò, at corruptè, pro *Avene*, ~~Æene~~ dicitur, 5 famâ notissimus est. Oritur ex duobus fontibus, quorum brachia ad Avonam mediterraneam urbem à fluvio nominatam coeunt. Deinde & totæ regioni nomen à flumine Avona, quam vulgus corruptè **Northamptonshire** pro *Northavonduneshire* 10 appellat. Tum verò *Avona valem* emporium non ignobile alluit, quod nostra ætas pro *Avondale* corruptè vocat **Dundale**. postremò Petroburgum attingens paulò inferius paludibus Girviorum immergitur, junctusque *Isidi*, iam Grantâ aucto, Linum nobile emporium petit, & paucis ab eo loco passuum millibus Oceanum ingreditur. 20

Avona, fluvius numero tertius oritur in Vilugiana provincia aliàs **Wiltshire** non procul à Semarii Lupino, villâ splendidâ. Fluit per Ambrosiam, & Severiam, ac tandem unâ cum Duro fluvio à quo Duria provincia vulgò **Dorsetshire** dicta, et gens Durotriges, nomen accepere, ad Interamnâ, quæ vulgò **Twinhamburn** 30

dicatur, in mare properat.

AVONA, quartus eius appellationis fluvius per *Avonam* labitur olim oppidum, & castrum nobilissimorum Bigotiorum Comitum Icenorum, qui nunc Nordovolcæ, & Sudovolcæ dicuntur. Nomen autem oppidi pro *Avoney*, corruptè nunc vocatur **Bongey**. Inde Belloclivum, & Fanum Oswaldi non incelebria loca alluit, & tandem humili solo latè stagnescens salis Garieni aquis se immiscet.

AVONA denique, fluvius qui & numero quintus cæteris famâ non cedit. Oritur *Navesbia* circa limites Avoniæ mediterraneæ. Verovicum urbem cum antiquam tum nobilem alluit: Chineglissi etiam castrum, quod nunc **Killingworth** & Stratofordam: postremò Eovelum, Persoram, ac Theoci curiam, ubi Sabrina conjugio se nobilitat. Sunt & alii passim fluvioli in Britannia Avonæ nomine. At sufficiat in præsentia quinque maximè memorabilium meminisse.

B.

BALNEA, numero multitudinis, urbs non modò antiqua, verum etiam

am celebris Romanorum monu-
 mentis multis, liquidò in muris com-
 pâret, quâ itur à porta Meridionali
 ad Borealem. Hanc Britanni sua lin-
 5 5 gua *Cair Badune* appellabant, à bal-
 neis quanquam minus propriè, cum
 balnea industriâ incalescant: Urbs
 igitur à Ptolemæo Θερμη, Græco
 rectiùs vocabulo appellatur. Ther-
 10 10 mæ etenim naturâ calent. Antoninus
 hanc urbem nomine *Aquarum solis*
 recenset. Beda primo capite primi
 libri Historiæ Anglicanæ de his bal-
 neis, secutus Basilii Magni autorita-
 15 15 tem homilia 4. in opere Sex dierum,
 quod Græcè Εξημέρων, non ineptè dis-
 ferit, nisi quòd vocabulo balneorum
 parum appositè eo fit usus loco. Ne-
 que ego certè hoc nomine urbem ap-
 20 20 pellâssem, nisi admonitus, ut quàm
 minimum ab antiquo discederem
 vocabulo. Gildas Britannicæ scriptor
 historiæ hanc urbem montem *Bado-*
nium vocat: quanquam mons re-
 25 25 dundat. A Baduño rectè formatur
 Badunicus. Lapsus autem ab V. in O.
 facilis. *Dunus* sive *Dunum* significa-
 tione maximè propria montem de-
 signat. Et quoniam antiquitùs forti-
 30 30 tudinis ergò in montibus, utpote lo-

cis naturâ munitis, & inaccessis, oppida extruebant: aut, quia oppidi effigies consurgens altis tectis turribusque, longè intuentibus montis instar est, visum est vocabulorum formato-
 ribus oppida pleraque *duni* terminare nomine. Hic mons est Badonicus, qui usqueadeò male Urbinatem, virum alioqui doctum, torfit, ut illum impulerit vel ad Blacomoram Brigantum rem ignotam quæsitum proficisci. Gallofridus Monovaganus Britannicæ interpretis historiæ figmenta secutus Bladudo regi necromantico Thermanum inventum tribuit. Uti-
 nam incidisset Gallofridus in historiam probatæ fidei. Neque hæc dico ut fidem omnem Britannicæ auferam historiæ, cum multa verissima illic legantur: sed, ut lectores majori cum judicio legant. Gulielmus à Maildulphi curia, scriptor Gallofrido longè illustrior oratione, plerunque etiam & fide, prædicat libro de pontificibus secundo, creditum ab antiquis, Julium Cæsarem fuisse *Thermanum* inventorem. Ut crediderint, certè ego non credo. Tantum salutabat ille à limine Britanniam. Nec ultra Atrebates, quantum ego intelligo, pro-

progressus est. Sunt & alibi Thermae
in Britannia, ne hoc interim studio-
sus lector ignoret, quā latè patet
Dorventania, quæ à vulgo *Darbyshire*
dicitur. Locus, ubi scatent, Bucostennū
nomen habet. Est ibi sacellum Annæ
matri dedicatum, appendix. pa-
ræciæ Bachevellensis. Hactenus de
Thermis.

10

BAINARDI-Castellum: Legi ego
aliquando hoc Castellum in ditione
insignis familiæ fuisse, cui filius
Gualteri cognomen, penes quam
mansit usque ad tempora Roberti fi-
lii Gualteri, quo deficiente à Ioanne
Anglorum Rege ad Francos, jussu
Angli eversum est. Savitum & eodem
modo in reliquam Roberti filii
Gualteri hæreditatem. At an id tem-
poris castrum, quod antiquitus Lon-
dini ad Fluctum amniculum situm e-
rat, teste Stephanide scriptore, fuerit
castrum *Bainardi* dictum, non possum
certò pronunciare. Eadueardus
Quartus rex Anglorum Castrum
refecit quod nunc *Bainardi* nomen
obtinet.

30 BATERSEGA, villa non admodum
E 4 magni

magni nominis: Laurentius Bouthæus Archiepiscopus Isûrovicanus vulgò Eboracensis, hîc prædiolum dato precio Nicolao Stenolêgo sibi comparaverat, ut in secessum se conferret, quoties vel Londini, vel palatii, quod ibi habebat planè magnificum, satietas eum caperet. Unde & villæ fama, splendorq; accrescere cœpit. Nomen autem loco inditum, ut ego 10 conjicio, ex cymbis.

BELLINUS *finus*, Anglicè **Bellnesgate** à *Bellino* Britannorum rege, ut produnt scriptores, & fama refert publicum nomen accepit, & adhuc re- 15 tinet. Tradunt etiam & Castrum porticulo vicinum ad orientem, *Bellini* nomen antiquitus habuisse.

BELLUS *locus*, ædes vel in primis illustres apud Saxones orientales, quæ 20 non multis ab hinc annis *Nova-Aula*: nomine gaudebant, possidente eas Botelero Ormundiæ Comite: deinde & Thoma Bononio, ejus ex filia nepote, & hærede Vilugiæ Comite. 25 Sed cum illustrissimus Henricus octavus, permutatione cum Bononio factâ, ædes sibi comparâset, cæperunt in immensum excrescere ingentibus Principis impensis, novumque, juxta 30

ac elegans nomē *Belli-loci* adsumere.

BERMUNDI-insula, Anglicè *Bermundesege*, locus humilis, ac palustris. Hic Alwinus vir nobilissimus, 5 teste Ioanne Fiberio Visimonasteriensi annalium scriptore, & Matthæo, qui Flores historiarum collegit, monasterium construxit, quod partim donationibus Gulielmi Magni, & 10 Gul. Rufi, regum Angliæ, partim etiam Valerani, in justam excrevit magnitudinem. Erant autem ante conditum monasterium amplissimæ ædes in *Bermundi* insula, quas ego 15 certè puto fuisse Alwini, & in novæ fabricæ ulus cessisse.

BIRINUS. Missus hic fuit ab Honorio Pont. Romano, tanquam apostolus ad Anglos. Pervénit ad Visi- 20 saxones, & beneficio Kinegilsi regis, quem unà cum D. Osualdo Transtrinorum rege baptizavit, ac dono accepit Hydropolim, aliàs Durocastrum, oppidum Romanis non in- 25 cognitum, situm autem in ipsa Tamæ ripa, in sedem Episcopatus sui. De hac donatione scribit Beda quinto cap. tertii libr. Anglicæ historiæ. Acta hæc circiter annum à Christo nato. 30 635. Successerunt in episcopatu viri
- fama

famâ clarissimi, donec Remigius Nortomanus sedem Lindum transferret.

BRANODUNUS. Nomen illustris familiæ apud Icenos, qui nunc Volcæ. 5
Ad verbum è Britannico Latinè interpretatur *Corvinus* mons. *Brane* etenim Britannicè corvum, *Dune* verò montem significat. Non multum abludit ab hac compositione & aliud 10
nomen Britannis celebre, videlicet *Brennodunus*, id est Rēgius mons.

BRENTA, fluvius: oritur in sylva Henodunensi, tribus à Barneto vico passuum millibus; defluit per 15
radices Aroi montis ad Vilodunicos agros, tandem se exonerans in Tamesim paulo inferius *Brenta vado*, vico Danorum fugâ celebri.

BRIGANTES: gens Hyperborea, 20
quorum meminit Cornelius Tacitus scriptor elegans, & rerum Britannicarum, nempe à Iulio Agricola socero edoctus suo, non ignarus. Meminit & eorundem Ptolemæus, adfir- 25
mans *hanc gentem* & occidentale, & orientale lītus inhabitasse. Connumerat etiam Epiacum, Vinnonium, Cattraetonium, Calatum, Ilurium, Rigodunum, Olicanam, & Eboracum 30
Bri-

Brigantam civitates. Ubi autem sit
Epiacum nondum perdidici. Credi-
derim *Vinnonium* eam fuisse urbem,
que nunc **Winchester** prope Vedram
5 sita, non procul ab Achelanda, villa
rustica est, via lapide trans flumen
strata insignis, & famosa fictilibus
tubulis, tessellatis pavementis, & nu-
mismatibus Romanis frequenter é-
10 rutis. *Calatum* verò, ut ego judico,
ea fuit, quæ ab Antonino, & Bedà,
Calcaria dicebatur, Saxonice **Bele-**
caster. Nisi quis putet *Tadecastrium*
vicum celeberrimum vicinum, eam
15 fuisse. *Rigodunum* eam dictam arbit-
ror, quæ nunc *Ripodunum*, & hæc
quoque antiquitatem ostentat suam.
De *Olicana* quidam id pronunciat,
quod ego non omnino affirmo, nepe
20 eam esse, quæ modo *Sacra sylva* aliàs
Waltgter dicitur. Eam igitur inco-
lebant regionem, quam nunc Eboracenses.
Absurdum profectò erit post-
hac Brigantes cum Hectore Boethio
25 Scotto in Gallovidia quærere. An-
toninus etiam mentionem facit Bri-
gantum, quo loco de *Isuria* antiqua
urbe scribit. Porro Iuvenalis satyra
decima quarta hoc versiculo *Brigan-*
30 *tes* gentem, ut ego opinor Hispani-
cam, nominat.

Dirue

Dirue Maurorum attegias; castella Brigantum.

Neque desunt qui suspicentur *Brigantes* gentem Britanniae Aquilonarem a *Brigantibus* Hispaniae, nomen & originem traxisse. Sed ego nihil in re nondum subtiliter excussa affirmo. 5

BRITANNIAE, numero plurali dictae, ad distinctionem primae, & secundae, quarum Sextus Rufus, qui de provinciis scripsit, meminit. Est autem prima, quae citra Isthmum; quae verò ultra, secunda; nunc Scotia dicta: de quibus & Beatus Rhenanus Selestadiensis in opere de rebus Germanicis illustrem facit mentionem. Sylvester Giraldus Menevensis homo antiquitatis Britannicae studiosus Vibium Sequestrem, ut ego arbitror, sedulò imitatus, de Britanniae divisione ita scribit libello Distinctionum secundo: ubi de adventu Fugatii & Damiani apostolorum ab Eleutherio Romano episcopo in Britanniam missorum meminit. *Britannia* provincias habet numero quinque. Britanniam primam, Britanniam secundam, Flaviam, Maximiam, Valentiam. Prima, dicta est 30
pars

pars occidentalis insulæ, quia pri-
 mum in illa Britones Bruto, & Cori-
 neo Ducibus applicuerunt, eaque
 primo à Corineo & suis & occupata
 est, & habitata. Britannia secunda
 Cantia, quia secundò à Bruto, & suis
 inhabitata fuit. Tertia Flavia hoc est
 flava, quæ dicitur & Mercia, quasi
 mercibus abundans, caput cujus est
 Londonium. Quarta, Maximia, id
 est Eboracia ab imperatore Maximo
 sic dicta Quinta, Valentia ab Impera-
 tore Valente sic dicta, Albania scili-
 cet, quæ nunc Scotia. Hactenus
 Giraldus, ejus nomen in Decretis
 Romanorum pontificum celebre. E-
 rat ille quidem suo eruditus seculo
 attamen tantum abest ut hanc ejus de
Britannia in partes divisa interpreta-
 tionem in solidum admittam, ut a-
 pertè aulam pronunciare illum sub-
 inde in interpretatione impendiò
 hallucinatum fuisse. Ineptum planè
 quod de prima, & secunda scribit
 Britannia. Et ejusdem farinae est,
 quod infert de tertia Britannia pro-
 vincia. Flavium familiam longè
 nobilissimam, à qua & Constantinus
 Magnus originem duxit, ulnis am-
 plector. At Flavam repudio, unà
 cum

cum Mercia, quæ à Mercis Germani-
 ca gente, vel limitanea; non à merci-
 bus, nomen accepit. Illud quod de
 Bruti in Britanniam adventu adfert,
 quanvis temporum iniquitate subla- 5
 tis antiquissimorum scriptorum mo-
 numentis, nec illustrium Græcorum,
 aut Latinorum iustis, quòd ego sciam,
 testimoniis confirmetur, in optimam
 planè accipio partem, ingratissimus 10
 alioqui, si instructus satis domestico-
 rum scriptorum non levi autoritate,
 peregrina, & exotica foris anxie dis-
 quirerem. Intereà igitur magni me-
 ritò facio monumenta ingeniorum, 15
 & antiquæ cognitionis, quæ priores
 nostri non vani, ut Polydorus censor
 certè molestissimus, imperio quo-
 dam suo prædicat, gratè, candidè, op-
 portunè etiam posteritati, religione 20
 iustâ ducti, consecravêre. Gildæ
 fragmentum quod circumfertur non
 meminit Bruti. Quid tum? Hoccine
 satis est ut eludant, aut pernegent
 Brutum in Albionem cum suis trans- 25
 migrâsse? Collectio, ita me Dialecti-
 ca amet, frigidissima. Nennius Bri-
 tannus scriptor non contemnendus
 affirmat Brutum nomen Britannix
 indidisse, quamquam & Britonis e- 30
 tiam

iam meminit. Gallofridus Mone-
 muthensis Britannicæ fidem secutus
 historix idem vel constantissimè ad-
 firmat. Constat testimonio Aristote-
 5 lis in libello de mundo, atque adeò
 aliorum Græcorum, *Britanniam*
 principio Olbionem & *Albionem*
 fuisse dictam. Nec deest autor lucu-
 lentus, qui scribat nomen Insulæ in-
 10 ditum ab Albione gigante Neptuni
 filio, cujus & Pomponius Mela me-
 minit. Gigantes autem Olbionem
 incoluisse verissimum est. Poëta qui
 epitomen Britannicæ historix edidit,
 15 sic de gigantibus Albionicis scribit.

Terra ferax, & amœna situ dum
 nomen habebat,

Albion indigena plena gigante
 fuit.

20 Ioannes Annævillanus libro Archi-
 trenii, si rectè computo, sexto; hæc
 recitat de gigantibus.

Hos avidum belli Corinæus robur
 averno

25 Præcipites misit, cubitis ter qua-
 tuor altum

Gogmagog Herculeâ suspendit in
 aëra luctâ,

30 Anthæumque suo scopulo detrussit
 in æquor.

Vidi

Vidi ego passim, cum totam per-
 Infrarem Briranniam ossa gigantea.
 Ter etiam nostro sæculo Londini in-
 venta ejulmodi ossa inter fodien-
 dum. Iugulus columnæ appendet in
 Fano Laurentii ad Prætorium. Crus
 inventum me puero in arenariis pro-
 pe crucem Charinianam. Denique
 & craneum amplissimum erutum est
 Visimonasterii, cum jacerentur fani
 fundamenta, in quo Henrici Septi-
 mi ossa conquiescunt, manifesto sunt
 indicio. Vidi etiam ossa gigantea
 Dori Cantiorum, Sturoduni Duro-
 trigum, Londini quoque in cæme-
 terio Paulino. Inventa & Gallovini
 ossa ingentia, vel, ut ego rectius ar-
 bitror gigantis alicujus, unà cum se-
 pulchro in Rolsia provinciola De-
 metarum, teste Gulielmo Maildu-
 nensi libro de Regibus Anglicis ter-
 tio. Denique annis ab hinc paucis
 sepulchrum gigantis in Cornubia è-
 rutum. Quin omisis gigantibus ad
Brutum Britannicæ gentis parentem
 redeo. Epitomographus Britannicæ
 historię, hæc quæ sequuntur de Bruto
 canit.

Dicitur à *Bruto* sortita *Britannia*
 nomen,

Dicitur

Dicitur & Bruti Britto fuisse ge-
nus

Pars *Corinthea* datur, *Corinto* de Du-
ce nomen:

5 Patria deque viro gens *Corinensis*
habet.

Josephus Iscanus poetarum suo
seculo delictum, & facile princeps in
Antiocheide sic canit.

10 — His Brutus, avito

Sanguine Trojanus, patris egres-
sus ab oris,

Post casus varios confedit finibus,
orbem

15 Fatalem nactus, debellatorque gi-
gantum,

Et terræ victor nomen dedit.

Joannes Annæ villanus poeta, ut illa
ferebant tempora, certè egregius, his
20 versiculis *Britanniam* à Bruto nomen
accepisse clarissimè ostendit:

Hæc eadem, *Bruto* regnante, *Britan-*
nia nomen

Traxit in hoc tempus.

25 Alexander Nechamius, cujus in
doctis artibus cognitio non modò
Britannis suis, verum etiam *Gallis*,
& *Ital*is atque adeò *Orbi* universo,
incredibili cum admiratione ita in-
30 notuit, ut miraculum ingenii dicere-

tur, his verbis in libro de Sapiencia
divina magnificè *Bruto* assurgit.

De hinc *Bruti* tellus est dicta *Britannia* major:

Nam *minor* Armoricos gaudet ha-
bere sinus.

Et alibi.

Quos *Bruti* claudit *Insula* clausa
mari.

His, aliisque multis edocti *Britanni* testimoniis sanè luculentis, ju-
re quodam optimo *Brutum* tanquam
sui generis indubitatum parentem
mordicè retinent & precipuè *Cambri*,
Gloriantur illi quidem se à *Tro-*
janis originem accepisse. Quà parte
non solum fidei unius *Gallofridi Mon-*
næmuthensis; verum etiam *Nennii*,
qui trecentis amplius ante eum an-
nis floruit, innituntur: tantum abest
ut justè hoc inventum *Gallofrido*
interpreti *Britannicæ* historiæ obji-
ciat vel *Gulielmus Parvus Novobur-*
gensis, vel *Polydorus Urbinas*. Bene
habet interim quòd *Ponticus Vi-*
rumnius causam *Gallofridi* defen-
dendam suscepit, aut rectius *Gildæ*,
cujus versiculos *Gallofridus* primo
Britannica historia libro, vel ignoto
vel ingratè suppresso auctoris nomine,
re-

recitat. A Gallofrido autem versus
non fuisse compositos vel hinc con-
stat: Referunt enim, aurea fluentes
vena, Antiquitatis inimitabilem
5 quandam cum eloquentiam, tum
majestatem, qualem Gallofridus po-
ëta suo tempore minimè malus, ut
liquidò apparet ex prophetico Merlini
Sylvestris libello ab eo in carmen re-
10 dactò, cum admiratione faciliùs po-
rui suspicere, quàm feliciùs expri-
mere. Quare operæ precium erit
carmen hic subjicere, ut nomen Bru-
ti eximium diffusis orbi radiis plen-
15 ùs eluceat. Consecratum autem car-
men est, votis multis, Dianæ vena-
trici. Nam Britannia illis nemoro-
sa temporibus fuit, ferarumque al-
trix.

10 Diva potens nemorum, terror syl-
vestribus apris,

Cui licet anfractus ire per æthe-
reos,

25 Infernasque domos, terrestria jura
resolve:

Et dic quas terras nos habitare
velis.

Dic certam sedem, quâ te venera-
bor in ævum.

30 Quâ tibi virgineis templa dicabo
choris.

Agnosco hîc numen eloquentiæ,
 quod & suspicio, venerorque religio-
 ne permotus quadam. Sequitur fa-
 ventis Dianæ responsum elegans, ro-
 tundum, propitium. Crediderim
 planè Deam heroicum quiddam in
 Bruto penitus deprehendisse, quod
 beneficio magno potteritati, & æter-
 nitati commendatissimum relinque-
 ret. Sic enim magnifica respon- 10
 det.

Brute, sub occasum solis trans Gal-
 lica regna,

Insula in Oceano est undique clau- 15
 sa mari.

Insula in Oceano est, habitata gi-
 gantibus olim,

Nunc deserta quidem, gentibus
 apta tuis.

Hanc pete, namque tibi sedes erit 20
 illa perennis:

Hæc fiet natis altera Troia tuis.

Hic de prole tua reges nascentur,
 & ipsis

Totius terræ subditus orbis erit. 25

Ponticus Virunnius pronunciat
 Gildam poëtam Britannicum versi-
 culorum quos recitavi fuisse scripto-
 rem ejusque operis meminit, cui il-
 lustris titulus *Cambræis*. Hæc ille de 30
 Cam-

Cambrëide loquens. De qua etiam,
libro quinto epigrammáton Gildas
Britannus poëta, sic canit insignis.

Jocundæ toriens cecini tibi car-
5 mina, Cambreïs.

Lilius Gregorius Gyraldus Ferra-
riensis, dulce decus omnis antiquita-
tis non Latine modo, verum etiam
Græcæ, ita in quinto de poetarum
10 historiâ dialogo, de Gilda Britanno
loquitur. Gildam etiam memini
me legere Britannicum poëtam, his,
ut puto longè antiquiorem, cujus
tüm mihi Elegiacum carmen mirâ
15 facilitate conscriptum visum fuit. nec
adeò aspernabile : quem postea etiam
citatum reperi in pervertere *Britanni-
ca historia*. Hactenus Lilius. Addu-
cor certè ut credam alterum hunc fu-
20 isse à Gilda historiographo. Phrasis,
dictio, elegantiaque carminis mayo-
ra promittit, quàm speranda quidem
à monacho. tam barbaro seculo nato.
Quare Gildam poëtam ab historio-
25 grapho alterum, judicio quodam per-
suasus certo, non temerè constituo.
Liceat nunc *Britannis* cum bona ve-
nia originem à *Trojanis*, & *Bruto* suo
reperere. Fecerunt idem & Itali, &
30 Galli, multæque aliæ gentes, gloriâ

infinita illa Trojani nominis illecti.
 Quales *Britanni* initio fuerint non
 remerè definitio. Doctissimorum esto
 iudicium. Scio interim Josephum
 in opere, cui titulus Antiochëis, hæc 5
 magna cum laude cecinisse.

—Inclyta fulsit

Posteritas Ducibus tantis, tot dives
 alumni,

Tot fecunda viris, premerent qui 10
 viribus orbem,

Et famâ veteres. Hinc Constantinus,
 adeptus

Imperium, Romam tenuit, Bizanti-
 on auxit. 15

Hinc Senonum ductor captiva Bren-
 nius urbe

Romuleas domuit flammis victrici-
 bus arces.

Hinc & Scæva satus, pars non obscura 20
 tumultus

Ci. iis, Magnum solus, qui mole so-
 luta,

Obsedit, meliorque stetit pro Cæsare
 murus. 25

Non desunt & alii melioris notæ
 scriptores, quorum operâ, & dili-
 gentiâ antiqua Britannorum virtus
 elucet. Josephus, cujus carmen eli-
 matum præposui, unus multorum, 30
 bre-

brevitatis causa, instar erit. Hoc certe constat, cultores *Britannia* eò jam gloriæ pervenisse, ut cum gente quavis alia omni virtutum genere facile contendant, hostesque jugo premant. Tantum hoc defuit palmæ antiquissimorum *Britannorum*, quòd ante Romanorum in Insulam adventum operi manuario, & militiæ studuerint potius, quàm literis, quibus famam posteritati prorogarent. Artium, & bonarum literarum cognitio eo tempore certè omnis penes solos *Druides* fuit, quibus & Græca lingua tantum non familiaris. Strabo Geographus libro quarto *Bardos*, & *Vates* adjicit, hæc referens. Bardi quidem laudationibus, rebusque poëticiis student: *Vates* autem sacrificio-
rum naturaliumque causarum curæ dediti. Conjectura ducor eo tempore vulgus *Britannorum* ineruditissimum fuisse, ac prorsus non potuisse linguæ suæ voces calamo depingere. Quo etiam morbo & pleræque aliæ gentes omnes barbaræ laborabant. Caroli Magni temporibus cœperunt barbaræ gentes aliquot, suæ linguæ v oculis chartas pingere. Rudiores
Hungari ne adhuc quidem aptè suo

idiomate scribunt. Cæsar meminit
 numismatum Britannicorum, & an-
 nulorum, quibus in permutatione u-
 rebantur. At ego, qui excusserim om-
 neis *Britannia* angulos, & tantum an- 5
 tiquarum rerum viderim, ne unum
 quidem, quod sciam, Britannicè in-
 scriptum inveni: cum tamen Roma-
 norum numismatum passim per a-
 gros Britannicos erutorum pæne my- 10
 riades viderim. Causa autem cur
 Britannorum numismata nulla ap-
 pareant, hæc est. *Cautum fuit edicto*
Romanorū imperatorum severo, ne quis
in Britannia nummis uteretur nisi sig- 15
natis imaginibus Cæsarum, id quod
ex Gildæ sapientis historiola liquidò
constat. Et quamdiu imperium Bri-
tannia in provinciam redacta penes Ro-
manos stabat, tamdiu necesse erat Bri- 20
tannis magistratum gerere cupientibus,
Latine loqui, etiam si non purè putè.
Unde & provincialis lingue ortum a-
pud Britannos, ut arbitror, nomen.

Vulgus tamen magnâ cum diffi- 25
 cultate, & id quidem corruptè, disce-
 bat. Tabulas donationum omneis,
 & rationes alicujus momenti Latine
 scribebant. Hæsit tamen in lingua,
 in fibris, in animo apud vulgus sermo 30
 Bri-

- Britannicus.** Qui sunt peritiores
linguæ Britannicæ, quâ nunc Cambri
Britannorum reliquæ utuntur, faci-
le sentiunt infinitam vim Latinorum
5 vocabulorum consuetudine Romano-
rum in colloquium vulgo familiare
irrepsisse. Cætera vocabula Cambri-
ci idiomatis partim Hebraica, par-
tim Græca, partim barbara sunt.
- 10 Sed latius in præsentia expa-
riatus sum, dum sollicitè hoc ago,
ut Britanni splendore sui Bruti, à quo
unâ cum patria fama super æthera
nota nomen accepere, illustrati, Tro-
15 jani meminerint generis, factisque
parentem victuris assiduè exprimant.
Forſitan hîc quispiam dixerit me bel-
lè munus perornâſſe meum; ſubefſe
tamen, quæ diverſum ſuadeant, &
20 Brutum, non minus quàm Britanni-
am ab eo denominatam negligant,
contempnant, rejiciant denique. Qua
parte, ut veritatem à calumniatorum
impetu prætenſo clypeo fortiter pro-
25 tegam, apertè ſignificabo quibus ar-
mentur telis. Nennius confirmator
magnus Bruti, ne varietatem ſcriben-
tium de origine Britannica aut con-
ſultò præteriſſe, aut non cognoviſſe
30 videretur, Britonis cujuſdam, filii
Hi-

Hificionis aliàs Ificonis, qui fuit fili-
 us Alani de genere Japheti, mentio-
 nem facit, significans se legiffe apud
 quendam hiftoriographum ab hoc
 Britones nomen accepiffe: quam ta- 5
 men opinionem recitavit potius,
 quàm confirmavit, prælatâ meritò
 Bruti gloriâ. Sunt & aliquot præ-
 terea obfcuræ famæ fcriptores, qui
 leviter Britonis, & Britonum 10
 nomen attigerunt. Scriptoribus
 antiquis Græcis *Βεττανία* percog-
 nitum nomen: Britannia Latinis:
 At Britonum utrifque infrequens.
 Aufonius Burdegalenfis falſiuſculè 15
 ludit in Sylvium Britonem. Pro-
 fectò crediderim eo tempore Brito-
 num nomen exortum, quo Romana
 eloquentia, & gloria unâ cum Bri-
 tannia ad inclinationem vergebant. 20
 Sunt qui putent Britones gentem fu-
 iſſe continentis Galliæ, ad littus Ar-
 moricanum (inter quos & Volaterra-
 nus Polydori inſtructor) & olim in
 Britanniam commigrâſſe. 25

Sed ea opinio à nudâ proſiliens
 conjecturâ judicio doctorum exploſa
 eſt

Agathias Græcus libro ſecundo de
 bello Gotthico, ſcribit Britones Hun- 30
 nicam

nicā esse gentē. Nil igitur antiquitatis
Britonibus cum Armoricano littore
commune.

Cornelius Tacitus hæc refert
5 in vita Agricola. In universum
æstimanti, Gallos vicinum solum oc-
cupasse, credibile est. Eorum sacra
deprehendas superstitionum persua-
sione. Sermo haud multum diversus.
10 Hæc ille. At Taciti illud *credibile*,
rem tanquam veram, cum sit vox in-
certa, non pronunciat. Nuda planè
conjectura est. Nam & superius scrip-
serat, parum compertum esse. Quan-
15 tum autem ad sacra pertinet, credi-
derim potius cum doctis scriptori-
bus, (& maximè Cæsare, (quem Bri-
tannicarum rerum cognitio aliquan-
do occupatissimum iuxta derinuit cu-
20 ra) Gallos à Britannia, quàm contrà,
suorum rituum persuasionem acce-
pisse: id quod vel facilè hinc liquet,
quòd Galli ad Druides Britannia in-
colas de more missitabant quæsitum
25 de vera rituum cum interpretatione,
tum cognitione. Denique quantum
ad idioma pertinet, sum penè ejus-
dem cum Tacito sententia. Nunc
mihi negotium, nec illud quidem
30 leve, erit cum illis, qui contendunt
Bri-

Britannos olim gentem vagam, syl-
vestrem, inconditamque fuisse, & à
brutis moribus nomen desumpsisse,
inter quos & Hierichus primus est,
ut liquet ex his versibus desumptis è
tertio ejus operis libro, quod de vita
D. Germani episcopi Altisiodoren-
sis carmine heroico scripsit, & Caro-
lo Magno dedicavit.

Insula in vasto terrarum plurima
ductu

Alterius penè nomen conduceret
orbis;

Edicto veterum vocitata Britannia,
brutis

Barbara quòd furiat gens ultrò mori-
bus omnis.

In hac etiam hæresi fuit Isidorus
Hispalensis episcopus, ut apparet li-
bro nono Etymologicòn. Horum e-
go judicium non ex autoritate scrip-
torum probatissimorum enatum, aut
ex vivis fontibus haustum, quin por-
ius à lacunis temerè derivatum, discus-
tio longè rectius, quàm admitto.
Colligo utrumque in barbarum planè
incidisse seculum, quo bonæ artes
omnes, unà cum eloquentia, & ge-
nuina illa antiquitatis cognitione
frigebant. Ut concedam Britannos
ali-

aliquando rudes, vagos, & incompositum genus fuisse: an ideo ratione æquâ statim bruti dicendi? Minimé. Tales initio fuere gentes pleræque
5 omnes, ne Græcos quidem, Italolue excipio, qui tamen postea societate civilitate, æquitate conjunctissimi illustribus factis, quemadmodum & Britanni, gloriam sui nominis vel
10 longissimam fecerunt, posteritatisque memorabili exemplo, virtutis titulo fuerunt. Eliota, amicus noster ille candidus, inter Græcos versatus, contendit beneficio cujusdam vetustissimi
15 mi exemplaris, opportuna usus conjectura, Britanniam antiquitus à rerum affluentia Prytaniam Græcè, nomine à re aptissime desumpto, dictam fuisse. Hæc
20 memini legere me in Vibii Sequestris libro de regionibus, ac provinciis. Calabria quæ primis ab antiquis Prytania, ob immenfam affluentiam totius delicii, atque ubertatis. Hæc ille. Industriam Eliotæ
25 collaudo. Cupiebat ille hac conjectura Britanniae gloriam appellatione & eleganti, & significanti extendere. Nec interim tamen conjecturas ullas tanquam certa promittentes

res statim recipio, ne forte videar judicio valentibus patriæ ingratus, neglecto, aut contempto Bruto incomparabili, ac ab antiquis nostratibus maximè receptissimo. Postremò ille certè corrigendus, & opportunè, error est, quo quidam imbuti, & temeritate potius, quàm judicio ullo saltem certo freti, deprædicant Britannos ex Armoricano littore primum in Albionem commigrâsse, novumque Britannix nomen Insulæ indidisse. Beda vir citra controversiam omnem doctus, at non perinde in penetralibus Britannicæ Antiquitatis versatus, scribit hoc modo, primo capite primi libri Anglicæ historiæ. In primis autem insula Britones solum, à quibus nomen accepit, incolas habuit, qui de tractu Armoricano, ut fertur, Britanniam adveſti, australeis sibi partes illius vendicaverunt. Hic certi nihîl pronunciat, tantum dicit, *ut fertur*. Quo loco, si fidem à lectoribus sibi dari voluisset, apertè autoris nomen, cujus opinioni subscripsit, produxisset, ut & sic pondus, fidemque dictis solidam adjiceret. Polydorus tamen vir alioqui tum elegans, tum doctus, ex hoc Bedæ loco errorem haufit

hausit, haustumque in fibris conser-
vat. Tam difficile est dediscere, quæ
semel malè aliquis didicerit. Quid
interim fiet de judicio Cæsaris? Ille
5 quinto commentariorum libro Bri-
tannos mediterraneos *Αντοχθονας*
appellat, tanquam in ipsa terra geni-
tos, quod antiquioris originis essent,
quàm ut generis sui primordia cog-
10 noscerent. Diodorus Siculus, libro
sexto bibiliothecæ suæ, hæc refert.
Britanniam incolere tradunt Abori-
genes. Liquet communi scriptorum
suffragio incognitum fuisse Britanniae
15 nomen oræ Armoricanæ, ante Maxi-
mi, qui Britannis insularibus præfu-
it, tyrannidem. Britanni indubiè
Armoricæ à se devictæ nomen
imponere novum, quod vel ad-
20 huc retinet. Commigrationis
autem Britannorum in Armori-
cam cum Maximo, Gildas in sua hi-
storiola, & Beda in libro de ratione
temporum, titulo Theodosii, lucu-
25 lentam faciunt mentionem. Ut con-
cedam Brutum, & Britannos aliquan-
do solvisse à littore Armoricano Al-
bionem petituros: an statim hoc ad-
misso constabit Britannos colonos
30 fuisse tractus Armoricani? Nihil
mi-

minus. Nam aliter ipsa Gildæ verba
pronunciare videntur. Exin Britan-
nia omni armato milite, militaribus
copiis, rectoribus licet immanibus,
ingenti juventute spoliata, quæ co-
mitata vestigia supradicti Tyranni
domum nusquam rediit. Hactenus
Gildas. Si ergo domum non redie-
runt, quem locum, aut quas posside-
bant sedes? Certè non alias quàm
Armoricanas, quibus victores patriæ
suz nobile dedere nomen, Armori-
canorum & gloria, & appellatione
sensim cadente, ac tandem pereunte.
Nennius Britannus de hac quoque
transmigratione in sua opportunè
scribit Historia. Quin & ista fusi-
us, luculentius, atque adeò certius, ad-
ditis ad cumulum Constantini Mag-
ni triumphis maximis, depingit Guli-
elmus à Maildulphi curia in prima de
regibus tabula, his lineamentis. Con-
stantinus, ut aiunt, vir magnæ civili-
tatis Constantinum ex Helena flabul-
laria susceptum egregiæ spei juvenem
reliquit heredem, qui ab exercitu
Imperator salutaris, expeditione in
superiores partes indictâ, magnam
manum Britannorum militum ab-
duxit, per quorum industriam, tri-
umphis

umphis ad vora fluentibus, brevì rerum potitus, emeritos, & laboribus functos in quadam parte Galliæ ad occidentem super littus Oceani collocavit. Ubi hodièque posterì eorum manentes in immane coaluère motibus, linguâque nonnihil à nostris Britonibus degeneres. Et ibidem paulò inferius: Succedentibus annis in eadem insula Maximus, homo imperio aptus, si non contra fidem ad tyrannidem anhelasset, quasi ab exercitu impulsus, purpuram induit, statimque in Galliam transitum parans, ex provincia omnem pene militem abrasit. Constantinus etiam quidam non multo post ibidem spe nominis Imperator allectus, quicquid residuum erat militaris roboris exhausit. Sed alter à Theodosio, alter ab Honorio interfecti, rebus humanis ludibrio fuere. Copiarum, quæ illos secutæ ad bellum fuerant, pars occisa, pars post fugam ad superiores Britannos concessit. Hæc Maildunenensis fusiùs reliquis scriptoribus narravit, exorsus à Constantio patre, & Constantino filio Imperatoribus. Quid, quod & addidit ad Maximì tyrannidem præter communem

nem morem nostrorum scriptorum,
 Constantini alterius imperii in valo-
 ris facinus, suppliciumque? De hac
 quoque transmigratione, & nomine
 Armorice in Britanniam continen- 5
 tis mutato, Henricus Venantodu-
 nensis in sua accuratè scribit historia.
 Ut interim mittam Aluredi Fibrole-
 gani, Gervasii Durovernenfis, Joan-
 nis Anglici, Ranulphi Higedeni Ca- 10
 strensis illustrissima de eadem trans-
 migratione testimonia. Hæc, quæ au-
 thoritate virorum illustrium confir-
 matus adduxi, si non satis compro-
 bant Armoricam Britannia conti- 15
 nentis nomen à Britannorum insula-
 rium commigratione accepisse, &
 Britannos continentis nullam un-
 quam appellationem indidisse no-
 stræ Britannia, disquirant per me im- 20
 portuni calumniatores crassiores um-
 bras, quibus gloriam frustra conentur
 Britannici splendoris obfuscare. Ego
 interea loci strenuè causam meæ pa-
 triæ defendam, & famam ejusdem 25
 modis quibus possum omnibus pro-
 movebo, augebo, ornabo.

BUSTELLI-domus. Angl. *Bustel-
 tesham*. Erat aliquando sedes Tem-
 plariorum, quorum existimatione de- 30
 crecente

eresciente Mons acutus à Severia Comes collegium Canonorum Augustinianorum ibidem instituit. Ab eo tempore Bustelli domus consecratum est principibus viris Montis acuti.

C.
CALEVA, nobilissima semper Atrebatum civitas, de qua & Græci, &

10 Latini scriptores mentionem fecerunt. Ptolemæus hæc scribit. Atrebatii, & eorum civitas *Ναλκὼνα*. Sic enim Calevam, ut mihi videtur, invertit Græcus codex. Sunt qui adfirmant

15 hanc urbem eam esse, quæ nunc Istdis-vadi nomine censetur. Sunt & alii qui Calevam dicant eam fuisse urbem, quam in solitudinem redactam vulgus hodie *Silcestre* vocat, quod à

20 Pontibus, aliàs Rheadingo, plus minus septem passuum millibus distat, & tribus à Basingo. Sunt porro qui Guldæfordæ Calevam quærant. Sed has conjecturas non magni facio. Puto

25 certè *Silcestre* eam antiquitus fuisse urbem, quam Henricus Huntingdonensis libro quarto historiae suæ dicit à Britannis antiquitus *Cair Segent* fuisse appellatam. Sita autem est

30 in ipso limine Avoniæ littoralis non

in ripa Tamesina, ut habet Huntendunensis, ni sit corruptum exemplar. Erat & urbs altera Segontium nomine, quam Cairarvon nostra ætas vulgò appellat, quòd è regione Monæ, 52
 quæ nunc Anglesega dicitur, sita sit, Mea planè opinio semper fuit, atque adeò nunc est, Calevam eam fuisse urbem, quæ nunc **Walengasford** dicitur. Facilis lapsus erat mutare U, geminatum in G; & rursus G, in C; N. autem litera cum invertitur fit U. Ita ex Walena orta est corrupta Caleva. Quanquam & Antoninus Gallenæ meminit. Facies, situs, antiquitas, 15
 spatium, magnificentia denique arguunt **Walengasford** olim urbem fuisse clarissimi nominis. De vallo, fossâ profundâ, & arce penè inexpugnabili, nihil dicam. Dani, devictâ hac 20
 urbe, custodiam, & præsidium arcis magnum imposuerunt. Bona pars murorum urbis Danicis procellis cecidit, nec ab eo tempore instaurata. Ab adventu Nortomannorum Brientius urbem, & castrum possidebat, 25
 quem Gulielmus à Maildulphi curia, in tertio Novellæ historiæ libro, Limitaneum, id est Marchionem Walengasfordæ appellat. Comes etiam 30

Devanus, five Castrensis eandem, ni-
 si me fallit memoria, sub ditione te-
 nuit. Matildis filia Henrici primi ab
 5 Ifidis-vado clam fugiens Stephanum
 tyrannum, hic se occuluit. Comites
 Coriniæ urbem & castrum posside-
 bant. Inter quos effloruit Richardus
 semper Augustus Rex Romanorum,
 filius autem Joannis Regis Angl. &
 10 frater Henrici tertii, cujus opera ca-
 strum insigniter reparatum est, ut re-
 fert Matthæus Parisius. Fuit ~~Walen-~~
gaforde oppidum percelebre vel ipso
 Eadveardi tertii imperio: quo tem-
 15 pore ingens pestis per duodecim ur-
 bis paræcias immisericorditer grat-
 sata est, & tantum non desolatam red-
 didit. Cupiebat veterem Richardus
 secundus loco restituere dignitatem,
 20 datis diplomatibus, & vestigalibus di-
 minutis. Votum tam honestum suos
 non habuit successus. Ab illo decrevit
 quotidie urbis gloria, & à constructio-
 ne pontis Abbandunici et Durocastren-
 25 sis, viatoribus ab antiqua semita decli-
 nantibus, tantum non concidit.

CASTRUM-PUELLARUM, vulgo
 EIDENBURGE, Regia Scottorum
 sedes, de quo multa Hector Boethius
 30 in sua refert historia. Hæc urbs ali-
 G 3 quoties

quoties ab Anglis vim passa est, & nuper igne fœdè deflorata, victore Anglo, tora penè concidit.

CERVI-INSULA. Anglicè *Ceorte* *sege*, vulgò *Chersey* in ipsis penè Reg-
norum finibus sita est. Ego aliquando
legi Erchenvaldum filium fuisse Offæ
regis Ostroanglorum, natumque Stal-
lenvorti apud Lindisios. Sororem ha-
buit Ethelburgam virginem pudicis-
simam. Fuit hic episcopus Londinen-
sis, & duo erexit cœnobia, de quibus
Beda in Ecclesiastica Historia mentio-
nem facit. Frithevoldus, teste Mari-
ano Scorto, & Gulielmo à Maildu-
phi curia, subregulus beneficio Wol-
pheri Regis Merciorum Erchenvaldi
adjutor fuit in constructione Ceorte-
segani cœnobii. Ethelburga virgo Be-
rechingi virginibus velatis præfuit.

CHAUSEGA, vulgò *Cheausey*. Er-
rat hic antiquitus nobile monasteri-
um, sed concidit ea calamitate, qua
Dani totam latè Atrebatum provin-
ciam devastabant. Instaurata tamen
postea pars aliqua pristinae dignitatis
Cheauseganæ, habuitque, ut ego col-
ligo, Canonicos, quos præbendarios
appellant. Tabulæ Donationum in
Rheadingensi monasterio Rogeri De-
cani

cani Cheauslegani mentionem faci-
unt. Illud liquidò constat Henricum
Belloclericum Angliæ regem prædis-
Fani Leonis, id est Leonminster, &
5 Cheauslega novum monasterium su-
um, quod magnificentissimè Rheadingi
erexerat, dorasse, miserum, ut
referunt, neglecta in illis locis reli-
gionis. A quo tempore serviebat Che-
auslega Rheadingo. Nunc villula est
10 non alio certè clara nomine, quàm
quòd Domino fructus uberes reddat.

CHEVA vulgò *Kem*. Villa elegans.

Aedes autem non multis ab hinc an-
15 nis constructa tempore Henrici sep-
timi à quodam pænuarii, ut ego au-
divi, præfesto.

CLAUDIA. Britannicè *Cairglo*,
Angl. *Glocester*. Claudie nomen ce-
20 lebravit. Gul. à Maildolph curia cum
dedicaret illustre opus historiarum suarum de
Angl. Regibus Roberto Claudio-
norho Henrici primi, at præcipuè in
libro de Pontificibus Anglicis tertio.

25 Nennius Britannus Claudie memi-
nit: sed affirmat ab alio quàm Clau-
dio Cæsare urbem nomen accepisse.

Annales Britannorum referunt olim
sedem hinc fuisse episcopalem, Antisti-
30 temq; habuisse Eldadū. Adornaverunt

hanc urbem claris ædificiis Reges multi. Præcipuè Oſricus ſubregulus, Comes Claudianæ provinciæ, & regibus Merciorum ſanguine conjunctus, maximè Etheldredo, cui & familiaris, 5 ut ex Chronicis Claudiani monaſterii liquidò apparet. Fuit hic Oſricus poſtea Rex Trans-habrinorum. Sed Danica tempeſtas cœnobium Oſrici fædè tractavit, virgineſque Deo ſacræ fugavit. Sunt qui ſcribant hoc factum flagrante bello civili inter Egbertum Regem Wiſſaxonum, & Mercios. Succeſſère in Virginū locū Canonici. Tandem expulſis illis, induc- 15 ti per Canutum regem, conſultore Wolſteno Ep. Vigor, monachi. Sed de Claudia fuſius in libris de Civili Hiſtoria, ſive de antiquitate Brit. dicemus

CISSA, inter Saxones nobilis pater Inæ Regis Wiſſaxonum, & erector Abbandunenſis cœnobii. 20

COVÆ, duæ arces munitiſſimæ, à loco in quo ſitæ ſunt ſic dictæ. Una Orientis, altera Occidentis titulo elu- 25 cet. Stant autem in iſſis Neoportus faucibus, quæ aditus in Veſtam inſulam. Eſt in hoc æſtu Caſtrum antiquum à Britannis *Cairbro* dictum. *Cair* enim Britan- 30 nicè caſtrum, aut ur-

urbem muris cinctam: *Bro* autem æ-
 stum maris significat. Unde & *Penbro*
 id est Caput æstuarii, urbs notissima
 Demetarum; quæ nunc ~~Penbroc~~ Syl-
 vester Giralduſ in Itinerario ſuo
 Penbro interpretatur caput mariti-
 mum. Hujus caſtri juſ omne ab ad-
 ventu Nortomannorum erat penes
 Rigidioſ, ſic enim interpretor *Redde*
 10 Gallitum nomen, & *Reddeur* eſt ri-
 giditas. Apriuſ eſt proprium nomen
 in *ius* quam in *us* terminare, alioqui
 dixiſſem Rigiduſ. Inter Rigidioſ,
 quos vulguſ ſcriptorum Reduerioſ, &
 15 Riparioſ corruptè appellat, Richar-
 duſ Henrici Secundi conſobrinuſ
 connumeratur. At alter prænomine
 Balduinuſ imprimis illuſtriſ fuit,
 quem Vectæ comitem fuiſſe teſtantur
 20 multi rerum Anglicarum ſcripto-
 reſ. Hunc ego eſſe puto Baldu-
 inuſ de Betona, ſic forſitan à
 natali ſolo dictuſ, Comitem Vectæ
 qui beneficio Richardi Regiſ in uxo-
 25 rem duxit filiam & hæredem Guliel-
 mi Comitiſ Albemariæ, ac Holdeir-
 neſſiæ: quo titulo multum ei acceſ-
 ſiſſet ad dignitatiſ cumulū, ſi pro-
 lem de eâ iuſcepſiſſet. Duxerat ante
 30 Balduinuſ Vectanuſ in uxorem Jo-
 annam

annam filiam, & hæredem Gulielmi
 Vernonii Comitis Devonix: quo con-
 jugio auctus est altero Comitis ho-
 nore. Mortuo Balduino, ejus uxor
 filia Gulielmi Grossi Comitis Albæ- 5
 marlæ secundo nupsit Magnovillano,
 vulgò *Mandeville*. Tertiò etiam
 nupsit Gul. de Fortibus qui Skip-
 pouduni castellum à Gul. Grosso socero
 suo magnificè inceptum, magnificen- 10
 tius abolvebat. Dux Albæmarlæ,
 Vectæ, & Devonix, ad hos Fortios
 pervenit, & honos uterque in Isabel-
 la Fortia cessavit. Rex Eadveardus, si
 rectè memini, Tertius, precibus & 15
 precio ita per interpretes cum Isa-
 bella egit, ut hæc vivens jus omne su-
 um de Vecta Insula illi perpetuò re-
 mitteret. Hoc pacto Vecta pervenit
 in possessionem Principis. 20

CURIA. Saxonice *Byri*. Sic enim
 vocant brevitatis studio: Aliàs appel-
 latur lingua vernacula *Saint Eadmu-*
undes byri, id est Fani Eadmundi
 curia. Habebat hoc oppidum anti- 25
 quius nomen. Dicebatur enim La-
 rinè Bedericia, Saxonice *Bederiches-*
worth. At postquam reliquix Ead-
 mundi Regis Ostroanglorum à Danis
 interfecti Aquilæduni, vulgò *Porton*, 30
 sed

sed corruptè pro *Eglestone*, 33. an-
nis quievissent, translata sunt Bede-
riciam consensu Ostroanglorum, tan-
quam ad locum celebriorem. Fama
5 refert nomen Eadmundi multis ibi
inclaruisse miraculis. Anno autem
D. 925. & secundo Ethelstani Regis
collegium sacerdotum Bedericæ in-
stitutum est, sacrum videlicet Ead-
10 mundo. Nec longo post tempore
Canonici Præbendarii ibidem insti-
tuti, ac oppidum Eadmundi titulo
nominatum. At Canutus Danus, An-
glorum imperio potitus, consilio Ail-
15 wini episcopi Ulmetensis, alias Hel-
meham, Canonicos expulit, ac mona-
chos substituit. Devenerat ante hæc
tempora Bedericia oppidum in usum
Canonicorum liberalitate Eadmundi
20 Regis patris Eadgari. Post adventum
Gulielmi Norromanni in Angliam,
Hervæus ædituus Fani Eadmundi op-
pidum muro cinxit, unde & statim
magnificentiora urbi ædificia addita.
25 Quid ego hic pluribus collaudo *Curi-*
am verbis? Unum hoc tantum addam,
solem non videre urbem situ elegan-
tiorē: (sic molli delicata pendet in
clivo, & rivulus ad orientem defluit,)
30 aut comobium illustrius, si quis do-
ta-

rationem, seu amplitudinem, aut magnificentiam incomparabilem æquis rationibus expendat. Diceret planè cœnobium urbem esse: tot portæ, partim etiam æreæ, tot turres; & templum, quo nullum magnificentius, cui & alia tria egregio opere nitentia, uno & eodem cœmeterio sita, subseruiunt. Amniculus, de quo superius, mediis Monasterii septis illabitur, duplici ponte arcuati operis pervius.

D.

DELA, Saxonice, ut ego arbitror, Dale. Locus est in littore Cantiano inter Dorin, & Rutupinum urbes Romanis cognitissimas, ubi solum humile, & subsidens descendantibus è navibus facilem in Insulam aditum præbet. Fama publica est, in promontorio Cantiano Julium Cæsarem à portûs Durenſis aditu prohiberetur, hic in terram loco opportuno descendisse unà cum copiis suis, & castra in spatiosa illa planitie, cui nunc nomen Barendunia, posuisse. Neque his dissimilia referunt Chronica quæ ego aliquando legi de rebus Dori gestis.

DEIRI, gens notissima rerum Saxoni-

nicarum scriptoribus, quorum leviter
 meminit Samuel homo Britannus,
 Beda autem fusè 14. cap. 2. libri An-
 glicæ historiæ, & alibi. Incolebant la-
 tam regionem ab Abri fluminis ripis
 ad ripas Tyssæ. Bernicii verò (de qui-
 bus & Beda etiam capite præcedenti
 scribit) sedes habuerunt à Tyssa ad
 Tuesim fluvium & ultra. Utraque gens
 principio imperii Saxonum in Bri-
 tannia suum Regem retinuit. At
 temporum intervallo utrunque reg-
 num in unum coaluit. *Deiros* credi-
 derim à ferarum sylvis, ubi vitam du-
 cebant, appellatos. *Θύς* Græcum est,
 fera Latinum, unde Saxones damas. &
 cervos *Deire* patrio appellabant vo-
 cabulo, hac tamen scribendi lege ut
 Θ Græcum in D. verterent, transfixa
 prima literæ parte virgulâ, quam &
Thorn suâ nominabant linguâ, quòd
 virgula spinulæ exhiberet speciem.
 Beda sylvæ *Deirorum*, libro quinto
 historiæ suæ capit. 2. his verbis me-
 minit: Berthunus abbas monasterii,
 quod vocatur **Derewald**, id est Dei-
 rorum sylva. Hactenus Beda. Hic lo-
 cus hodie celeberrimus est, & à fibris
 aquaticis illis Fibrilega Latina com-
 positione appellari potest, quanquam
 in-

indoctum vulgus oppidum **Weberley**
 vocat, clarum videlicet Joannis olim
 archiepiscopi Isurovicani, sive Ebo-
 racensis consuetudine, sed clarius E-
 thelstan Regis de Scottis triumphis, 5
 ac liberalitate, quam vel hodie de-
 prædicant. Illud non est silentio
 prætereundum, quòd ea Deiria pars,
 quæ subsidet, & Hullo fluvio, ab ostiis
 reflui Abri, alias Humbri, tanquam 10
 extrema meta diseluditur, vulgò
Holbervesse vocatur, quod Latine sic
 redditur, *Cava-Deiria* peninsula.
 Terra enim ibi se extendit in mare,
 id quod cum fit Cherronesus dicitur. 15
 Non tamen ita se extendit, ut pro-
 priè Cherronesus dici possit. Libel-
 lus qui inscribitur, at incerto autore,
 de antiquitate Deirorum, hæc refert:
 Cava-Deira respectu altioris inter 20
 Mare, & Humbrum. Et quia extendi-
 tur instar nasi, additur hæc syllaba
Nese, & dicitur vulgò **Holbervess**.
 Mihi quidem non arridet hic nasus.
 Sequar igitur priorem interpretationem. 25
 Quæ verò sequuntur ad hunc
 modum in eodem libello aliquantò
 lucidiora sunt. **Deirwalae** locus ne-
 morosus, id est sylva Deirorum. Hæc
 postea **Webertac**, quasi locus, vel la- 30
 cus

- 5
 10
 15
 20
 25
 30
- cus cāstorū dictus à castoribus, qui-
 bus Hulla aqua vicina abundabat.
 Hastenus antiquitatum scriptor. At
 ego ut *castores*, & *locum* facile admit-
 to, ita *lacum* rejicio, & amplector pri-
 orem Fibrilegæ concinnationem: ni-
 si quis Fibrolegam Græcam compo-
 sitionem prætulerit. Saxones scribe-
 bant *Wederlege*. Recentiores in hu-
 jusmodi terminationibus commuta-
 verunt plerunque *lege*, in *ley*. Hoc lo-
 co, principio monasterium erat viro-
 rum, & virginum egregiè à regibus
 donatum, sed bellis Danicis conflag-
 ravit. Eathelstenus postea Scottorum
 debellator collegium Canonicoꝝ
 ibidem instituit, & liberalitate am-
 plā institutum insignivit, asyli im-
 munitate additā.
 DERENTUS fluvius, Angl. *Derente*
 corruptè, duabus literis mediis subla-
 tis, *Derte*. Conjectura est quorundam
 & probabilis hunc fluvium olim ap-
 pellatum fuisse Dorguin, alias *Dor-*
guen Britannico vocabulo, quod La-
 tinè aquam lucidam, & perspicuam
 significat. Facilis mihi quidem vide-
 tur lapsus à Dorwente in Derente.
 Oritur hic fluvius Tiresegæ, quæ Reg-
 norum in finibus sita est villa. Specta-
 bilis

bilis autem est Craii, & Derenti
 confluentia in ipso Derenti vado.
 Origo Craii cernitur Dorpenduni
 vulgò *Dorington*: quod nomen Bri-
 tannicum *Aqua caput montana* Latinè 5
 exprimit, quasi ipsos fontes, & origi-
 nem fluviorum significans. Loca non
 obscura alluit, & tandem Derentiva-
 dum vicum celebrem attingens, De-
 renti petit alveum, quo loco viatori- 10
 bus penè pervius est. Nuper mœstus,
 cœnobium virginum Doruenta cin-
 gebat, opus Eadveardi à Gulielmo
 Magno Regis Angliæ ejus appellati-
 onis tertii. Nunc latissimus, palatio- 15
 lum Henrici octavi Regis, opus unde-
 cunque splendidum, admiratur, amat,
 colit. Paulo inferius, Doruenta pleno
 alveo Tamesim, fluviorum regem, æ-
 stum marinum patientem ingreditur. 20

DEVA. Britannicè, *Cair leon ar*
dour Dew, id est Castrum Legionis
 super Devam fluvium. *Ar Dew* à Bri-
 tannis consultè additum, ut fluvii ti-
 tulo distinguerent à *Cair leon armiske*, 25
 quam urbem Romani Iſcam appel-
 labant, & Iſcelegiam. Antoninus
 scriptor Latinus hanc urbem Devam
 à fluvio appellat. Beda. 2. cap. 2. libr.
 historiæ Anglicanæ urbem *Caerlegion* 30
 ap.

appellat, secutus Britannos. At Saxones aliud indidere nomen, videlicet **Legereſter** à legionum caſtro, ut apparet ex Rogeri Hovedeni hiſtoria.

5 Admiror interim quæ autoritas eò deduxerit Gulielmum à Maildulphi curia, ut libro de episcopis Anglicanis quarto ſcriberet, Legionum urbem inde dictam, quòd emeriti milites Julianarum legionum illic confederint. Ego verò palàm pronuncio nec legiones Julii, nec ipſum Julium eò perveniſſe. De Deva fluvio fuſius hìc ſcriberem, niſi nuper in libello,

15 cui titulus *Genethliacon* in gratiam Eadveardi Principis edito accuratè pinxiſſem Tegzum lacum, Penliniæ ornamentum magnum, à quo deſluit, ac præterea curſum illius omnem ad

20 ipſa uſque oſtia. De antiquitate, & magnificentia hujus urbis ſcripſere quidem multi, at fuſſimè Ranulphus Hygedenus, & Henricus Bradethaus monachi Caſtrentes: ille, in hiſtoria, cui titulus *Polychronicon*: hic, in

25 vita D. *Werburga* virginis. Sentiit magnam hæc civitas cladem tyrannide Ethelfredi Nortabrinorum Regis, at majorem longè perſecutione

30 Danica, quâ tantum non funditæ

concidit. Ethelfleda filia Ealfridi Magni, & conjunx Ethelredi Comit-
 tis Merciorum, quam Henricus Hun-
 tendunensis eleganti carmine vel ad
 sydera tollit, urbem & reparavit & ex- 5
 auxit. Leofricus Merciorum Comes
 vir tum nobilissimus, tum optimus,
 Devæ gloriam insigniter promove-
 bat. Idem fecit & Lupus Comes gen-
 te Nortmannus. Tandem Petrus 10
 quidam coronidem magnificentiae
 addidit, eò transferens Lichefeldam se-
 dem episcopatus, Gulielmo Magno
 Anglis imperante.

DORIS, si e *Darus*, urbs famâ ce- 15
 leberrima in ipso promontorio Can-
 tiano, quam nostra ætas *Dober* ap-
 pellat, unde ad Morinos transitus; at,
 ut ego conjicio, non brevissimus. Est
 autem brevissimus, ut rerum nautica- 20
 rum peritissimi pronunciant, ab Hi-
 thino portu, qui vulgò *Hive*, ad Ges-
 foriacum urbem Morinorum, nunc
 Bononiam, quamvis alii aliter som-
 nient, indubiè dictam. Sed nec in- 25
 terim Bononiæ nomen recens admo-
 dum. Ammianus Marcellinus, qui
 Cæsarum res gestas scripsit, hujus me-
 minit, sed Bonnam, ni codex mendo-
 sus, subinde appellavit. *Dôris* origi- 30
 nem

nem traxit ab *Idus* Græco vocabu-
lo. Britanni etenim, detruncatâ yp-
silon literâ, aquam sua lingua Dôr, sub-
inde & **Doure**, auctis duabus literu-
lis, vocabant. Neque aliud quicquam
est Douer, si R. suo loco reponas. At,
an fluviolus qui urbem allambit, Do-
ri, sive Duri nomen antiquitus reti-
nuerit, non temerè affirmo. Illud ad-
firmare possum, bonam partem urbi-
um Cantii à *Dour* Britannico voca-
bulo nomenclaturam accepisse. Sunt
argumento, & quidem manifesto, Du-
robrevum, quod nunc **Hroferester**,
Durovernum vulgò **Cantewarebyri**,
id est Cantiorum curia, & Doris urbs
quæ modo **Dover** dicitur. Tradunt
annales Dorensis cœnobii Arvira-
gum Britannorum Regem arcem pe-
nè inexpugnabilem prope urbem in
montis crepidine posuisse. De hoc
rege sic scribit Juvenalis poëta, Sary-
râ quinta, dum Neroni scdè adulatur.

*Regem aliquem capies, aut de temo-
ne Britanno*

Excidet Arviragus.

Erat tunc temporis *Dori* portus
navibus percommodus instar lunæ,
cornibus in orbem pæne concretis.
Sed tempus edax rerum, procellæ,

venti, denique fluctuum refluorum
violentia, ita utrinque veteris portus
cornua concusserunt, ut ablatis illis
apertum lictus vel urbis moenia ar-
tingat. Hinc fit ut ingens calculorum
vis æstus impulsu aggeratur. Incredi-
bile quidem dictu, quantum thesau-
ri exhausserit Henricus Octavus Rex
potentissimus, dum studet stationem,
& portum commodum classi suæ hîc
constituere. Si quis verò nunc con-
tenderet portum hîc olim non fuisse,
Antonini Itinerarium non contem-
nendum illi objicerem. Illic enim
portus Dubris, nomine tamen cor-
rupto, meminit. Nec interim Ru-
tupinum aut Limenicum portum si-
lentio obscuravit. Unde colligo hos
tantum tres portus apud Cantios
antiquitus fuisse celebres. Referunt
& iidem Annales Lucium regem Bri-
tannorum Christianum, ecclesiam
Servatori suo in Durenfi Castro con-
secrâsse. Eadbaldus Cantiorum Prin-
ceps Ethelberti Magni filius, consilio
Laurentii archiepiscopi Durovernen-
sis, Canoniorum in eodem castro
collegium instituit, quos postea Vi-
tredus Rex Cantiorum aliò transtu-
lit, videlicet in vicinam urbem, Fano
Mar-

Martini magnifico opere in eos usus
 extructo, quod vel hodie desolatum
 insignem præ se fert, vel foro medio,
 antiquitatem. Sed manum de tabula.

5 Alibi de his rebus fusiùs dice-
 mus.

DOROBREVUM, alias *Durobreuum*
 (cujus mentio est semel, atque iterum
 apud Antoninum) urbs sita est in ripa

10 Vagæ fluminis, qui modò *Debeuwege*
 dicitur, media penè via, quâ itur à
 Londino Dorovernum. Saxones hanc
 postea à *Hrof*, viro quodam primario,
 & urbis Domino, *Brofester* appel-

15 labant. Hujus quoque appellationis
 Beda. cap. 3. libri. 3. historię Anglicę
 meminit. Nomen etiam *Hrofi* adhuc
 vivit in quadam Cantiorum familia.
 Paulinus episcopus Durobrevensis

20 fuit, & secundus, si rectè computo, I-
 thamarus, cujus cum literas, tum vi-
 tam collaudat Beda. 13. cap. 3. libri
 historię suę. Multas hæc pertulit urbs
 calamitates, & belli, & incendiï.

25 Ethelredus Rex Anglię infensus Can-
 tiis, urbem variis afflixit modis, &
 Canonicos Fanî Andreę fugavit, qui
 tamen postea suo juri restituti sunt.
 Gundulphus Cadomensis, episcopus

30 Rossensis Canonicos expulit, ac mo-
 nachos

nachos monachus induxit, ut apparet ex Eadmeri historia. Lugebat longo tempore *Rofa*, ponte aut rupto, aut non confecto. Robertus Collinus, qui vulgo ~~anollas~~ Gallomastix ille, miseratus urbis solitudinem, magnis ausis violentissimum Vagæ fluminis gurgitem vicit, jactis novi Pontis fundamentis.

DOROVERNUM, aliàs *Durovernum*, Ptolemæo *Darvenum*, emporium totius Cantii illius, teste Cæsare, humanissimi emporium longè frequentissimum, & Romanorum aliquando in Britanniam venientium palatium, à Duro fluvio vicino, qui nunc *Sturus* dicitur, quantum colligere possum, nomen accepit, servavitque inter eruditos.

Sylvester Gyraldus Menevensis hæc refert, secundo *Distinctionum* libro. *Dorobernia* à *Dour* Britannico vocabulo, quod aquam significat, quoniam aquis abundat. Hactenus ille.

Sed vulgus postea urbem *Cante-warbyri*, id est Cantiorum curiam, appellavit. Britanni, Romanique hîc templum posuerunt Christo Servatori sacrum, cujus gloria, Saxonibus paganis

ganis latè Cantium occupantibus, de-
 floruit; & postea, Ethelberto Rege ad
 Christum, Augustino Romano con-
 cionante, converso, refloruit. Cala-
 mitates non paucas bello Regulo-
 rum Angliæ intestino passa est hæc ci-
 vitas. At ea longè maxima fuit, cum
 Dani, regnante Ethelredo Principe
 infortunatissimo, urbe capta, omnia
 vi, cæde, flammis confunderent. Os-
 bernus Præcentor Durovernenſis in
 elegantissimo libello de vita Eal-
 phegi archiepiscopi Cantiorum, hu-
 jus nefandæ cladis abundè meminit.
 Hovedenus etiam historiographus
 hanc tragœdiam tam apertè, & lucidè
 ob oculos lectoris ponit, ut hinc cu-
 ivis pio facilè lachrimas excutiat.
 Lanfrancus Ligur beneficio Gulielmi
 Magni archiepiscopus, urbem Cantio-
 rum, & Fanum Servatoris utcunque
 restituit. At interim pars magna
 mœnium diruta jacebat. *Simon Sudo-*
curianus archiepiscopus, homo pius,
 at impiè à seditiosis securi percussus,
 maximis sumptibus mœnia, quæ par-
 tim Occidentem, partim Boream
 spectant, refecit. Cætera hujus urbis
 cum monumenta, tum facta illustra
 ab eius alumnis scriptoribus fidelis-
 simis,

simis, videlicet Eadmero, & Gervasio,
monachis Fani Servatoris, ac Thoma
Spottæo, & Gulielmo Thornæo Fani
Augustiniani monachis sunt quæren-
da. 5

DUNOLMENSIS, à *Dunolmo* ur-
be non obscura deducitur. Nomen
autem loco antiquitus inditum fuisse
puto à *Dune*, & *Holme*. Constat e-
nim *Dune* Britannicè montem signi- 10
ficare. *Holm* verò eminentis loci, in-
terdum & sylvosi, & aquis circumlep-
ti verticem, aut eminentiam expri-
mit. Exemplo sunt *Holmeburste*, id
est, locus editus sylvam ferens; *Ar-* 15
holme superioris Lindiæ insula; *Ste-*
peholme, & *Clatholme* insula Abri-
ni maris. Urbs hæc penè tota fluvio
cincta est, quem Ptolemæus, primi
nominis geographus, Vedram appel- 20
lat. At ætate nostra *Venus* dictus, olim
etiam & *Wirus*, & *Murus*, nisi anti-
qua Bedæ exemplaria corrupta. *Veri*
fluvii ab origine cursum, & ipsis fon-
tibus, accuratè perscribere præsentis 25
non est instituti. Tantum significabo
bicornem esse originem, ex Burna, &
Skello amniculis, nec *Veri* nomen
esse cognitum antequam cornua uno
confluant alveo: id autem fit plus 30
minus

minus 20. passuum millibus occiden-
tem versus ab Achelandia, quò ori-
entem versus defluit: insignis ibidem
Vinduglessi, aliàs **Wandeles**, conflu-
5 entia. Deinde *Dunolmum* urbem 4.
passuum millibus distantem receptis
aliquot annibus allambit, peninsu-
lamque facit. Postremò decurrens
spatio plus minùs 8. miliarium, mare
10 petit eo loco, cui *Veri-ostium* nomen.
Hic fuit monasterium Petri quod to-
ties à Beda laudari meruit, unà cum
Ceolfrido abbate, viro incomparabi-
li. Origo Dunolmensis urbis, & e-
15 piscopatùs non tam antiqua est,
quàm vulgus eruditorum existimat.
Operæprecium igitur erit dignita-
tem episcopalis sedis ab ovo repete-
re, & huc rectà, sed brevi oratione
20 perducere: id quod commodissimè
faciam beneficio historiæ ab incerto
autore de rebus Dunolmensium,
tanta cura, & fide scriptæ, ut una il-
la meritò quidem dici possit, Thesau-
25 rus ingens Transabrinæ Antiquita-
tis: Tanta, tam variâ, tamque re-
condita in ea rerum memorabilium
cognitio. Exemplar verò commi-
gravit à Dunia in Cantium. Credi-
30 derim cerè bonam operis partem à
Si-

Simeone Dunolmensi Præcentore,
viro suo seculo eleganter erudito, fu-
isse scriptam. Hujus ego aliquando
historiam ab hac diversam de rebus
gestis Anglorum legi, quam & in- 5
choavit commodè à morte Bedæ
perstringens illustria facta & Anglo-
rum, & Danorum, spatio quadrin-
gentorum, & vigin ti novem anno-
rum, ac quatuor mensium : cui & alii 10
viginti quinque anni appendebant,
autore Joanne Hagustaldensi. Hic
mihi non placet Rogerius Hovede-
nus, vir alioqui laudandus, qui scri-
nia Simeonis, suppresso ejus nomine, 15
strenuè compilavit, & aliena pro suis,
gloriæ avidulus, supposuit. Sedes e-
piscopalis Northabrinorum, princi-
piò constituta est ab Osualdo rege
Christianissimo in quadam insula 20
Lindisfarna nomine, quæ ab ostiis
Tuesis, ubi nunc Abrevicum, urbs
bello clarissima, plus minus octo pas-
sum millibus distat, & æstu receden-
te pedibus aditur. Lindis fluviolus 25
ex Glini valle, si rectè memini, or-
tum habens huc properat per Hagre-
dunum castellum, & sabulo, absente
æstu, supernatans, è regione insulæ,
cui nomen dat, Oceanum petit. Non 30
hic

hic celabo studiosum lectorem, me a-
 liquando deprehendisse ex veteri co-
 dice bibliothecæ Ventæ Simenorum,
 hanc insulam à Britannis Inis *Mede-*
 5 *cante* fuisse dictam, cujus nominis &
 Gildam testem citat, alterum, ut vi-
 detur, ab illo, qui publicè circumfer-
 tur. Quin & Ponticus Virunnius,
 qui epitomen Britannicæ historiæ ex
 10 Gallofrido Monæmutensi decerpit,
 recitat versiculos ex Gildæ Gambreï-
 de, cui & Lilius Gyraldus subscribit.
 Nostra ætas locum diverso appellat
 vocabulo, nempe sacram insulam,
 15 Anglicè **Halg Celande**, à reliquiis
 sanctissimorum virorum ibi quies-
 centium. Aidanus homo Scottus
 primus fuit hujus loci Antistes. Quis
 facile crederet quantum prædiorum
 20 donatione Principum, huic tedi ac-
 creverit? Ingruentibus longo post
 tempore Danis piratis, & oram pe-
 lagi orientalem immisericorditer
 devastantibus, non potuit *Sacra in-*
 25 *sula* impias manus effugere. Spolia-
 ta igitur, solitudinem patiebat ur in-
 gentem; de qua Flaccus Albinus, qui
 & Alcuinus, Eboraceusis, vir illis
 temporibus longè eruditissimus, ut-
 30 pote præceptor Caroli magni, & aca-
 demiz

demia Parisiorum instaurator, in li-
 bro epistolarum suarum semel, atque
 iterum, præcipue, verò ad Higebaldum
 scribit. Hac clade coacti *Sacra insu-*
la ministri, unà cum Eardulpho epis- 5
 copo, sedem, quæ jam 141. annis in-
 violata floruerat, tandem reliquere,
 Anno à Christo nato. 875. Tum verò
 vel totum septennium cum reliquiis
 Cuthberti Lindisfarnensis episcopi 10
 longè sanctissimi, incertis discurrere-
 bant sedibus: tandemque Cragum
 Brigantum, ubi tunc temporis mō-
 nasteriolum erat, pervenerunt. Est
 vicus fama notissimus septem passu- 15
 um millibus distans à Monachopoli,
 alias *Novo castello*, & quinque à Du-
 nolmo, cui nomen à Cono fluvio
 præterlabente, & mox in Verum de-
 fluente, inditum est. Saxones hanc 20
 sua lingua vocabant *Concestre*, de
 qua clarissima mentio tum apud Si-
 meonem, tum etiam Hovedenum
 scriptores rerum gestarum illustreis.
 At vulgus, detruncato nunc vocabu- 25
 lo, vico *Castri* nomen imposuerunt.
 Hunc locum Eardulphus sedem sibi,
 suisque constituit. Ecce rursus in-
 gruunt Dani, cum, Cono-castrenses
 intervallum quietis nacti, nihil mi- 30
 nus

nus expectarent. Fit fuga altera, secumque deferunt chara D. Curtheberti pignora Ripodunum usque. Sed, pace post quatuor menses redditâ,
5 Alduinus episcopus cogitabat *Cono-*
castrum unâ cum suis repetere.

Inter eundem, oraculo admonitus corpus Cutheberti Dunolmum perduxit. Hic locus, & quidem opportunus, est, originem Dunolmi altius
10 repetere. Fiet: sed chronicon Dunolmense pro me loquetur, quod fidem lectori, potius quàm eloquentiam promittit. Quamquam & utrun-
15 que.

DUNELMUM locum quidem natura munitum, sed non facilè habitabilem, invenit Alduinus episcopus. Nam densissima undique sylva totum
20 occupaverat. Tantum in medio planities erat non grandis, quam arando, & seminando excolere consueverant; ubi episcopus Alduinus non parvam postea Ecclesiam erexit, sicut
25 in sequentibus patebit. Præfatus igitur antistes, totius populi auxilio, & Utredi Comitis Northabryni adjutorio, totam extirpans sylvam succidit, ipsum locum brevi habitabilem fecit. Denique à fluvio Coque-
30 da

da usque ad Teyssam universa populi
multitudo tam ad opus, quàm ad
construendam postea Ecclesiam
prompto animo accessit, & donec per-
ficeretur, devota insistere non cessa- 5
vit. Hæc Chronicon Dunolmente, &
plura, quæ studio brevitatis omit-
to.

Constituta, hîc sedes episco-
palis, quæ etiamnum floret. Castel- 10
lum quoque à Gulielmo notho An-
glorum Rege Dunelmi positum, ut
incurSIONUM vim episcopus repelle-
ret. Crevit templum, immensum
quantum: Crevit & urbs, iamque 15
Dunostallo floret episcopo viro un-
decunque eruditissimo.

DUROTRIGES, gens nota, ut
ex Ptolemæo liquet. Nomen autem
non multum recedit à vernacula ap- 20
pellatione, quâ vel hodie utuntur
Angli, videlicet *Dorsetshire men*.
O autem in prima dictionis syllaba
mutatur, purgatæ auris iudicio, in U,
ut mollius, & aptius sonet, id quod 25
invenio vetustissimorum exemplari-
um indicio in Doroverno, & Doro-
brevo, de quibus superius memini,
factum. *Doro* videtur quiddam hiul-
cum, & penè stridulum personare. 30

Sed

Sed omitto hæc levia. Durotriges à
 Duro fluvio non incelebri nomen
 acceperunt. Ipsa quoque regio quam
 incolunt, Duria dicta, ab eodem flu-
 5 vio. Afferius Menevensis in suis anna-
 libus hæc refert: Et in pago, qui
 dicitur Britannicè *Durngueir*, Saxo-
 nicè autem *Dornseta*. Hæc obiter.
 Nunc Duri fluvii originem, & cur-
 10 sum breviter explicabo. Oritur Stu-
 roduni è sex fontibus Boream versus,
 quorum tres conspicui sunt in robo-
 rario Sturodunensi, septo videlicet
 ferarum amœno. Reliqui tres ebul-
 15 lire videntur, non admodum distan-
 tes à prioribus, extra septum tamen.
 Hi Fontes insignia nunc sunt nobilis
 Sturoduni. Illud interim notandum,
 quòd Saxones plerunque mutabant
 20 *Dour* Britannicum in *Stour*. Id quod
 tum in hoc fluvii nomine, tum etiam
 in eo, qui Durovernum Cantiorum
 alluit, factum: quo loco si à plebe
 rogaveris, quod fluvio nomen sit,
 25 *Stour*, non *Dour*, respondebunt.
Durus, à Sturoduno vico curium de-
 cem passuum millibus accelerans,
 Regium pontem penetrat. Hinc, ses-
 quimilliarî superato, Sturodunum
 30 oppidum, cognomento Monasterii
 in-

insigne, aspicit. Inferius aliquanto
 Aquæ vadentem pontem, qui vulgo
Elford, alluit. Tum properat Blan-
 cosordam, ubi emporium. Deinde
 & Vindugladiam, nobile oppidum, 5
 alias **Elwinebune** attingens: hinc
 pontem Julianum, hinc Alaunicum,
 insignè. 12. arcubus, gurgite rapido
 concutit. Sexto ulterius lapide, Ive-
 rianum pontem perforat. Postremò, 10
 confecto duorum milliariorum cur-
 sū, Interamnam, alias Fanum Chri-
 sti, irrigat, ubi Avonæ fluvio junctus,
 Oceanum suum petit.

E.

15

EALPHEGUS archiepiscopus Du-
 rovernensis, nobilissima natus ex fa-
 milia. Juvenis vitam agebat mona-
 sticam Deirosylvæ, alias **Detrbuste**:
 quod cœnobium in ipso Sabrinæ 20
 margine situm erat, non longè à
 Theoci curia, vulgò **Theokesbyrt**.
 Deinde & Baduni, ac Ventæ Sime-
 norum episcopi titulo iam insignis.
 Postremò Duroverni in archiepisco- 25
 pum consecratus est. Ealphegi vitam
 scripsit Osbernus monachus Duro-
 vernensis, vir suo tempore eloquentia
 valens incredibili. Ealphegi etiam
 meminir Gulielmus à Maildulphi 30
 curia,

curia, in opere de vitis episcoporum. Hovedenus refert Ealphegum in expugnatione Duroverni à Danis, anno Dom. 1011. captum fuisse, & paulò post, quia precium non dederat, ab eisdem crudelissimè trucidatum fuisse. Inter quos Trummins, unus reliquis crudelior, securiculâ mortiferum vulnus ejus capiti inflixit. Funnus Londinum ad Fanum Pauli delatum est; deinde Durovernum.

ERCHENUALDUS, episcoporum Londinensium, ab adventu D. Augustini ad Saxones, numero quartus, filius erat, ut ego didici, à scriptore non ignobili, Offæ regis Ostroanglorum, qui nunc Volcæ. Etymon nominis, ut ego conjecturam facio, ab herinaceo, & sylva concrevit. Herinaceus Anglicè *Erchin*, *Walde* verò sylvam significat. *Wolde*, unâ tantum murata literulâ, planities, nemoris indiga est: unde & Voldia, campus spatiosissimus Clàudianæ provinciæ, qui ovium caulis celeberrima, dicta est. De *Erchenvaldo* plura in Cervi Insula scripsimus.

ETHELREDUS, Rex Angliæ, filius clarissimi Eadgari, & Ealfrithæ. Hic in baptismo fontem, ventris

profluvio foedavit, teste Gal. à Mail-
 dulphi curia, libro de vita Dunstani
 Cant. archiepiscopi secundo. Unde
 divinabant multi, futurū illum vecor-
 dem, sordidum, & parū reipublicæ. 5
 utilem. Nec vana fuit divinatio. E-
 Ejus etenim socordiā regnum Anglo-
 rum nobilissimum in Dani potesta-
 tem pervenit: Quanquam Eadvear-
 dus ejus filius, illud, post imperium 10
 aliquot Danorum, recepit. Scripsere
 quidem multi de rebus ab Ethelredo
 malè gestis. Nemo tamen eam par-
 tem tam fulè tractavit, quàm Hove-
 denus. 15

F.

FALENSIS portus, vulgò *Fale-*
muthe. Nomen sumpsisse videtur à
 Fala fluvio. Nam in ejusmodi voca-
 bulis plerumque in lingua Saxonica, 20
 fluminis nomen præcedit, ut *Uere-*
mouth, id est Veri ostia. *Tinne-*
mouth, *UWaymouth*, *Cokermouth*.
 Ego tamen aliquando audiui quen-
 dam contendentem Nomen loco, ex 25
 multis ostiis, fuisse inditum. Utcun-
 que sit: constat secundum hunc esse
 à primo totius Britanniae portum.
 Cambri lubenter primas partes suo
 Alaunico portui, qui nunc Milverfor- 30
 -dicus

dius dicitur, tribuunt. Collustravit
Falensem. Bone Deus, quantum ibi
fidissimæ stationis, quantum recessu-
um, quantum divortiorum, quantum
cornuum! Rursus, quàm quæta,
quàm secunda sunt illic omnia! Non
poterat facile luisse natura maiori in
portu commoditare. Aditus in por-
tum, expertis & amicis facilis, in-
micis planè difficillimus. Sic pre-
munt gemina castella portus fauces,
& ostia. Inter utrunque, stat ingens
& alta rupes, *Cragus* nomine, & ardua
mediis in fluctibus minatur hosti. Si
Cragus castellum vertice portaret,
terrorem, & quidem magnum, in
portus ostiis navigantibus incuteret.
At interim incautis infesta satis, dum
cæcis rupibus naufragium infert. Pen-
norum frequens Emporium, in
monte situm intra portum, duobus
aut amplius ab ipsis ostiis passuum
millibus, mercatoribus, & nautis læ-
tum exhibet hospitium.

FLUCTUS, amniculus est, oritur
que in campis ad Boream Londino
urbi vicinis. Unde nomen inditum
Domui, quæ Custodia noxiorum; &
plateæ vicinæ, juxta ac portæ, quæ
itur ad Fanum Pauli: Tantum abest,

ut *Luddo* rege, quem historia Britan-
nica deprædicat, porta nomen sump-
serit. Non igitur Luddinam portam
à *Luddo*, sed à *Fluctu*, sive fluento,
Fluctuensem, aut *Fluentanam* appel- 5
labimus.

FONS-BRIGIDÆ, à Fano *Brigidæ*
vicino, nomen desumpsit. Loci, me-
puero, fama exigua fuit. Crevit pri-
mum hospitio *Volveleji*, qui in fla- 10
grantissimâ apud Principem gratiâ
erat. Tum cœpit *Henricus octavus*,
Régum nitela, dirutis plebeix notæ
ædibus, magnificentissimè ibidem
ædificare; ac *Cæsarem novi Palatii* 15
hospitio accipere.

G.

GERMANI, gens bellicosa, &
rerum commutatione universo orbi
nota. Societas mercatorum Germa- 20
nicorum, quæ modo ad *Pantheon*
enitet, tempore imperii *Eadveardi*
Vindelesorani, prima illustris notæ
incrementa tulit. Fama est, *Theuton-*
es, & *Germanos* cum gratos, tum uti- 25
les admodum fuisse *Eadveardo*, cum
bello *Gallum* hostem antiquum pro-
fligaret, & *Iccium portum* vi caperet.
Princeps, memor beneficii tam oppor-
tunè collati, *vestigal*, quod pendere 30

solebant, minuebar. Et deinde Societatem immunitate quadam, & libertate donavit, quam illi vel hodiè retinent.

5 GRANTA, Britannicè *Cairgrant* Saxonicè *Grantecestre*, & vocabulo recentiori *Grante byrge*; corruptè autem, mutatâ G, in C, & ablata R literâ, *Cantebrige*; & rursus mutatâ

10 N in M, & sublatâ T, *Cambrige*. Nennius Britannicæ scriptor historiæ, Grantæmeminit in catalogo urbium Britannicarum. Idem fecit Henricus Venantodunensis, aliàs
15 Huntendunensis, in suo de urbibus Elencho: Ut interim omittam Aluredi Fibrolegani non contemnendum in hac parte testimonium.

Bedas 17. capite 4. libri historiæ
20 Anglo-saxonum: quo loco de Sexburga Etheldridæ sorore, olim regina Cantiorum, at tunc Præsides Anguillariani, sive *Eligensis* monasterii, loquitur, talia commemorat: *Iussitque quosdam è fratribus querere lapidem, de quo locellum in hoc facere possent. Qui, ascensa navi (ipsa enim Elig regio undique aquis, ac paludibus est circumdata, neque lapides majores habet) venerunt ad civitatulam quan-*
30 *dam*

dam desolatam, non procul inde sitam, qua lingua Anglorum Grantecester vocatur, & mox invenerunt juxta muros civitatis locellum de marmore albo pulcherriore factum, operculo quoque 5 similis lapidis aptissime tectum. Hactenus Bedas.

Felix, antiquæ scriptor memoriæ, in libro de vita D. Guthelaci Crulandensis anachoretæ, quem Ealswaldo 10 Regi Orientalium Anglorum à Redualdo octavo, ab Uffa decimo, conlecravit, Gronta his verbis mentionem facit: Est in mediterraneorum Anglorum Britannia partibus, immen- 15 sa magnitudinis palus, qua à Grontræ fluminis ripis incipiens, haud procul à castello, quod dicunt nomine Gronta, nunc caretis, interdum nigris fufci vaporis laticibus, necnon insularum ne- 20 moribus intervenientibus, & flexuosis riparum anfractibus, ab Austro in Aquilonem mari tenus longissimo tractu protenditur. Hæc, Felix.

25
Abbo Floriacensis, in vita Eadmundi martyris non dissimilia in descriptione regionis Girviorum narrat. Guilielmus Rameseganus, monachus Crulandensis, poëta tam barbaro se- 30 cule

culo clarus, de Gronta sic scribit in
vita D. Guthelaci.

- 5 *Est apud Angligenas à Granta flumine*
longo
Orbe per anfractus stagnosos, & fluvia-
leis
Circumsusa palus, orientalisque pro-
pinqua
10 *Littoribus pelagi: sese distendit ab*
Austro
In longum versus Aquilonem, gurgite
tetro;
Morbosos pisces vegetans, & arundi-
15 *ae densa*
Verborum strepitus, quasi quaedam ver-
ba, susurrans.

- 20 *Ex his facilè liquet nomen acce-*
pisse Grantanam urbem à Granta
flumine: Cujus si quis originem, &
cursum cognoscere cupit, quæ se-
quuntur attentè perlegat.

- 25 *Fontes habet è lacu Neoportuensi,*
qui Neoportui oppidulo Ostrolaxo-
num, unde nomen accepit, adjacet.
Confecto inde duorum milliarium
cursu, relicta longiusculè ad dexteram
Vallidena emporio celebri, viculum,
30 *& cœnobium ejusdem nominis, o-*

lim sepulchrum Magnovillanorum,
 & Bohunorum Comitum Orosaxonum,
 præterlabitur. Hinc ad quarum lapidem,
 Hichelendunum, nuper virginibus sacrum,
 alluit. Tum verò, confesto aliquot millium
 passuum defluxu, Baberensem dextrorsum
 in se recipit amnē, ac non longo post
 intervallo sinistrorsum, Barendunensem.
 Mox vicinus antiquæ Grantæ, Burnam
 fluvium descendente à ruinis castri sui
 nominis, olim sedis Picotiorum Vicariorum
 Grantaniæ Comitum, & Piperellorum,
 ulnis suis amplectitur. Ab antiqua Grantæ,
 jam villa rustica, ad Grantanum pontem,
 oppidum Nundinarum frequentia,
 & Academiæ celebritate cognitissimum,
 pergit.

Postremò Castrodunum villam famam
 claram alluit gurgite naviculifero, ac
 mox recepto Duro, alias Sturo amniculo,
 ad cuius pontem nundinæ totius
 Britannię celeberrimæ Isidem quindecim
 passuum millibus, ut sunt aquarum
 mæandri, distantem petit.

Percognito iam Grantæ fluminis cursu,
 non erit erudito injucundum lectori
 cognoscere etiam, quæ fata veteris

veteris, & incrementa novæ *Granta*
fuerint utque Academia, quæ ibi
longè florentissima est, exordium
sumpsit. Subserviam igitur, sed
5 compendio, studiosorum votis.

Granta, antiquâ quidem illâ, con-
cussâ bellis Saxonis, & civibus vel
fugatis, vel interfectis, indies magis
magisque ad ruinam inclinabat: id
10 quod vel ex decimo septimo capite
libri quarti historiæ Bedæ apparet,
nam desolatam suo fuisse tempore
scribit.

Nova autem quæ nunc *Grantanus*
15 *pons* dicitur Saxones conditores ha-
buit. At cujus hoc factum regis im-
perio, ex historiâ, quod ego sciam,
nullâ liquidò constat. Constat au-
tem Sigebertum regem orientalium
20 Anglorum, cujus ditionis & tunc
Granta fuit, ac Felicem Burgundio-
nem episcopum Dunovicarum novæ
urbi favisse. Consentis etiam scrip-
torum illis attribuit gloriam gymna-
25 sii ibidem, auspice Christo, instituti.
Nam antea cautum fuerat Gregoria-
no edicto, ne Angli gymnasia cele-
brarent propter Arrianam, & Pela-
gianam hæresim, ac quoddam Britan-
30 norum errores. Habebant tamen in
mo-

monasteriis celebrioribus scholas. Theodorus, & Adrianus docebant Duroverni Cantiorum: Maildolphus Bladuni, quod oppidum nunc Maildulphi-curia, Anglicè **Maildoulphesbyri**, & ibidem Aldelmus, vir regii generis, prælegebat. Bosillus, Oltophorus, ac alii in Sinuphario studium bonarum promovebant artium. Flaccus Albinus, qui & Alcuinus, *Isurovici* bonas profitebatur literas. Acca idem præstitit Hagustalduni. Beda verò Girovici, & in Vedræ fluvii ostiis, ut alios omittam multos. Beda. 15. cap. 2. lib. Anglosaxonicae historię, Sigebertum Regem ab eruditione ita collaudat: *Sigebert vir per omnia Christianissimus, ac doctissimus qui, vivente adhuc fratre, cum exularet in Gallia, fidei sacramentis imbutus est.* Idem etiam 17. cap. 3. lib. ejusdem historię hæc refert: *Mox ea, quæ in Galliis bene disposita vidit, imitari cupiens, instituit scholam, in qua pueri erudirentur, juvante episcopo Felice, quem de Cantia acceperat, eisque pedagogos, ac magistros, juxta morem Cantuariorum præbente.*

Ex hoc Bedæ loco colligunt scriptores, Grantanam academiam originem,

- ginem, Sigeberti (cujus nos vitam
scripsimus) & Felicis pietate, sum-
pisse. Illud planè constat, Grantani-
am universam fuisse ditionis Regum
5 orientalium Anglorum. Extrat Gran-
tæ Girvirorum in archivis, historiola
incerti auctoris; & fidei longè incerti-
oris. Hinc apparet, Gurguntium, nes-
cio quem, regem Britannorum de-
10 disse Cantebro Hispano, qui Athenis
studuerat, orientalem Britannia par-
tem, eumque postea urbem super
Cante fluvium construxisse, ac Aca-
demiā ibidem instituisse, quæ a
15 Grantano Comite ejus filio nomen
sumpsit. Addocet hæc eadem, Anaxi-
mandrum, & Anaxagoram Græcos,
Grantam venisse studiorum gratiā.

- Centum sunt ibi præterea ejus-
20 dem farinae fabulæ. Profectò nihil
legi unquam vanius sed neque
stultius aut stupidius. Missas ergo
facio has Antiquitatis delicias,
ut pihit unquam certius de originæ
25 Grantanæ scholæ legerim, quàm
quod ex Bedæ, & aliis de Sigeberto
rege colligunt: Ita crediderim ab e-
jus prima institutione incrementa
cepisse. Quapropter cum annis ab
30 hinc septem Grantam studiorum me-
orum

orum parentem revisissem, non ingratus alumnus, hoc Epigrammate urbem antiquitati, & gloriæ suæ restitui.

Olim Granta fuit titulis urbs inclyta multis.

*Vicino à fluvii nomine nomen habens:
Saxones hanc belli deturbavêre procellis;*

Sed nova pro veteri non procul inde sita est,

Quam Felix monachus Sigberti jussa secutus

Artibus illustrem reddidit, atque scholis.

15

Hac ego perquirens, gentis monumenta Britanna,

Afferui in laudem Grata diserta tuam.

Dani, (ut ex Mariano, & Hovedeno liquet) ducibus Gothruno, Olcentino, & Anvendio, Grantam, cum jam in hibernis ibi fuissent, devastabant, anno quarto imperii Ealfridi regis Visifaxonum. Cladem at recuperavit illam.

25

Ortum est civile bellum, & Henricus tertius rex Angliæ Anguillariam insulam obsessurus, quam Henricus Hâstengius unâ cum suis vi, ut refert Thomas Vicanius, occupaverat, 30
Gran-

Grantam cum exercitu venit, ut chronica testantur Barnovellenſia. Fit insultus. Insulani Henricianos repellunt.

- 5 Rex ipſe interea muniebat Grantam fossâ, & portis: & muro iam tum, si per tempus licuiſſet, cinxiſſet. Gilbertus Claranus, abſente Rege, Londinum occupat. Tum, relicta Grantam,
 10 ta, novæ Rex proſpexit calamitati. Insulani, hoc percognito, Grantam veniunt, quam miſerè ſpoliatam incendunt. Quo etiam tempore diplomata antiquiſſima academiæ conflagrabant. Quin Grantæ gloriam
 15 accuratius, in opusculo, quod de academiis Britannicis ſum propediem editurus, collaudabo.

- GREVA, vulgò *Greeveſende*, Latinè Prætorius limes. *Greve* etenim Saxonice prætorem ſignificat. Unde *Portegreve*, Præfectus portûs. *Bur-*
 20 *gegreve*, Prætor vel præfectus oppidi.

- 25 GULIELMUS GIFFARDUS episcopus Ventæ Simenorum, qui nunc Avonii, palatium, ut ego accepi, in ripâ Tameſis meridianâ condidit, ac
 30 Canoniciſ Marianis vicinis ſuis patronus impendiô bonus favebat. Hic
 Tho.

Thonoduni Murotrigum, aliàs **Taun-**
ton, Canonorum collegium institu-
 it. Denique, cum insignis pietatis of-
 ficiū societati, quæ Guaverlegæ co-
 aluerat, præstitisset, obiit, & ibidem 5
 sepultus est.

GUINESIA, quæ multis annis
 Comitis titulo floruit, provinciæ
 Morinorum pars non minima, Anglū
 ab imperio Eadveardi tertii, Domi- 10
 num agnovit. Unde autem nomen
 traxerit, quamvis certò adfirmare non
 audeam, adducor tamen conjecturá,
 vocabulum Guidonis insulam Latine
 sonare. Mœnia urbis ante multos 15
 annos diruta, sed Castrum in ulus bel-
 licos integrum permanfit: cujus &
 Henricus octavus robur mirificè nu-
 per auxit, & oppidum vallo, fossaque
 munivit. 20

GUNTERI filius, Anglicè **Gunter-**
funne, contractè **Gunsunne**. Juve-
 nis cum Turcicis piratis pugnavit, &
 vicit. Aetate maturus, cum Gallis
 naumachia confligit, & spoliis po- 25
 titus, trophæa in navium coronis
 victor posuit.

H.

HENLEGA. *Henelege*, aliàs
Henley, oppidum, & forum celebre 03

I-

Isiacorum. Nomen Latine versum,
antiquus locus est. Ferunt olim pon-
tem arcuati operis eo fuisse loco, ubi
nunc ligneus, cujus fundamenta, de-
5 crescente fluminis gurgite, in ætate
etiamnum videntur. Henlega Mo-
lendararios patronos, & dominos o-
lim agnovit: deinde & Hungrefor-
dos: nostra autem memoria Hasten-
to gios Comites Venantodunenses.

HULLUS fluvijs, vulgò *Hull*. Æ-
stum Humbri refluentis violentiâ
patitur. Ex tribus oritur fontibus,
quorum qui maximus non longè à
15 Drifelda, pago sexdecim millibus
passuum à Regioduno distante, ebul-
lit. Est equidem parva Drifelda ve-
teri clara monumento Ealfridi lite-
rarissimi regis Northabrinorum egre-
20 giè à Beda laudati. Secundus Ottro-
burnæ oritur. Tertius Emmesvelæ
erumpit. Coeunt autem tria bra-
chia ad Drifeldam, & uno alveo fe-
runtur. Tunc *Hullus* prata Fibrole-
25 gæ vicina irrigat. Fibroleгани flumi-
nis commoditatem sentientes, olim,
facta fossa, partim ad se deduxerunt.
Unde naviculas Regiodunum jam
ducunt, & reducunt.

30 *Hullus* à prædicto loco festinatio-
ne

ne quadam Regiodunum petit, & paulū inferius in Abrinum ætū præceps devolvitur. Hic ad coronidem aliquid subijciam. Historia Britannica, quæ vulgò circumfertur, 5
 Humbri fluminis meminit. Et fama ex historia nata docet, nomen fluvio inditum à nescio quo Humbro rege, de quo vates quidam hos versiculos scripsit. 10

Dum fugit, obstat ei flumen, submergitur illic,

Deque suo tribuit nomine nomen aquæ.

Beda etiam, & chorus omnis Saxon- 15
 icorum scriptorum Humbri nomen familiare habent. Sed ubi interira oritur Humber? Constat Humbrum eum esse ætū, quò Isurus fluvius, cujus nomen ex Iside, & Uro 20
 coalescit, pleno delabitur alveo: quò etiam Dunus, & Terentus conflunt. Humbri planè fictitium nomen est. Sed nec flumen aliquod in ea regione hujusmodi nominis, ut neque alibi, 25
 quod ego sciam, in Britannia. Est tamen in postrema syllaba corrupti nominis, videlicet *ber*, quod conjecturam non faciat levem, Aber Britannicum in Humber degenerasse. 30

Ptolomæus

Ptolomæus ubi recenset nomina
 fluviorum Britannia, qui se in mare
 orientale exonerant, *Abi* fluvii me-
 minit. Crediderim certè Abri, non
 5 Abi, in antiquis Ptolomæi exempla-
 ribus scriptum: quanquam facilis il-
 le quidem lapsus homini Extero, &
 Græco peregrinæ linguæ prorsus ig-
 naro. Saxones fluminum ostia vul-
 10 gari hoc vocabulo scilicet *Muthe*,
 quòd Latinè os significat, denota-
 bant. **Eskemonth. Teignemuth De-**
rentemouth manifesto sunt exemplo.
 Britanni etiam ostia fluminum pro-
 15 prio designabant nomine: in hoc
 tamen à compositione Saxonum lege
 quadam sua discrepantes, quòd osti-
 orum appellationem fluviorum no-
 minibus præponant. Hoc abundè li-
 20 quet in Aber-daron, in Aber-Tive, at-
 que id genus aliis multis. Est autem
 id propriè Aber Britannis, quod
 Muthe Saxonibus, quod Ostia
 numero multitudinis Latinis,
 25 quod *Στόμα* denique Græcis. Co-
 gor igitur, iudicio quodam, ulnīs
 completi mediis Aber Britannicum
 rectè cognitum, receptumque alibi,
 & Humbrum perpetuò repudiare. Ex-
 30 cutiant rem exquisitè eruditi, & tan-
 dem dubio procul intellexerint A-
 ber

ber genuinum ostiis fluviorum nomen, in Humber degenerasse. Hoc idem etiam, ut ingenuè id dicam quod sentio, factum puto in Sabrina flumine, cui credula Cambricorum 5 Scriptorum simplicitas ab Habrina puella ibidem demersa nomen indidit, ut ex his liquet versibus.

In fluvium precipitatur Abren. 16

Nomen Abren fluvio de virgine: nomen eadem,

Nomine corrupto, deinde Sabrina datur.

Ego neminem hîc cogo ut 15 meæ subscribat sententiæ. Hoc intesim, votis multis à candidis expetiverim, ut, repertis frugibus, non ampliùs glandium amore teneantur. 20

HUNDESDENA, vulgò *Hunsoen*, ædes inter Catuyen chlanos, qui nunc Hertofordienſes, splendidissimæ. Est autem nomen à lingua derivatum Saxonica. 25

Hunde, Latine venaticus canis. *Dene*, vallis. Locus erat ditionis, si satis memini, Bohunorum, & Bernerriorum: deinde etiam & Hauvertotum. Turris in ipso ædium aditu 30 sanè

sanè spectabilis. Thomas Hauvertus
Dux Icenorum eius altitudinem sus-
pectam habens, ne ruinam patèretur,
fastigiorum gravissima pondera de-
traxit. Turris verò humilior facta eti-
amnum decus suū retinet. Postremò
Henricus octavus Rex Angl. unicum
hujus seculi in architectura lumen,
facta cum Iceno permutacione, vete-
rem structuram expolivit, & novam,
opus undecunque conspicuum, addi-
dit.

HURSTA à fylva nomen accepit,
nec aliunde se jactat, quàm à minaci
castello. Ante autem quàm illud ca-
put extulisset, impunè veniebant pi-
rata in portum Avonensem, & finis
in eo omneis impunè exercebant.
Perventum est paucis hinc annis ab
hoste vel ad ipsa urbis Avonduni, si
diis placet, mœnia. Is navem ex
controversia onerariam magnam
quidem, & preciosis mercibus refer-
tam, abduxit, invitis civibus.

Non tulit hanc labem magni mens
Principis alta.

Quin Hurstam statuir vindicis ipse
loco.

Hic quoniam in Avonduni men-
tionem incidimus, lubet candidam

lectorem erroris admonere, qui frequentiusculè occurrit in quorundam historiis, qui res gestas Britanniae scripserunt. Confirmant enim, at nimium temerè, portum, qui Avondunum prospicit, Hammonis olim vocatum fuisse nomine. Tum præterea, ne desit errori veri species aliqua, Ducem nescio quem Hammonem somniant eo loco pugnasse, portuique appellationem dedisse. Portum Hammonis hîc prorsus repudio; at Avonis facilè admitto: admissurus etiam, ut portus Ammonis aptè significet Sabulovicum, vulgò **Sandewiche**.

HURSTELEGA Saxon: **Hurstelege**, vulgò **Hurstley**. Recentiores verterunt lege, quod locum Latinè significat, in *le*, & *ley*. Sonat autem Hurstelege Latinè sylvestrem locum. Erat ditionis Visimonasteriensis, unde veniebant monachi, tanquam ad coloniam, atque hoc quidem factum ab adventu Nortomannorum. Nam antè Hurstelegæ leve nomen erat.

HUNFRIDUS filius Henrici 4. frater Henrici Quinti, patruus Henrici Sexti regum Angliæ, Dux Claudiæ, Comes Penbroci, & Cubicularius

rins prætereà Angliæ Supremus, ex-
coluit tum juvenis, tum etiam senex
virtutem, ut qui maximè. Hinc cla-
rus domi, militiæque, & bonis om-
nibus gratissimus. Amavit præter cæ-
tera politas literas, quibus etiam
impendiò invigilavit. Vidi ego li-
bellum de rebus Astronomicis ab eo
non infeliciter scriptum. Compar-
verat etiam sibi ingentem planè ve-
terum librorum thesaurum. Meccæ-
nas ille quidem doctorum omnium,
quos illis temporibus, vel Anglia, vel
Gallia, vel Italia protulit. Testes
sunt libri, quos Joannes Frumenta-
rius Abba Fani Albani, & Capgrevus
Augustinianus, ut alios Anglos omit-
tam, ei dedicaverunt. Testes præte-
reà exemplaria antiquissima quidem
illa, numero 129, quæ academix ad
Isidis-vadum sitæ, inchoatâ ibidem
longè pulcherrimi operis bibliothecâ,
liberaliter contulit. Id partim
præstitit beneficio bibliothecæ Alba-
næ, partim amicorum opera libros
ad eum ex Gallia, & Italia usque
missantium. De baltheo aureo, gem-
mis exornato, quod academix dedit,
non vacat in præsentia pluribus age-
re. Favebat Aretino Italo, idque im-
pensè,

pensè, illius cum eloquentiam, tum
 iudicium acerrimum meritò magni-
 faciens. Quo nomine per epistolas
 pollicitus est Aretinus se consecraturum
 illi libros Ethicorum Aristotelis 5
 philosophorum Principis, quos tum
 Latinos fecerat: id quod, quando
 quidem promiserat, re candidè, præ-
 stitit. Postea captus spe majoris præ-
 dæ, emittendos curavit Pont. Ro. 10
 nomine. Petrus Candidus, vir nescio
 eloquentia, an eruditione super-
 ior, non tulit Claudiano illustri vi-
 ro fucum ab Aretino homuncione
 factum esse. Arrepto igitur calamo 15
 Aretinum non solum ingratitudinis,
 verum etiam perfidiæ quoque arguit.
 Et ne Hunfridus de literatis tam be-
 nè meritis inglorius esse videretur,
 transtulit in Latium Politicæ Plato- 20
 nicæ libros, ac, addita luculenta præ-
 fatione, opus undecunque tersum,
 elegans, splendidum, Hunfrido suo
 dedicavit. Plura de hoc tam claro
 Duce dicemus libro tertio de Viris 25
 illustribus. Hoc enim opus magna
 diligentia, cura, & labore congesti-
 mus, atque adeò jam in tomos qua-
 tuor digessimus, ne Britannicæ nostræ,
 fama tot eruditorum, & elegantium 30
 scrip-

scriptorum deperiret. Quotus enim
 quisque est hac nostra ætate, vel in-
 ter eruditos, qui rectè norit quos li-
 terarum flores Britannix hortus pro-
 5 tulerit. Certè, ut ingratitude no-
 tam multi in hac parte eluant, nun-
 quam profectò desidia maculam ab-
 stergent. Hunfridus, Curix Eadmun-
 di in publico conventu. 25. anno
 10 regni Henrici sexti miserrimè inter-
 festus erat eo loco, quo Xenodo-
 chium Servatori sacrum est. Polus
 Dux Sudovolcarum, homo invidio-
 sissimus, atque idem sordidissimus,
 15 carnificis partes agebat. Is autem
 adhærebat lateri Henrici Sexti *regis*
pri, at non perinde rerum humanarum
experientis, & Gallo favens; à quo
forſitan pecuniâ corruptus erat, ita
 20 cum Principe egit, ut impetraret ab
 eo Andegaulam Gallo restituendam
 permutationis nomine, tanquam
ἀντι γαλκίων Et quo minus hæc
 permutatio procederet, solus Hun-
 25 fridus obstitit, miseratus tum simpli-
 citatem Nepotis, tum publicū cōmo-
 dum; Sudovolcus hoc videns fretusq;
 nobilitate, popularibus suis, & fide
 servorum (erat enim in umbilico di-
 30 tionis suæ) insidiis cruorem inno-
 centis

centis, patriæ hostis fundendum curavit: Legi aliquando Hunfridum confecto crimine majestatis immunitæ apprehensum fuisse à Bello-
montano Comite Vicario, ac Equi-
tum Anglorum Præfecto, conjuncto
Duce Boccano, iniquo facti teste.
Hinc fama refert eum mœrore peri-
isse, in Xenodochio Servatori lacro.
Refert hæc eadem suffocatum fuisse
eum vi culcitram plumeam invol-
ventium. Ab eo tempore sensim de-
crevit Anglorum felicitas. Deus ipse
tanti sceleris tandem ultor erat. Pes-
simâ interiit pessimus *Polus* morte,
detruncato in littore Dorenfi capite.
Poli genus omne concidit. *Hunfridi*
fama, eruditio, fides, gloria etiam
florēt, perpetuoque floreant.

HYDROPOLIS, vulgò **Dorcestre**,
urbs ad Tamam fluvium sita: olim
quidem Romanis nota, ut liquidò,
non modo ex monumentis terræ e-
rutas, verum etiam ex numismatibus,
apparet. Hic si quis me roget cur ur-
bi Græcum nomen attribuiam, huic
ego respondebo, Non potuisse nomen
aut aptius, aut significantius, facile
inveniri, quod decorum vocabuli ad
plenum explicaret. *Hydôr* Græcum
bellè

bellè exprimit illud contractum *Dôr*
 Britannicum. *Cestres* sive *Castre* à
 Latina descendit origine. Attamen
 Saxones non hoc vocabulum locis
 5 tantum castris munitis, verum etiam
 & civitatibus, quanquam alterum
 hoc minùs proprium, attribuebant.
 Certe quantum ego ex idiomate Bri-
 tannorum deprehendo, non habent
 10 vocabulum, quo significanter urbem
 appellent, Aliqui dicunt *Dinas* civi-
 tatem significare: at rationem no-
 minis nullam reddunt. Alii dicunt
Cair urbem esse, cum sit interim &
 15 Castrorum, & locorum omnium sax-
 orum robore circumseptorum com-
 munis appellatio, descendens, ut e-
 gò arbitror, ab Hebræo fonte. *Alcair*
 urbs famâ apud Ægyptios notissima
 20 est. Saxones dicunt se habere suum
Stede, sive *State*. At ego hoc nomen
 locis frequenter non admodum cele-
 britis inditum scio, ut in *Polstede*,
Newstede, *Hanstede*: at civitatibus
 25 nostris vel rarò, vel nunquam. Πόλις
 Græcum est, idem refert, quod civi-
 tas. Nihil igitur periculi si Græca
 Græcis cohæreant. Certè rectius hoc
 quàm Latina Græcis miscere, id
 30 quod manifestè in *Dorcester* apparet.
 Bi-

Birinus, de quo superius scripsimus, liberalitate Cunegildi regis Visifaxonum, **Dorchester** tunc opibus, & iustis spatiis civitatem florentem in sedem episcopalem accepit. Longo post tempore, regnante Gulielmo Magno, Remigius episcopus sedem Lindum transtulit. Alexander verò Lindianus videns *Durocastri* desolata esse omnia, collegium Canonorum Augustinianorum ibi instituit.

I.

IBERI, gens famâ celeberrima, sic dicti ab Ibero fluvio qui apud Cantabros oritur: unde & Iberia, quæ nunc Hispania. Ex Iberis ingens turba commigravit in insulam quandam occidentis, cui nomen postea dedit. Nostra ætas non Iberiam vocat, sed Hiberniam vocabulo aliquantò recentiori. Poëtæ mentionem faciunt & Juvernæ, & Iernæ, quæ verba, ut ego interpretor, Hiberniam, de qua nunc tracto, denotant. Sylvester Giraldus, vir suo sæculo inter literatos non parvi præcii, scripsit Topographiam totius Hiberniæ, quam, comes Joannis, postea regis Angliæ, & vidit, & peragravit. Ille quidem distinctione operiâ tertia docet Heberum

berum (nisi corruptè scriptum sit pro Hibeto) & Hermionem fratres, insulæ imperium inter se divisisse. Addit præterea Borealem partem celsisse Hebero, Australem verò Hermioni.

ITIUS portus, aliàs *Iecius*, & *Icius*, de quo Cæsar in commentariis, nunc **Calice**. De portu ut non dubito, ita facile non possum adduci ut credam hunc esse locum, quem Latini autores Gessoriacum appellant. Beatus Rhenanus liquidò probat ex antiquissima charta militari, Gessoriacum eam esse urbem, quæ nunc Bononia dicitur. Unde brevissimus est in Britanniam trajetus: Id quod periti rei nauticæ adfirmant. Quamquam nuper accepi, à Dori ad portum *Icium* brevissimum esse transitum, quod tamen non temerè adfirmo. Legi aliquando Anglum quendam tempore Henrici secundi delatum in Itium portum locum curiose collustrasse, recedentemque dixisse, Futurum aliquando, ut illinc flagellum enasceretur, quod vel perpetuum Gallos urgeret. Paulus Aemilius unicum eloquentiæ Romanæ nostro seculo decus, cujus floribus, quantum

ad res Gallicas pertinet, Polydorus
 historiam adornavit suam, scribit 7.
 historiae Gallicae libro, Philippum Bo-
 noniae Comitem *Itium* munivisse. 5
 Eadveardus, à Gulielmo Magno e-
 jus appellationis Tertius, longâ ob-
 sidione urbem expugnavit, expugna-
 tam auxit, auctam de integro muni-
 vit, & munitam conservavit. At
 Henricus Octavus, unus instar mul- 10
 torum, tantum munitionis, tantum
 splendidae structurae, tantum appara-
 tus militaris urbi contulit, ut glori-
 am Regum omnium, qui illic domi-
 nati sunt, superaverit, & multis qui- 15
 dem nominibus.

ISCA fluvius, vulgò *Coke*. Ori-
 tur in Scotia, delabiturque in æstum
 Soluathianum, aliàs *Sulwath*. Va-
 dum, ad quod nuper pugnatum est 20
 inter Anglos & Scottos, Sandifica
 appellatur. Perpetuò meminerint
 Scotti sanguinis sui eo loco effusi, &
 turbæ nobilium virorum captae.

ISIS fluvius, Britannicè *Ise*, Saxo- 25
 nicè *Duse*. Tres sunt in mediterraneâ
 Angliæ parte hujus appellationis
 celeberrimi fluvii, quorum qui
 primus, *Isidis vadum*, vulgò *Oxford*:
 sed corruptè pro OUSEFORD 03
 Alter verò, Boccinum nobile oppi-
 dum,

dum, alias **Bukkenham**, cui nomen à damis masculis inditum, alluit: Tertius, conjugio Uri nobilis, Isurovicum, quod & Eboracum, alluit.

5 Sunt & alii in Britannia fluvioli ejusdem nominis, quos brevitatis studio in præsentia omitto, contentus tantum prædictorum originem compendio quodam repetere.

10 *Isis*, fluviorum rex oritur in Cotesuoldia spaciola admodum Claudianæ gentis planitie, plus minus mille passibus ab oppidulo, cui nomen Tetocuria, alias **Tetbyri**, nec

15 longius à Fossana via, ut inter alios multos testatur Maildunensis quidam monachus, qui Eulogium historiarum scripsit. Scio aliter sentire, & scribere Polydorum virum multis nomi-

20 nibus clarissimum. Nam originem fluvii attribuit parti limitaneæ, quæ Cotesuoldia Vincelocomum penè attingit. At nihil minus, quàm nomen loci meminit.

25 Novi Pennocum argum Hailesianæ ditionis, amniculique fontem vicinum. Sed ortus *Isidis* eo planè non est loco. Gaudebant Hailesienses suum agrum, nobilem *Isidis* origine reddere. Ego quidem ingentem

30

na-

numerum scriptorum tractatum res Britannicas diligenter excussi. Inventus tandem unus, aut alter, obscuræ notæ scriptor, qui Polydoro in hac parte subscriberet.

Urnam Polydorus tam oculatus fuisset testis in rebus Britannicis, quam interim est terlus, nitidus, elegans. Næ ille tum exegisset opus immortalitate planè dignissimum: modè & eadem operâ cognitionem utriusque linguæ, videlicet Britannicæ, & Saxonicæ tanquam ad coronidem adjecisset. At ille interim laudandus plurimum, qui domi sedens, & numerofo veterum Autorum de rebus in Britannia gestis scribentium præsidio destitutus, præstitit in tanta angustia, quanta potuit alius quicquam maxima.

Hæc ego de Polydoro modestè satis, ut arbitror, & candidè retuli, quem interim apertè de me malè loqui, & sentire certò scio, id quod suffrague deque fero. Nec enim est cur Italum censorem antiquitatis, gloriæ, majestatis Britannicæ iniquissimum metuum. Dies tandem lumen tenebris afferet, & veritas erecta suo prænitebit fastigio, etiamsi

Ur-

Urbinas, vel ad ravim usque reclami-
set. Sed ad *Isidis* cursum redeo.

- Hic fluvius, paucis à fontibus pro-
gressus miliaribus, Covi Berchele-
5 gani amnem in se recipit. Sic auctus,
cursum continuat, ac Corinum fluvio-
olum antiquâ fama clarum, à quo
Corinium urbs Dobunorum prima,
aliàs *Churnecestre*, corruptè *Ciren-*
10 *cester*, corruptius *Cicestre*, dicta est.
Tum pleno petit alveo Crecoladam,
non insignem olim, ut vulgus in-
doctum somniat, Græcanicis scholis.
Inferius paulò allambit Aquædu-
15 num, vulgò *Aeiton*, castellum nobilif-
simi Stipiticii, alià *Zouche*. Deinde
etiam & Lechenladam, ac continuò
Joannitium pontem, locum inter
prata humilem, & aquarum copiâ
20 pressam interfecat. Hinc Rodeco-
tanum pontem, avicularum nidum
notissimum, penetrat, Novumque
pontem, ac insulam, aliàs *Egnesham*,
& *Einesham*, ab Ealmero Coriniorum
25 Principe olim illustratam. Postremò
divortium patitur, ac in cornua divi-
sus, hâc Borelegam, & Hinchese-
gam, trajectu celebres, petit: illâc Dei-
locum, aliàs *Godestow*; rursus inbra-
30 chia tractus, quæ paulò inferius, facta
insula,

insula, coeunt, ambir, & sui nominis
 insulas, ac urbem literarum cogniti-
 one super æthera notam invisit. Cre-
 das data opera sic in insulis luisse *I-*
sidem, ut loci cum amœnitate, tum 5
 celebritate urbis captus, cursum, alio-
 qui rapidum, spectandi gratia, remo-
 rareretur. Confluxus autem brachiorum
 cernitur loco palustri non longè ad-
 modum ab *Isidis vado* dissito. Quod 10
 reliquum est defluxus, *Cygnus* me ta-
 cente *Isiacus* quærentibus, ut est to-
 tus candidus, ac facilis, abundè ac lu-
 cidè ostendit.

Nunc alterius *Isidis* decursum bre- 15
 vi oratione perstringam. Oritur
 prope Stenum ubi olim villa Muro-
 legi, deinde Braii, & Sannæi; ac de-
 fluit Brachilegam, quondam nobile
 Avoniæ mediterranæ oppidum, 20
 quod Latine Filicerum sonat.
 Hinc præpete lapsu Boccinum,
 vulgò **Buckkenham**, unde & regio
 vicina Boccinia, pervenit. Nec con-
 tentus nomen alicujus fluminis con- 25
 jugio mutare, Stratfordam Stenicam,
 Neoportum Paganellicum, ac Bu-
 defordam antiquum famâ Empori-
 um petit, ac omnem citus Provinci-
 am ab eo dictam penetrat, quousque 30
 per-

perventum sit ad Ernulphi curiam,
alias *Cinsbyrt*, Forum non infre-
quens, quod nunc Fanum Neoti ap-
pellatur, situm verò in ipso limine
5 Venantoduniæ, alias *Vantendune-*
stre. Deindè jam profundus, & va-
gus Gumicastrum antiquâ nobile fa-
mâ, & monumentis insigne Roma-
norum; Venantodunum etiam, à
10 qua urbe, latè circumjacens regio
nomen accepit; ac Slepam, quæ &
Fanum Ivonis Persæ, allambit: hinc
dextrum latus Anguillarianæ Insulæ,
alias *Clig*, auctus Granta flumine;
15 hinc sinistrum, Avona tumidus recep-
to, implicat: Tum verò in cornua di-
viditur, Fennicolas perlustrans. De-
nique cornibus ferè omnibus ad u-
num rursus alveum recurrentibus, Li-
20 num celebre Emporium mercatorum,
terra marique advenientium, perpe-
tuo beat officio; ac tandem Oceano
se committit.

Relat tertii Ildis cursus ab ipsis
25 fontibus ad ostia deducendus. Quare
opera præcium erit primum Uri fluvii
sinuosos Mæandros describere, ut
postea nomine, & alveo juncti, uter-
que suis eniteat coloribus. Urus ex-
30 tima parte Richomontaniæ provinci-

ola Brigantum Occidentem versus o-
 ritur. Nomen autem loco, ut quidam
 prædicant, Muscomaria; ut autem alii
 volunt, Coterinus mons, quorum o-
 pinioni ego quoque accedo. Desluit
 per ignobiles pontes Bainum, &
 Ailcaranum, ac aliquanto inferius
 Ventolacensem pontem arcubus in-
 signem alluit, deviusque statim Medi-
 olanum, olim castellum Radulphi fi-
 lii Ranulphi, relinquens, Urivallem
 locum sui nominis vicinum petit,
 pontemque Childegramensem. Hinc
 per Massamensem pontem, Tan-
 feldam olim Marmioniorum castel-
 lum & Nortobrigum, impetu quo-
 dam delabitur, Ripodunum in Schelli
 ripa situm rauco salutans murmure,
 Tum verò Vicanum pontem paulo
 inferius situm penetrat, ac Isurium,
 prælaro Isidis nomine, venit. Ptole-
 mæus, ubi de Brigantum urbibus lo-
 quitur, inter alias Isurii meminit.
 Antoninus etiam Isuriam Brigantum
 celebrat in Itinerario suo. Concidit
 autem eo tempore, quo Danica vis
 totam ferè Angliam ferro, & flam-
 mæ devastabat. Nunc seges est, & vil-
 la rustica ubi Isurium fuit. Rudera
 murorum, & numismata Romano-
 rum

Eum hic frequentiusculè ab aratris e-
 rumitur. Nomen loco nunc *Alzburg*,
 quod *Vetus Oppidum* significat.
 Pons Burgenfis ad Tudeladum am-
 nem (celebris conflictu, quo, teste
 Gulielmo Pachenduno illustri scrip-
 tore, captus est Thomas Comes Me-
 diolapensis) ab Aldeburgo non longè
 distat. In campis huic admodum vici-
 nis extant quatuor Pyramides ex soli-
 do saxo, Romanorū, ut quidā indicant,
 Trophæa. Stant autem ad lævam viæ
 Vetelingianæ, sive, ut alibi lego, Eathe-
 lingianæ, ut nomē à nobilitate sumāt,
 verius occidentem, quā itur à Bur-
 genfi ponte Luguballiam. Hic unum
 est, quod me implicat arcto podo.
 Nam sunt ex indigenis qui prorsus ad-
 firmant Isidem, aliquantō inferiūs
 Burgenfi ponte, Urum in se recipere,
 quod mihi quidem non sit verisimile,
 cum antiquitas *Isurium*, ut manifestè
 ex vocabulo colligere licet, utriusque
 fluminis nomen præferat. Minora
 verò flumina majorum nomina su-
 binde concipere, non tam in *Isuro*,
 quā in Tamesi liquet. At à defluxu
 fluvii per Burgensem pontem longis-
 simo jam tempore *Uri* nomen, dum
 plebs breviteri studet, omnino subla-
 tum periiit, & Isis, prima dictionis

compositz pars, integra mansit: ita ta-
 men ut pro *Ile*, vulgò *Duse* appelle-
 tur. At si quis penitius excusserit *E-*
rymon hujus nominis *Torewike*,
 quod contractè *Worke*, intelliget qui- 5
 dem illud nomen ab *Isurewik*, retenta
 prima literâ, abjectâ verò secundâ,
 & tertiâ in o mutatâ, sumpsisse. Ne-
 que ego tamen interim *Eboracum*
 tollo, ejus jam frequens apud veteres 10
 mentio. Suo per me quisque utatur
 iudicio, ita ut & mihi meum relin-
 quant liberum. Unum hoc constat,
 Græcos, & Latinos peregrinæ linguæ
 voces, dum suæ linguæ decoro, & co- 15
 positioni student, prodigiôsè corru-
 pisse. Quin nunc, quod reliquum
 est cursus *Isidis*, expediam. A Burgen-
 si ponte defluit Monachodunum, ubi
 in se recipit Nidum fluvium. Hinc 20
 properat *Eboracum*, reginam Britan-
 niæ Aquilonaris urbem, ubi orientem
 versus Fossam amnem Calaterii ne-
 moris alumnum placido accipit al-
 vec. Tum verò naviget, & Guerfa flu- 25
 vio dextrorsum auctus, Cauodam no-
 bile archiepiscopi Eboracensis castel-
 lum alluit. Denique Urosullo, castel-
 lo nuper *Perciorum* tum elegantissi-
 mo, tum splendidissimo sinistram lon- 30
 giuscule

giusculè relicto; Doruenta fluvio superbus comite, ad Abrum, alias *Humbrum* notum illi, Duno præterea & Terento fluminibus celeberrimis hospitium petit: unde via ad Oceanum recta.

ISIDIS INSULÆ. Anglicè, *Ouse-
nege*, & *Dulney*. Hi mediamnes loci penè inglorii ante adventum Roberti
10 *Oili* Nortomanni, cujus ditionis tota Iliacorum Provincia, beneficio Gulielmi Magni, fuit. Ille autem eò, tanquam in secessum amœnissimum, à castello suo vicino frequentiusculè
15 transibat. Erat autem Roberto frater Nigellus nomine, de quo fama non admodum multa refert. At eius filius Robertus nepos, & hæres Roberti primi, qui sine liberis obiit, vir max-
20 imi precii erat, cujus uxor Editha For- na, scemina incomparabilis, *Isidis* insulas magni merito fecit. Contigit aliquando, ut Picarum chorus arbo-
25 rem insidens Editham in insulis spati- antem consono quasi strepitu saluta- ret; quod cum frequenter, & uni illi, fecisset, augurio rãda, Radulphum
30 Canonicum Fani Fredisvidæ consu- lit. Ille magnum in augurio pondus inesse respondet, ac Heroïnã solici-

te rogat, ut templum ibidem Servato-
ri consecraret. Illa hoc idem a mari-
to petit, & impetrat. Hinc funda-
menta Cœnobii jacta, quod tandem
crevit in immentum. Thomas Vica-
nius in annalibus suis hoc factum ad-
firmat, Anno Dom. 1129. Sic fama,
sic gloria, sic honos Intulis partus.
Multa debent igitur *Oillus* Insula *Ifi-*
aca.

ISIACUS, possessivum ab *Ifide* ap-
tissime derivatum: quo nomine non
ineleganter appellabit aliquis acco-
lam propter *Ifidis-Vadum* habitan-
tem. Deluit jam longo tempore ap-
tum, elegans, & Latinum genti Voca-
bulum. Fas igitur sit mihi, per candore
& gratiam eruditorum, eam a
bonis literis optime audientem, *Ifa-*
cos, nomine in hac parte novo, at in-
terim apto & significanti, posterita-
ti commendare.

ISIDIS VADUM Saxonice *Ons-*
forde, & *Onsenford*, corrupte *Orford*,
Hic forsitan obgannient sciolæ, omnis
antiquitatis & politæ literaturæ igna-
ri, me corruptorem esse veteris lin-
guæ Saxonicæ, quam illi interim qua-
lis fuerit, ignorant prorsus. Per me
vel ad ravim usque oblatrent, canum
stupidam

Rupidam imitantes rabiem, qui Lynam nitidè elucentem, & nihil tale curantem, assiduâ insectantur vociferatione. Non equidem scribo hujusmodi tenebrionibus, contentus interim paucis, at candidis, eruditis, denique judicio valentibus placuisse.

De *Isidis-Vadi* origine, multi multa prædicant: inter quæ historia circumfertur, adfirmans hanc Urbem olim ab amœnitate situs, *Bellofitum* dictam fuisse. Joannes Rossus Verovicanus, accola Guidonici clivi, hinc edoctus, hoc idem affirmat. Cives urbem suam quàm illustrissimam reddere cupientes Vortigerium Britan-
num, conditorem nescio an instauratorem urbis, deprædicant. At quâ id
faciant autoritate, luculentam non reddunt rationem. Historia rerum memorabilium, quam Academia Ifiaca religiosè servat, apertè pronunciat scholas famâ antiquitûs insignes à
Græcolada (quæ rectius Crecolada, Lechelada, & Lathelada) fuisse Bellofitum translatas. At quo tempore, quo auctore, qua causâ id factum sit, silentium planè ingens. Secutus est & Rossus Verovicanus, vir majoris longè di-

ligentia, quam iudicii, hanc qualem-
cunque de scholarum translatione o-
pinionem. Crecoladenses accolæ ripæ
Isacæ conservant nescio quos versicu-
los obscuros in Fano Sampsonis, hanc
originem asserenteis: quorum, nisi me
fallit memoria, hic primus est.

Postquam Pallas humi furians pro-
stravit Athenas. Reliqui verò excide-
runt mihi, sed dispendio penè nullo.
Isacæ academiæ historia, prorsus nul-
lam facit de Ealfrido mentionem.
Sunt tamen alii scriptores, & fidei
approbatæ, qui institutionem schola-
rum Isiacarum manifestè illi ascri-
bant. Videtur hoc etiam Asserius Me-
nevensis, testè suppresso *Isidis-Vadi*
nomine, significasse. Sed is nec Græ-
coladæ, nec Lecheladæ, nec Lathela-
dæ, vocabulorum merè Saxoniorum,
ut neque transmigrationis, meminit,
ne per umbram quidem. Quin ipsa
verba auctoris apponam, ubi de educa-
tione filiorum Ealfridi regis Visisaxo-
num loquitur,

Eathelueardus omnibus junior, Ludis
literariis divino consilio, & admirabili
Regis prudentia, cum omnibus penè toti-
us regionis nobilibus infantibus, ac etiam
multis ignobilibus, sub diligenti magi-
strorum

- strorum curâ, traditus est. In qua schola utriusque lingua libri, Latina scilicet ac Saxonica, assidue legebantur. Scriptioni quoque vacabant, ita ut antequam humanis artibus vires haberent, venatoria scilicet, & ceteris artibus que nobilibus conveniunt, in liberalibus artibus studiosi, & ingeniosi viderentur. Et alibi, ubi de divisione fortunarum
- 10 Ealfridi agit, hæc scribit: Tertiâ partem schola, quam ex multis propriæ suæ gentis nobilibus pueris, & ignobilibus, studiosissimè congregaverat, dedit. Rossus Verovicanus in libello de A-
- 15 cademiis affirmat principiò tantum fuisse treis scholas in Isidis-Vado, quarum prima Grammaticis, secunda Philosophis, tertia Theologis consecrata est. Haraldus Levipes, Danus,
- 20 Angliæ rex, infestus tum civibus tum eruditibus, *Isidis-Vadum* incolentibus, quòd Danos nobiles fugienteis ad Fani Fredisvidæ pyramidem, consilio Eadrici proditoris scelestissimi occi-
- 25 dissent, armatum militem eò misit, qui urbem strenuè diriperet, & collegia bonis artibus dedicata confringeret, scholasticis hinc illinc metu fugientibus. Chronica Fani Fredisvidæ
- 30 referunt *Isidis-Vadum*, regnante Eathelredo,

thelredo, insignem accepisse cladem.
 Robertus Polenius, vir ad bonas li-
 teras natus, studiorum in *Isidis-Vado*
 reluscitavit, post cladem acceptam, a-
 lacritatem, tempore Henrici Bello- 5
 clerici regis Angliæ. Hinc Polenius,
 Romanam urbem petiit, ubi & Can-
 cellarii dignitate functus est. Non
 possum liquidò pronunciare an *Isidis-*
Vadum muro fuerit cinctum ante im- 10
 perium Gulielmi nothi, regis Angliæ.
 Illud constat Robertum *Oilium*, eius
 appellationis primum Castrum, quod
 olim fortissimum fuit, in ripis *Isidis*
 vel à fundamentis construxisse, Anno 15
 à Christo nato 1071. teste Thomâ Vi-
 canio fidei optimæ scriptore. Nos ista,
 dum Antiquitati studemus, in grati-
 am *Isidis-Vadi*, memoriæ sacrolanctæ
 con'ecravimus. Exhibebimus autem 20
 de his fusiora, & lucidiora in libro de
 Origine, & Incremento bonarum in
 Britannia literarum, & in libro de A-
 cademiis.

L.

LIMENUS, fluvius, Britanni-
 cè *Limene*. Refert hoc nomen origi-
 nem Græcam, quod pleno defluens
 alveo portum efficiat. Est enim por-
 tus, litus, finus maris, Græcis *Νηλιν*, 30
 Eadbertus

Eadberrus rex Cantiorum Limen
 meminit in quadam donatione facta,
 Anno Dom. 741. Chronica Fani
 Neori de Limeno sic loquuntur [*Lime-*
 5 *nis* fluvius currit de sylva magna, quæ
 vocatur **Andredefwalde**. Habet au-
 tem ea in longitudine ab Oriente in
 Occidentem miliaria 120, & ed am-
 plius in latitudine autem triginta.]
 10 Gravius in opere, cui titulus *Scalesbro-*
nicon Andredefu ualde meminit, &
 Sigeberti regis Visifaxonum ab upi-
 15 lione ibidem interfecti. Henricus Ven-
 nantodunensis, quarto libro historiæ
 de regibus Anglorum, hæc refert, ubi
 de Danis, fretus autoritate Mariani,
 20 51 agit: [Postea rediit in Angliam ille
 magnus exercitus cum omnibus rebus
 suis ad portum *Limene* cum 250. na-
 vibus, qui portus est in orientali parte
 25 Cantia, juxta magnum nemus *An-*
dredeflege, quod centum & viginti mi-
 liaria in longitudine, triginta in lati-
 tudine continet. Egressi verò con-
 30 struxerunt castrum apud **Apletre**.]
 Hactenus Venantodunensis. Saxoni-
 bus id *Apletre* est, quod Latinis (Ma-
 lus) nota arbor. Et quoniam in men-
 tionem *Andredefwalde*, cujus apud
 30 Mariannum clara est memoria, incidi-
 mus,

mus, lubet hic obiter significare Henricum Venantodunensem Andredelcastri, urbis, ut ait, olim celeberrimæ, at ab Ealla primo rege Sudosaxonum funditus everse, non sine honoris præfatione magnâ, primo historię suæ libro, meminisse. Nomen Limeni, nostris prorsus incognitum temporibus. Constat tamen eum fuisse fluvium, quem hodiè Rotherum vocant. Oritur autem in Argasio monte, non procul ab Aquædunensi saltu, aliàs **Walterdon**, loco Sudosaxonibus notissimo. Unde labitur vicinum in campum, cui nomen indit, videlicet **Rotherfeld**. Hinc Vicanum, aliàs **Bichingham**, petit, ac Robertinum pontem. De hoc vico recentiores quidam scribunt, de nomine nil dubitantes. At mea conjectura est, Rotheri pontem in Roberti pontem degenerasse. A ponte Rotherino rectâ decurrit Bodiamum, olim Dalenrigii, postea Leucheniorum castellum. Deinde Noviodunum pagum, & Oxinegam, ubi trajectus, alluit. Postremò Apletream vasto desertur gurgite, ac mox aperto mari se committit.

LIMODOMUS vulgò **Limehouse**, cui

cui nomen à re inditum.

LOMITHIS, id est, finus luteus, five Lamithis, vulgò *Lamebiths*, notissimus Tamesinæ ripæ locus; de quo

nihil antiquius legi, quàm quòd *Cannius Fortis* rex Angliæ, hîc inter convivia & pocula, ut refert *Henricus Venantodunensis*, libro sexto historiz suæ, diem obiverit supremum. In

confesso est, Archiepiscopos à tempore adventûs Nortomannorum in Angliam, hîc sedem habuisse. *Baldwinus*, & *Hubertus*, archiepiscopi, nobile factum Lamithi crexerunt, decreverant-

que Præbendarios, ut vocant, ibidem statuere. *Durovernenses* monachi hoc ægrè ferentes cum Romano Pontifice de Fano dirigendo egerunt. Postremò, monachis victoribus, ruinam locus

passus est, & quidem magnam. Palatium archiepiscoporum jam ad senium deverterat. Ecce præsto est *Joannes Moridunus*, & absteriso senio omni, florem ac juventutem, renovato &

aucto operi magnificè reddit. Hîc ego juvenis studio eloquentiæ & bonarum literarum totus conflagrans, *Thomam Hovertum* Principis decemorum filium Latine loqui industriâ, quâ po-

cui maximâ, perdocui.

LUGUBALLIA, Britannicè *Cair*
lwal, corruptè *Castelle*. Hæc urbs ad
 Verchingianam viam sita est, alluitur-
 que à borea Aquæduno, & à meridie
 Calodeva fluminibus non ignota fa-
 ma, quorum confluentia spectabilis
 paulò inferius urbe. At unde urbi no-
 men inditum à nullo hætenus discere
 potui. Conjecturam interim meam
 non gravabor publicam facere. Suspi- 10
 cor fluvium, qui nunc Aquædon, alias
 Eidon, olim dictum fuisse Logum,
 five Lugum. Ballia à valle, V, littera
 in B, facile mutata, originem sumpsit.
 Sunt & qui scribant vallia, non ballia. 15
 Familiare quidem est indigenis Aqu-
 lonaribus valles præposito fluminis
 nomine appellare, ut *Glindale*, *Merr-*
dale, *Tivedale*, *Alendale*, *Rhisdale*. Sic
 enim Luguballia Lugivallis erit. Nisi 20
 quis rectius appellationem totam
 putet à *Lough* patrio vocabulo, quod
 lacum, aut stagnum significat. Abun-
 dat enim aquis Luguballia sita. Pro-
 lemanus Luguballia corrupto nomine 25
 Lucopibia nominat, videturque eam
 genti Novantum attribuere. Memi-
 nit etiam hujus urbis Antohinus in
 suo Itinerario. Quo tempore Beda
 floruit, in præcio hæc urbs quidem su- 30
 it.

it: nam & ejus mentionem 27. cap. libri 4. historiarum suarum facit. In libello quoque, quem, de Cuthberti vita, carmine & prosa scripsit, honorifice de

- 5 Luguballia hæc prædicat: *Esfriðus rex ad Luguballiam civitatem, quæ à populo Anglorum corrupte Ruel vocatur, venit ut alloqueretur reginam, quæ ibidem in monasterio sua sororis eventum belli expectare disposuit. Postera autem die deducentibus eum civibus prodit: ut videret mœnia civitatis fonteque in ea miro quodam Romanorum opere constructum.* Hæc ille.

- 15 Concidit autem Luguballia calamitate Danici belli, & deserta moriebatur rotos ducentos, & eo amplius, annos. Aluredus Fibrolegannus historiographus, suo seculo clarus, scribit
- 20 hanc urbem instauratam fuisse sexto anno imperii Gulielmi Rufi, Regis Angliæ. Prædicat hoc idem Hovedenus. Adjicit Venantodunus, Gulielmum Rufum regem, colonos ab Austro huc misisse. Nec desunt qui scribant Flandros quoddam diluvio suis sedibus pulsos, ab Anglo, tanquam colonos, huc missos, qui & postea, ne quid cum Scottis commune haberent, Penbrocum translati sunt ut
- 30 Ros-

Rossos rebelles perdomarent: id quod fecerunt, teste Sylvestro Giraldo.

M.

MAUDITI-castrum, vulgò ~~Saint-~~ *Mawes*. Erat autem Mauditus ex Hibernia ortus, &, ut ferunt, episcopus. Vixit parcè, ac duriter, sanctitatis nomine clarus, non longè à Falensi portu, ubi nunc villa piscatoria, & Fanum illius nomini consecratum. Incolæ ostendant, in cœmeterio sano adjacenti, cathedram ex solido saxo, qua frequenter sedebat, fontemque superstitione celebrem. Forma castri in ipsis portûs faucibus pene orbicularis est, & situ sublidet, ut serpentes ærei certius irrupentis feriant hostes. Tresius qui structuræ castri præfuit, vir ad bonas artes, & humanitatem natus, tum præterea amicus, & summus quidem meus, à me flagitavit, ut latè quadratis saxis insignia Henrici octavi nunquam satis laudati, & Eadveardi Principis incomparabilis, ferentibus, paucos opportune versiculos affigerem, quibus altè insculptis posteritas nobile tanti Regis opus meritis extolleret præconis. Feci quod voluit. Tali autem amico quic-

quicquam pernegare planè religio fu-
isset. Accipe, candide lector, Inscrip-
tionum notas. Prima sic habet. Hen-
ricus octavus, Rex Angliæ, Franciæ, &
5 Hiberniæ invictissimus, me posuit
præsidium Rei publicæ, terrorem
hostibus.

Secunda inscriptio.

Semper honos, Henrice, tuus, laudesque
10 *manebunt.*

Tertia.

Imperio Henrici naves submitтите
vela.

Quarta.

15 *Gaudeat Edvardo Duce nunc Cornubia*
felix.

Quinta.

Exprimat Edvardus fama, factisque pa-
rentem.

20 Hæc nos, in Henrici octavi Regis
incomparabilis gloriam, æternitati
consecravimus.

MEDIAMNIS, vulgò *Medemen-*
ham, monasteriolum Bernardinorum,
25 quod Isiburnam Bedanfordanam, a-
liàs *Duseburne*, parentem agnosce-
bat.

MONS-ACUTUS, vulgò *Ponte-*
gue, nomen loci apud Gallos celebris:
30 unde & nobilissima ejusdem appella-
tionis

tionis apud Anglos familia originem duxit. Richardus Burdegalensis Rex Angliæ gloriam Montis-acuti, alioqui claram, clariorem reddidit, Severiani Comitis titulo adjecto, Anno ejus 5. Imperii 21.

MONS DIVES, Gallicè **Richemont**, urbs famæ conspicuæ, à qua & regioni, quam possidet, nomen.

Brigantes olim hic sedes habuere, utpote cultores totius Isuriæ vulgò **Porkshire**, cujus & hæc pars fuit, ut plurimum montana, at interim quæ valles subsident fecunda utcunque, fluviiisque irrigua, videlicet Vro, Sual-
la, & Covero. Gulielmus nothus rex Angliæ, dum Eboracum civitatem ejus imperio non audientem obsidet, Alanum nepotem suum Comitem Britanniaë Continentis, Matildâ reginâ exorante, hujusmodi illustravit Donatione: *Ego Gulielmus, cognomine Bastardus, rex Angliæ, do, & concedo tibi nepoti meo Alano, Britannia Comiti, & heredibus tuis in perpetuum omnes villas, & terras, quæ nuper fuerunt Comitis Eadwini in Eborashirâ, cum feodis militum, & aliis libertatibus, & consuetudinibus, ita liberè, & honorificè, sicut idem Eadwinus ea tenuit.* *Data in*

obsidione coram civitate Eboraci, Caprâ,
spoliarâ, & incensâ urbe Brigantum
dominâ, ac gente in potestatem Gu-
5 lielmi redactâ, Alanus vir maximi a-
nimi, studens provinciam acceptam
solidè sibi conservare, castrum, juxta
Billingham villam suam, fortissimum
extruxit, quo se muniret contra im-
petus non modò Anglorum fortunis
10 spoliatorum, verum etiam insultus
Danorum. Operi autem absoluto *Richemontis*
nomen quodam consilio in-
ditum est, vel à loci magnificentia,
vel à castro Britannia continentis ali-
15 quo ejusdem appellationis. Rodol-
phus Dicerensis in historia sua memi-
nit *Richemontis*, castelli Armorica re-
gionis. Ego cum, annis ab hinc ali-
quot, avidis hoc castrum oculis col-
20 lustrarem, videremque ambitum ur-
bis intra mœnia ipsa exiguum esse, cœ-
pi cogitare urbem sensim crevisse in
extima Castri area, quod tamen non
refero tanquam cognitum. Nunc ut
25 splendor, & gloria Comitum Richo-
montanorum fusiùs eniteant, opera-
preçium duco eorum ab origine stir-
pem repetere, & serie quadam ad sæ-
cula recentiora perducere. Eudo Co-
30 mes Britannia continentis, Gallofri-

di filius, tres genuit fillos, Alanum
Rufum, aliàs Fregaunt, Alanum Ni-
grum, & Stephanum, qui singulatim,
eo mortuo, Britannia præfuerunt,
& Richomontania. Uterque Alanus 5
sine liberis periit. Stephanus verò fi-
lium Alanum nomine genuit. Hic
autem Conanum hæredem reliquit,
cui nupsit Margareta Gulielmi Scot-
torum regis filia, peperitque ei Con- 10
stantiam, postea conjugio Gallofridi
filii Henrici secundi regis Angliæ, Fe-
licem. Genuit Gallofridus Arturium,
quem Joannes rex Angliæ, ejus pa-
truus ob metum, ne Angliæ regnum 15
jure suo peteret, insidiis, ut quidam
scribunt, interficiendum curavit.
Constantia secundò nupsit cuidam
Rodolpho, à quo adulterii crimine
infamis divortio mulctata est. Hinc 20
tertiò nupsit Guidoni Tearcho, & ex
eo peperit Adeliciam, quæ Petrum
Maloclericum in conjugem accepit,
& ei peperit Joannem. Joannes fili-
us Joannis Comes Richomontania 25
accepit in uxorem Beatricem, filiam
Henrici tertii regis Angliæ, quæ ma-
ritum Arturio Petro, & Joanne pa-
rentem fecit. At Joannes pater, ulti-
mus erat Richomontania Comes ex 30
stirpe

5 stirpe Alanica, cujus si quem juvat an-
tiquitatem, quæ Eudonis imperio
præcessit cognoscere, legat Guliel-
mum Gemeticensem, rerum Nort-
mannicarum illustratorem. Recentio-
res Richomontaniæ Comites omit-
to brevitatis studio, hac lege tamen,
ut illos in memoriam redigam in O-
pere quod de Nobilitate Britannica,
10 diis vitam mihi fortunantibus, in
Procerum gratiam propediem scrip-
turus sum, & editurus. Interea *Richo-
montania* valedicam.

MORINI, gens Gallicæ Belgicæ,
15 quorum urbs celeberrima Tervana e-
rat, quam ego potius Treventam no-
minarem à *Tre*, quod oppidum vete-
ri Gallorum lingua significat, & *quin*
quod album, illustre, & splendidum
20 sonat. Morinorum ineminit Cæsar in
commentariis suis. Meminit eorun-
dem Gratius poëta in libro de vena-
tione, de quo Ovidius.

25 Aptaque venanti Gratius arma
daret.

MORTUUS LACUS, vulgò *Mort-
felake*, villa longo quidem tempore
archiepiscoporum Duroverniensium,
at nunc Regis, permutatione fundi
30 facta, villa eximiè splendida.

N.

NAUTICVS finus, Saxonice **Reutherhith**: Locus olim nautis tantum hospitium præbens; At nunc, quia urbi vicinus est, coepit nitidis superbire villis, & sordes nauticas quasi contemnere. Sunt qui adfirmant Henricum ejus appellationis Quartum, Anglorum Regem hic delituisse, ut medicorum opera in lepra, quâ fœdè asperius fuerat, curandâ uteretur.

NEO.PORTVS, sive Novus portus, Anglice **Pewport**, statio carinis satis fida, ubi etiam & commodus in *Vectam* insulam aditus. In Neoportu emporium est, & unicum totius Vectæ, quod & eodem censetur nomine. Attramen, ut ego aliquando accepi, Medena oppido antiquum nomen erat.

NOVANTES, de quibus Ptolemæus, oram littoris Britannici occidentalem accolebant, ea parte, quâ nunc *Lugovallia* Scottomaltix illa floret, & Candida casa, quæ nunc Fanum Niniani, Gallovinorum sedes primaria, caput attollit. Non possum hic certè satis admirari, quid sibi voluerit Hæctor Boethius, Scotticæ scriptor historiz,

historia, cum Galloviniam sedem
Brigantum fuisse, contra communem
 tum Græcorum, tum Latinorum om-
 nium consensum, affirmet. Eiusdem
 5 farina & illud *Hectoris* est, quo loco
Dobunos, de quibus *Ptolemæus* men-
 tionem facit, eam fuisse gentem
 scribit, quam nostra ætas vulgò *Dar-*
bestremen, appellat. Notum est Co-
 10 rinium, eam fuisse urbem, quam Sax-
 ones *Churncestre* vocabant, & nostra
 ætas corruptè *Cirencestre*, & *Cice-*
stre. Sedes etiam *Dobunorum* pri-
 maria ibi olim fuit, ubi nunc pars
 15 *Claudianæ*, ad *Cotevoldianum* cam-
 pum, provincie. Sunt & aliæ ejusdem
 notæ in *Hectore* maculæ, quas vulgus
 lectorum tanquam stellulas suspicit.

NVLLI-SECUNDA, novum ab
 20 excellentia operis nomen inditum lo-
 co, vernaculâ linguâ *Sponefuch* dicto.
 Hic magnificentissimus *Henricus Oc-*
tavus tam eleganteis, tam venustas,
 tam deniq; splendidas erexit ædes, ut
 25 quocunq; prudens floridæ architectu-
 ræ æstimator, oculos converterit suos,
 has dixerit inter cæteras quascunque
 facile palmam ferre. Quanta illic Ro-
 manæ antiquitatis æmulatio! Quantum
 30 speciosæ picturæ? quantum auri? quan-
 tum

tam denique omnis generis ornamentorum? Diceret cœlum esse stellis interpolatum. Floreat æternum Princeps, qui nullis parcat impensis, quo minus artificum ingenia, miracula rerum, mentes, atque oculos hominum sua quadam majestate rapiant, exhibeant.

P.

PENDINAS, id est, caput montis, locus adjacens Falensis portus ostiis occidentem versus, ubi nunc stat Castrum in loco edito, non longè ab ædibus *Cheligrevi*, viri humanissimi. qui & ejusdem Præfectus est. Cujus operis gloria, quanta quanta est, Henrici Octavi Regis propria est.

PETRO-POLIS, nunc *Peterburch*, at nomine antiquiori *Medeshamstet* Saxonice dicebatur: cujus & loci Bedæ 6. cap. 4. libri suæ historiæ meminit. Erat autem in primitiva Merciorum ecclesia, in honore planè maximo. Operæprecium ergo originem monasterii olim undecunque clarissimi, vel ab ovo repetere. Qua parte non gravabor Hugonem Album rerum Petroburgi gestarum luculentum planè scriptorem in suscepti operis evocare partem. Fidem ille lectori faciet.

ciet. Ego verò, quod ille fuisse scripsit,
in compendiolum redigam.

Avona, sive Avena fluvius, qui vulgò

- 5 *Nene* pro *Abene* sublata A. capitali
litera, & V. sequenti in N. versa, Pe-
trobургum alluit, in cujus alvei me-
dio, vorago quædam incognitæ pro-
funditatis. Quo etiam & loco fons
10 ebullit, cui nomen *Medeswell*. Cum
verò Saxones in ripa fontis vicinâ ædes
posuissent veteri nomini novum vide-
licet *Hamsted* conjunctum est, atque
ita coaluit *Medeswelhamsted*, quod
15 nomen longo postea servavit tempore,
detruncata tantum brevitatis studio
sesquipedalis vocabuli syllaba media,
ita ut pro *Medeswellehamstede*
pronunciarent *Medeshamstede*. *Hans*
20 verò domum; *Stat*, sive *stet*, civitatem
Latinè significat. Collucet autem in
ipsis penè Girviorum paludibus. Gir-
viorum meminit Beda. Paludes incole-
bant. Nomen Girviorum nostro obscurum
25 seculo. Dicuntur hac ætate Fennicolæ.
Appellationem accepere Girvii à *Gyr*
Saxonico vocabulo, quod Latinè pa-
ludosum, & altè luculentum locum
significat. Hactenus de loci no-
30 mine.

Nunc

Nunc reliqua strictim dicemus: Penda rex Merciorum, five Mediter-
 raneorum Anglorum, reliquit treis fi-
 lios *Peadam*, *Wolpherum*, & *Ethelre-*
dum, quorum singuli eo mortuo reg- 5
 no Merciorum præfuerunt, id quod
 confirmat Gotcelinus Bertinianus in
 vita Milburgæ virginis. *Wolpherus* de-
 rectatus impietatem, quâ nondum
 Christianus *Wolphadum*, & *Rufinum* 10
 filios suos, Christo à *Ceaddâ* iniuriatos,
 consilio Verbodi è medio sustulit, mo-
 nasterii fundamenta amplissimi *Me-*
deshamsteda jecit, quod Deo Optimo
 Max. & Petro consecravir, unde *Petri-* 15
burgus nomen loco postea inditum,
 ac Saxulphum religioliis præsidem ibi-
 dem statuit. At imperfecto obiit o-
 pere. *Ethelredus* eius frater unâ cum
 sororibus suis *Chineburga*, & *Chines-* 20
witha incepto operi manum supre-
 mam addidêre. Longo post temporis
 intervallo Dani, gens piratica, à bo-
 teali littore toto miserè spoliato, in
 mediterraneas Angliæ partes pergras- 25
 sati sunt, ac inter infinita alia crudeli-
 tatis exempla *Medeshamstaten*se mo-
 nasterium totius Britannix facillè pri-
 mum, funditus everterunt. Hæc re-
 rum humanarum est vicissitudo. Au- 30
 fim

- Ausim pronunciare, exceptis tantum
Judæis hominum omnium sæcibus,
nunquam uspiam terrarum fuisse gen-
tem unam, quæ majorem alteri cala-
mitatem intulerit, quàm Dani An-
glis. Clades illa mileros flagellabat
ipatio ducentorum, & penè quinquaginta annorum, quam quartam Bri-
tanniæ plagam fuisse scribit Hovede-
nus in libro Annalium, ita ut præces-
serit Romana, Pictica, & Saxonica.
Eadgarus tamen monarcha Anglorum,
ut cunque immunis erat à Danicis ir-
ruptionibus. Quo tempore *Ethelwol-*
woldus Philomonachus, episcopus
Ventæ Simenorum cum Principe suo
ita egit, ut ille miseratus loci desola-
tionem, erat enim tum temporis sta-
bulum pecoris, novi monasterii fun-
damenta ingentia ibidem poneret.
Aldulphus etiam Eadgari Archigram-
mateus luculentissima operi dona
contulit, ductus juxta pœnitudine
quod filius, quem unicum habebat, ab
eo, & uxore, somno, & vino gravatis,
suffocatus fuisset. Factus hic postea
Aldulphus primus abba *Petroburgen-*
sis cœnobii instaurati, & tandem ar-
chiepiscopus Isurovicanus. Deinde
Eadgarus ædificato novo oppido di-
ploma

Ioma Emporii contulit. Quid mul-
 tis? Eò divitiarum, splendoris, famæ,
 magnificentiæ, deniq; gloriæ accrevit
Petropolis, ut *Chrysolis* à multis
 appellaretur, quod nomen Saxonice 5
 sonat *Gildenburch*. Vicerat iam Gu-
 lielmus Nortomannus, & Imperio
 Angliæ potitus est. Ecce, *Chrysolis*,
 tot congestis multorum annorum
 spatio opibus, præda fuit Herevardo 10
 Anglo, ac Danis Anguillariam insu-
 lam, aliàs *Elig*, vi defendentibus, &
 Gulielmo regi obandientibus. Justo
 mihi hoc factum videtur Dei iudicio.
 Nam monachorum saltem bonorum 15
 partes fuerant, tantos in eleemosynâ
 thesauros à piis erogatos non sordidè
 sibi conservare, verum largâ manu op-
 portunè, & in loco, pauperibus distri-
 buere. Meminerint igitur ecclesiasti- 20
 ci, vel perpetuò, sordium, hoc exem-
 plo admoniti. *Tuoldus* Nortoman-
 nus beneficio Gulielmi Victoris, cuius
 & nepos, ut quidam scribit, erat, Ab-
 ba tum Petropolitanus, facinoris He- 25
 revardini admonitus, Stenosforda urbe
 relicta, ad suos armato milite, ut for-
 tem decuit Abbatem, cinctus rediit.
 Tum verò partim dispendio rerum
 monasterii, & oppidi incensi, partim 30
 etiam

etiam Anguillarianorum vicinitate
vulneratus, ut piscis ictus, sapuit; ac
castello sui nominis Gallicè *Montu-*
rol dicto, strenuè erecto, futura
5 prospexit cladi. Hucusque ut pluri-
mum ex historia Hugonis Albi. Hen-
ricus Octavus rex potentissimus
splendorem novum *Petroburgo*, jam
dignitate episcopi illustrato, contu-
10 lit.

PETRUS RUPINUS, Gallicè *de*
la Roche dictus. Hic fuit Ventæ urbis
Simenorum episcopus tempore Hen-
rici tertii Regis Angliæ, homo tam
15 invidiosus, quàm qui unquam maxi-
mè fuit. Hic erexit, Londini in subur-
bio, cui Sudoverca nomen, Xenodo-
chium. Porro in Avonia meridiana
instituit alterum xenodochium, eo lo-
20 co, quo stat oppidum in ostiis Portus
magni, cujus Ptolemæus meminit.
Instituit etiam duo cœnobìa, unum
Tichefelde, alterum *Letelega*, quæ vul-
gò *Peteley*.

25 PLACENTIA, Gallicè *pleasance*.
Nomen palatio ab Hunfrido Duce
Claudio instaurato, à loci amœni-
tate inditum, quod modò periit, re-
fuscitata veteris Grenovici memoria.
30 Has ædes Hunfrido mortuo coluit E-
ad-

adveardus eius appellationis ab imperio Nortomannorum Quartus. Cygnus de hac *Placentia* magnificè perionat in mellita sua *Cantione*.

PONTES, numero plurali, Op- 5
pidum, ut ego conjecturam facio, quod Saxones *Readige*, & *Reading*, sic enim in vetustissimis exemplaribus scriptum invenio, sua lingua vocabant. Antoninus Pontium meminit. Quan- 10
quam miliariorum numerus qui in Itinerario elucet à *Pontibus* Londinum, non convenit Readingo. At ego experientia didici corruptos jam esse in Antonino numeros, & Alau- 15
nodunum vicum, qui nunc *Waldenhead*, & *Uxinum-pontem*, ac *Colunum* Saxonice *Colunbroke* corruptè *Colebroke*, recentioris memoriæ esse, quàm ut *Pontium* referant antiquita- 20
tem. Et eo loco tantum nominat urbes, ac celebris notæ oppida: cujusmodi, nisi Redingum, restà viâ nullum à Cunctione, aliàs *Marlebyri*, Londinum. *Reading* nomen, meo 25
quidem judicio à copia, & confluxu aquarum apud Saxones cœpit. Et hujus nominis pagus est ad Limeni, aliàs Rotheri fluminis, ripam, qui Cantios à Sudosaxonibus ex parte determinat. 30
Flu-

Fluvius verò Readingum interfecans
 Romanis Cunetio, Saxonibus ~~He-~~
 net dicitur. Oritur autem in Vilu-
 giana provincia ad radicem tumuli,
 5 terræ in usus bellicos olim egestæ, cui
 nomen Selburgus. Hinc profluens,
 Cunetionem celebre sui nominis op-
 pidum, *Hungrefordam*, Spinās aliās
 Neocuriam, ac Readingum alluit, ac
 10 mox in Tamesim delabitur. Hæc
 confluentia aliquid facit ad nominis
 etymon. Idem præstat & Cunetio, qui
 antequam oppidum penetrat, in
 cornua propter Beram villam splen-
 15 didam, se diffundit, ac majori alveo
 per pontem qui Readingi est ad me-
 ridiem defluit: minori verò quem
 Sacrum-amnem vocant, borealem
 oppidi partem alluit, ac mox coeun-
 20 tibus cornibus, fit unus alveus. Huc
 etiam accedit, quòd & illa duo bra-
 chia rursus divortiis quibusdam vel in
 medio ludunt oppido, ac insulas
 planè amœnas efficiunt. Postremò
 25 neque hoc alienum à nominis signifi-
 catione. Saxones rivum *Rhe* com-
 muni appellatione vocant, & subinde
 scribunt *Hrie*. Hinc *Rhegate*, id est,
 rivi cursus; *Overrhe*, ultra rivum;
 30 *Rheford*, rivi vadum; *Rhidune*, oppi-
 dum

dum prope rivum; *Suderhe*, ad meri-
 diem rivi: unde & provinciæ nomen,
 quæ australi Tamesis ripæ adjacet.
Readingi primus, quod ego sciam, Af-
 serius Menevensis illustrem in Anna- 5
 libus suis mentionem facit, ac sui
 collaudat Ealfridi regis Visisaxonum
 virtutem, qui Danos aperto Marte eò
 in castellum fugavit. Hujus castelli
 nec rudera, nec aliqua certa hodie ex- 10
 tant indicia. At platê Castellanae
 nomen in memoria, quò itur via
 publica ab hoc oppido ad Spinas oc-
 cidentem versus. Constat ex historia
 Roberti Beccensis, Henricianos pes- 15
 sum dedisse castellum, quod Stepha-
 nus Tyrannus Readingi firmaverat:
 Ealfritha, secunda regis Edgari uxor,
 pœnitundine ducta, quòd privignum
 Eadveardum regem adhuc impube- 20
 rem occidendum insidiis curavisset,
 monasterium virginibus sacrum Rea-
 dingi instituit, eo, ut fertur, loco, quo
 nunc Fanum Mariæ in precio est.
 Henricus ejus appellationis primus 25
 cœnobium monachorum ad orien-
 tem posuit locum sepulturæ suæ, cui
 contulit Virginum prædia, ac lati-
 fundia tum collegii Chaufegani, tum
 monasterii Leonis. 30

PONTIFICES, Magistratus, nomen à re sumens, videlicet Pontibus vel construendis, vel reficiendis: cujus generis sunt præfecti duo Londinensi ponti, habentq; in Sudovercano suburbio domum amplissimam, utpote armamentarium rerum ad tantum opus pertinentium. Rodolphus à Diceto in sua refert historia Petrum de *Colechurch* sacrificulum jecisse prima fundamenta novi pontis. Sed erant illa levia. Quare regiis, & civicis accrevit postea opibus. Hic, candidi lectores, obstreperit molesta sciolorum turba, cujus & unus obscurior reliquis, homo notioris loquentiæ, quàm eloquentiæ, & *μεγαφιλαιος*, me fœdè in enumeratione Arcuum Londinensis Pontis erravisse asserit. Incuriam in qua parte meam, censor scilicet acutus, idemque rarus, convellit, lancinat, lacerat etiam pro imperio, si diis placet, suo. Cui ego tantum in præsentia, aliàs opportuniùs ejus intolerabilem malè judicando arrogantiam pressurus, & conculcaturus, respondéo: Pluris valet oculatus testis unus, quàm auriti decem. Civis Londinensis sum, nec me patriæ prænit meæ. Spero que aliquando futurum,

ut nec illam sui qualiscunque poeniteat alumni. Edico tibi, malè conciliate Geta,

Nulli nota magis domus est sua, quàm mihi certè

Omnia Londini sunt monumenta mei.

Fac periculum in eruenda penitior illa antiquæ urbis nostræ celebritate. Doctior hoc nomine, nisi te discere suppudeat, forsitan evaseris me autore. Quin Pontis causam perago? Cataractæ in ponte Londinensi viginti, quæ se ab austro in boream extendit. At arcus ex solido saxo incurvati tantum novendecim conspiciuntur. Tabulatam illam, & planam Pontis figuram ex asseribus compactam, & machinis tractilibus, si ulius postulet, sublevandam, ne aditus hosti pateat, Arcum nec possum, nec volo, sed neque per rationem debeo certè appellare. Sperabas, tu quidem magnum de me in hac re triumphum. At ego à te conceptam spem omnem illam, his verbis facilè tibi præripio.

Sis licet Antæus, Polyphemus, maximus Atlas,

Laurigeros noli de me sperare triumphos.

I nunc Geta, & inter compotiores
tuos, viginti arcus Londinensis pontis
victor deprædica.

- 5 POLUS, illustris familiæ nomen,
cujus ego talem fuisse originem à fide
dignissimis didici. *Michael Polus*
humili loco natus mercaturæ
operam dedit Regioduni, in ipsis
Hulli fluminis ripis siti, ubi nobile
10 emporium. Navigavit autem frequen-
ter ad orientales urbes Germanorum,
tantæque dexteritate, successu, felici-
tate quoq; rationes omneis suas sub-
ducebat, ut brevi divitias ingenteis
15 sibi compararet. Hinc fama inclares-
cere cœpit, & Richardo secundo An-
glorum Regi non modo cognitus, ve-
rum etiam familiaris, & charus, atque
adeò à consiliis esse. Uffenfordiorum
20 Sudovolciæ Comitum gloria, defici-
ente hærede masculo, inclinationem
patiebatur. Richardus, studens Polo
quàm gratissimus esse, illum Austræ-
libus præfecit Volcis, anno regni sui
25 nono, & inter familiarissimos habuit.
Polus ubi persenserat se in flagrantissi-
ma esse apud Principem gratia, stre-
nue rem auxit, & indicia nobilita-
tis non pauca præ se tulit. Inter quæ
30 illud vel palmarium obtinuit, quod
N 2 nullum

nullum non lapidem moverit, ut Regiodunum suum quàm clarissimum faceret. Constat oppidum, illius cum opera tum impensis, auctum insignium numero ædium. Nam tempore 5
 Eadveardi regis ab adventu Nortmannorum in Angliam tertii, Regiodunum oppidum piscatorium erat, solius Hulli præterlabentis, ut ego arbitror, tunc nomine gaudens. Poli 10
 ædes instar palatii adhuc elucent Regioduni, unà cum muris oppidi latericiis, quæ Fanum Mariæ occidentem spectat. Præterea duas alias conspici decoris ædes in oppidi umbilico, 15
 & tertias ad Hulli ripam posuit. Nec sic contentus, egit cum civibus ut oppidum muro cingerent: id quod factum est. Locus, ubi lateres in muris
 unus cocti, Tegularius adhuc dicitur. 20
 Postremo, à rege Richardo in civium gratiam libertatis diplomata exosculanda impetravit. Hastenus fortuna propitiam se parentem Polo exhibuit.
 Jam Richardi imperium, & majestas, 25
 civili turbata seditione, sensim decrescere cœpit; unde & Polus novus homo, idemque invidiosus unà etiam decrevit. Princeps, volens nolens, coactus est nobilium instigatione 30
 pub-

publicum totius regni Conventum ad
certum diem designare. Hoc con-
fessu, *Vernus*, Comes Iliacorum, &
Polus Sudovolcarum, publico decreto,
5 tanquam corruptores Principis, exu-
labant. Uterque Lutetiam Parisiorum
petiit. Richardus, magno illorum
tenebatur desiderio. *Polus* mutaram
sortem ægerrimè ferens, obiit Lute-
10 tia. *Vernus*, opes eò à Polo adductas
invasit: atque hæc *Poli* finis. Filii
ejus meliora tempora nacti patris hæ-
reditatem acceperunt: & non longo
pòst tempore Hæres ex asse, Ducis in-
15 signem sibi comparavit titulum. Tan-
dem Eadmundus, imminutæ majesta-
tis Henricianæ reus, se, ac nobilem
unà familiam funditùs perdidit. Quin
& hæc tragædia paulò ante à Lindio-
20 rum Comite ejus fratre natu majori
bello interfecto, aut Terento submer-
so, orta est, patre nesciente, & crucem
filiis imprecante.

PORTUNIA, Insula, vulgò
25 *Portland*; sita est ad meridiem litto-
ris Durotrigum non procul à Vagæ
fluvii ostiis, unde tenui dividitur æstu-
ariolo. Quà Oceano alluitur in mon-
tes consurgit, at meditullio plana est,
30 ferax etiam frugis, graminis, ac peco-
ris;

ris; at arborum prorsus indiga. Hanc æstimant circuitu septem milliaria conficere. At si quis lineam per ipsas Insulæ radices, quas mare alluit, circumdiceret, decem milliaria computaret. Planities Insulæ ut plurimum saxosa. Littora horrenteis rupes ostentant. Conjunctæ tantum uno Insulæ vico ædes, ubi & Ecclesia: reliquæ sparsæ. Olim piscationi præter cætera accolæ studebant, nunc verò aratro. Funda, qua se incolæ exercent, plurimum valent, feriuntque hostem fortiter. Henricus Octavus impensis maximis castrum hîc posuit monumentum nobile, & justum insulæ præsidium. Plura de Portunia dicemus in libro de Insulis Britannia adjacentibus.

PROFUNDUM-VADUM, Anglicè **Depeford**, tantum villa piscatorum paucis ab hinc annis. Henricus Octavus Principum decus omnium, Navale conservandis, & reficiendis navibus hîc instituit, armamentariumque juxta posuit, ac nuper splendida etiam ædes Grenovicanis famulas, excelso erexit fastigio.

PUTENEGA, locus non alio, quod ego sciam, nomine memorabilis,

lis, quam quòd amœnas ad ripam
ædes ostenter.

R.

REGIODUNUM Tamesinum, sic
dictum, quod ad Tamesini fluvii ri-
pam situm sit. Fama prædicat vetus
oppidum collocatum fuisse paulò in-
ferius eo, quod nunc cernitur, She-
nam versus, loco humili, & excreſcen-
tibus aquis obnoxio, atque hinc adeò
aliò translatum fuisse. Ethelſtanus,
Eadwinus, qui & Eadwius, ac Ethel-
redus reges, hîc imperii sui coronâ
redimiti sunt, testibus Henrico Ve-
nantodunensi, & Rogero Hovedeno.
Accepi olim, hoc medio factum fuisse
foro, erecto altè tabulato opere, quò
latè à numerosa plebe viderentur:
quod tamen tanquam rectè cognitum
non affirmo.

REGIUS-BURGVS Saxonice *Cu-
ningburg*, corruptè *Quinborow*. Ca-
strum hoc situm est in littore, quâ Ovi-
nia, aliàs *Shepaga* insula, Tamesini &
Vagani fluvii ostia aspicit. Instaura-
torem Eadveardum Vindelesoranum
agnoscit, & Gulielmum Perottum
Vicanum, postea Simenorum episco-
pum, præfectum operis celebrat. De-
nique & Henricum octavum firmiora

jam nactus robora extollit.

REGIODVNVM *Hullinum*, à flu-
vio præterlabente ad differentiam
alterius, sic dictum. Seculis abhinc a-
liquot elapsis piscatorium tantum 5
fuit oppidulum, & appendebat par-
æciæ Hasileganæ, unde trajectory in
Lindiam superiorem. Incrementa ur-
bis paulò ante in vita Poli Sudovoleæ
ostendimus. Tum prætereà Hulli flu- 10
vii originem, & cursum depinximus,
adeò ut in præsentia eadem repetere
supervacaneum sit.

RVBER CLIVVS vulgo *Red-
cliffe*. Gulielmus, Guidonis filius, 15
hujus loci alumnus, novâ viculo addi-
dit lucem, constructis duabus elegan-
tis notæ ædibus. Idem scholam gram-
maticam insigni quadam tum libera-
litate, tum pietate ac Hospitium pau- 20
perum receptaculum ibidem insti-
tuit, destinato vel perpetuùm in tam
sanctos usus prædio.

REGNORVM meminit Ptolema-
us, qui, ut ego conjecturam facio, Ta- 25
mesini fluvii australes ut plurimum ri-
pas, & interiora excolebant. Nunc
regioni nomen, *Sudorheia*.

S.

SABAVDIA, ædes magnificæ, ap- 30
pel-

pellationem à Petro *Sabaud* Leonor-
 rz reginz conjugis Henrici tertii a-
 vunculo acceperunt. Henricus tertius
 rex, hunc Richomontaniæ titulo in-
 signivit, & castella nobilium aliquot
 ei servanda tradidit, quæ, cum ali-
 quam diu servasset, declinans Anglicæ
 nobilitatis invidiam, regi restituit.
 Joannes Gandavenfis, Dux Mediola-
 nensis, longo pòst tempore *Sabaudi*
 ædes incoluit, in cujus conflagrabant
 odium orrâ, Cantiorum sediti-
 one.

SCHELFEGA, vulgò *Chelsey*.
 15 Nomen autem villæ inditum à dorso
 excrescentis arenæ in alveo fluminis:
Morus accola illustris villæ famam
 auxit. At postquam pertinax esse cœ-
 pit, & Decretis publicis fidem abro-
 20 gare, famam villæ partam labefacta-
 vit. Sed postea nova loco accessit glo-
 ria. Henricus Octavus, regum splen-
 dor unicus, conspicuas ædes ibidem
 nuper posuit.

25 SHENVUM, vulgò *Sheene*. Unde
 autem nomen inditum, si non à splea-
 dore, non possum satis conjectura
 consequi. Angliæ reges rædio urbis
 adfecti frequentiusculè huc concessê-
 30 re, tanquam ad secessum longè amœ-
 nissimum.

nissimum. Certum est Eadveardum
tertium, hunc locum coluisse, ibidem-
que obiisse. Eundem coluit & Ri-
chardus secundus, ejus nepos: Conti-
git autem anno Dom. 1397. ut An- 5
na Regina Richardi secundi uxor lon-
gè charissima, diem Shenii obiret su-
preum. Ille verò tanta perturbatus
clade loco temerè mala omnia im-
precatus est. Nec sic contentus, vim 10
etià, si diis placet, ædibus intulit.
Henricus Quintus desolationem loci
undecunq; amœni non ferens, splen-
dorem illis suum reddidit. Postremò
Henricus VII. Regum, omnium sui 15
temporis cum ditissimus tum pruden-
tissimus bonitate soli, venustate sitûs,
fluminis cōmoditate, & vicinitate ur-
bis illectus, tale ibi opus à fundamen-
tis erexit, quale priores non viderunt: 20
quale etià & hujus sæculi delitiæ in
immensum austæ collaudant. Prin-
ceps verò magnificentia operis miri-
ficè delectatus, *Richemontis* nomine
novam regiam appellavit, quo digni- 25
ratis titulo ante acceptum regni im-
perium clarissimus eniruit:

SINNODVNVM, mons editus in
ipso vallis limite, cui nomen ab Albo
equo, situm est. Distat enim à Caleva 30
plus

- plus minus mille, & quingentis passibus, & fossa cingitur profunda. Re-
ferunt Atrebates, fuisse illic, Britan-
nico imperio florente, castrum ingens,
5 & memorabile totius provinciae opus.
Cecidisse verò illud adfirmant eo
tempore, quo Danica rabies totam
latè provinciam devastabat. In præ-
sentia, ne levissima quidem ullius
structurae extant ibi vestigia. Coloni
numismata Romanorum aratris hîc
sæpe eruunt. Manifestum quidem hoc
10 signum loci hominum frequentia o-
lim celebris. Sunt tamen qui putent
Danos hîc castrameros fuisse, orbî-
lariq; vallo tutelæ causa locum cinxisse.
- 51 SION, à Sione monte speciosissi-
mum cælum designante, appellatio-
nem accepit. Locus ille quidem, ubi
nunc Sion, famæ tantum plebeiae erat
20 antequam Henrici Quinti regis in-
victissimi liberalitatem sensisset; Bri-
gidianæ virgines (chorus, ut tunc
temporis videbatur, pius) collegium
25 ambiebat: Princeps ratus positurum
se opus posteritati spectabile, collegi-
um magnis instituit sumptibus. Jam
debellaverat Gallos, & cœnobiola in
Anglia non pauca erant, quæ tan-
30 quam appendicia, Gallorum cœno-
bia,

bia, unde & derivata sunt, capita sua agnoscebant. Senferat Princeps in illis fraudem, dolumque subesse, maloque de ejus sentire contra Gallos triumphis. Quare consilio quodam 5 suppressis illis, prædiorum quæ possidebant partem Brigidianis, partem literatorum collegiis contulit.

SVDOVOLCA, Dux australium Volcarum, Nomen ab excellentia 10 sumptum, ut Anglus pro rege Anglorum. **Folke** autem Saxonice id significat, quod vulgus & plebs promiscua Latine.

SUNNINGVM imminet Tamesinæ 15 ripæ, dextrorsum paulò inferius Readingo. Fuit olim pontificum sedes, & cathedra. Novem hîc numero pontifices fuisse, Severianæ ecclesiæ historia apertè docet. Eorum primus erat 20 Ethelstanus. Postremus verò Hermannus. Hîc beneficio Eadveardi regis filii Ethelredi Shireburnensem tractus episcopatum, utrumque conjunxit, ac unicam sedem Shireburnæ 25 constituit.

T.

T A M A, fluvius oritur Bulburnæ in radicibus Catyenchlanicorum montium, qui locus aliquot passuum 30 millibus

millibus à Pennolega villa splendida
Rodolphi Veronegi Equitis clarissi-
mi, & amici nostri, diſſitus eſt. De-
ſcendit per Trengofordam villam ruſti-
cam, per vallem Eilecurianam, &
Crenodunensem pontem, vicinum
Tamæ emporio, cui nomen indit.
Deinde Veteleganum pontem, &
Durocaſtrum petit, ac mox penetrato
ponte Iſidem ulnis complectitur,
ſuumque nomen ſuperbus præfert.
Hinc fluvii conjuncti curſum dedu-
centes, uno Tameſis nomine coaleſ-
cunt.

15 **TEMPLVM**, locus militibus Hie-
roſolymitanis olim conſecratus. Hic
multi nobiles viri ſepulti, inter quos
nobiliffimus fuit ille Gulielmus ſeni-
or Polemarchus Angliæ, & Penbro-
chia Comes, cujus hoc epitaphium
in Thomæ Rodeburni hiſtoria etiam-
num extat.

*Sum, quem Saturnum ſibi ſenſit Hi-
bernia, Solem*

25 *Anglia, Mercurium Normannia,
Gallia Martem.*

THORNEGA, Saxonice *Thorne-
ge*, & *Thorney*. Latine Spinarum in-
ſula, nunc *Wefminſtre*. Locus erat
30 horridus, & incultus. Sunt qui ad-
ſcribant

scribant templum Thornegæ D. Petro positum & consecratum, Mellito Londinenſi epiſcopo, & cuidam ditiffimo ejuſdem urbis mercatori. Ego hæc aliquando legi Thornegæ in pen- 5
ſili tabula, Sebertum regem orientaliſium Anglorum filium Sleddæ, & Riculæ filiæ Ethelberti Magni conſtruxiſſe monaſterium Petri in Thornegæ, anno à Chriſto nato. 604. Cui 10
& ſubſcribit Ealredus abba Rhiavalenſis in libro, quem de vita Eadveardi regis filii Ethelredi infortünati, edidit.

TRENOVANTUM, Troia nova, 15
Galloſrido. Sunt qui, oppidum Novantum, interpretentur. Illud interrim ne ad umbram aliquam veri accedit, quod Polydorus tamen affirmat, ut Trenovantum fit oppidum Britan- 20
niæ mediterraneæ, quod vulgus contracto nunc vocabulo **Cranton** appellat. Conſtat, Ptolemæo, autore, Trenovantes gentem fuiſſe maritimam ad orientem, ubi nunc Medio- 25
ſaxones, & Oſtroſaxones. Inter quos fuere duæ illuſtres tantum urbes, quarum prima recentiori ſæculo, Romanis in Britannia imperantibus, *Londinium* à Cornelio Tacito dictum 30
eſt,

est: secunda verò Camudolanum, quæ rectius Colunodunum à Coluno fluvio; postea *Coluncester*, vulgò, & corruptè *Colchester*. Erit mihi igitur

5 Londinum veteri appellatione Trenovantum, id est, urbs, vel oppidum Novantum, donec eruditissimi, & in Britannica antiquitate exercitatissimi, maturo iudicio certiora referât. Quod

10 autem Ptolemæus Londinum Cantii annumerat urbibus, aut parum rectè illud à cosmographis didicit, aut urbs scriptorum incuria suo luxata loco.

15 Constat enim his, qui vel summis labris leviter Britanniae descriptionem attigerunt, Tamesim perpetuò Cantios à Novantibus disparâsse. Quid Londino cum Cantiorum urbibus? Ut concedam, Londinum suum nomen

20 vel à principio retinuisse: An non igitur erit Trenovantum, id est, Oppidum Novantum gentis antiquissimæ inter quos & situm est? Nihil planè obstat, cum in confesso sit Londinum

25 inter Novantes, non Cantios, fuisse. Cognitum est Novantes, eas incoluisse regiones, ubi nunc Mediolaxones, & Ostrosaxones. De hac diximus aliquanto fusiùs in syllabo dictionum

30 antiquarum, quem adjunximus libello

lo de natali Eadveardi Principis. Hic
me nunc etiam juvat non inuentos
versus cujusdam poetæ, qui Epiromen
Britannicæ historiæ scripsit, in medi-
um producere :

5

— *Æmula Troja.*

*Mænibus, à Troja nomine nomen
habet.*

*Nomen ei Nova-Troja datur, post &
Trinovantum,*

10

*Utpote corrupto nomine nomen ha-
bet.*

*Hæc est illa polis, cui tres tria dona
ministrant;*

15

*Bacchus, Apollo, Ceres; pocula, car-
men, ador.*

*Hæc est illa polis quam Juno, Miner-
va, Diana,*

*Mercibus, arce, feris, ditat, adornat,
alit.*

20

TUESIS, civitas antiquissima,
rectè, Ptolomæo de nomine cognita.
Hanc nostra ætas *Berwike* corruptè
mea quidem sententia pro *Aberwike*
vocat, quod vocabulum sonat ostia
sinus, vel fluminis. Beda 12. cap. 1.
libr. Angloſaxonicæ historiæ, ubi de
orientali sinu Isthmi, qui Scottos ab
Anglis

25

30

Anglis dividit, loquitur, Tuēdi me-
minit. Fuit olim Tuēsis, atque adeò
hinc maritima omnis ora ad Pertham,
ubi nunc Fanum Joannis, urbs cele-
bris, quam & muris cinxit rex Ead-
veardus Longus, Scottomattix ille, in
Anglorum ditione usque ad Ecfridi
regis Berniciorum occasum. Scottus
postea Abrevicum invasit, longoque
retinuit tempore. Eadveardus Lon-
gus, rex Angliæ, & Scottorum debel-
lator, urbem recuperavit, & Anglis
solicite conservandam tradidit.

V.

- 15 VECTA, sive *Vēstis*, Britannicè
Gueid, vel *Guith*, Anglicè *Wight*, in-
sula cū Latinis, tum Græcis scripto-
ribus cognita: Inprimis autem Pto-
lemæo, Plinio, & Antonino. *Samuel*,
20 Beulani discipulus, qui annotationes
in Nennii Britanni historiam scripsit,
hæc, dum Vectæ interpretationem
significanter excutit, refert: Quam
Britones insulam Gueid, vel Guith
25 vocabant, quod nomen Latinè divor-
tium dici potest. Forma insulæ ovo
simillima. Longa quidem est viginti
passuum millia. Lata verò decem.
Utrumque insulæ promontorium, sive
30 extensio usque adeò Isthmi figuram,
O exhibet

exhibet, ut peninsulam faciat. Commodus in Vectam trajectus à Portu magno ad Retham, intervallum septem miliarium est. At ab Hurstano castello, quod ostiis Avonæ fluminis, 5 & æstuario adjacet, ad Sharpenoram, spacium plus minus duorum miliariorum interjacet. Rupes habet littus horrentis. Terra frugum fertilissima, nec sylvæ indiga. Amniculis aliquot 19 commodè alluitur. *Neoportus*, aliàs *Medena*, unicum insulæ emporium. Villæ præterea plus minus. 24. in quibus ut plurimum non vicatim, sed sparsim habitatur. *Cairbro* nobile olim Rigidiorum, qui Gallicè *Readvers* dicti, castrum in ipso penè insulæ umbilico situm est. Vespasianus qui postea Imperator Ro. hanc primus insulam Romanis vectigalem fecit. 20 At quid in Vecta egerit, penè incertum. Disperiit nobis pars illa hitorix Cornelii Taciti in qua scripsit de adventu Vespasiani in Britanniam. Quæ si nunc extaret, Vectæ antiquitas, at- 25 que adeò Britannia ipsa longè clarius eluceret. *Suetonius* Tranquillus in Vespasiano hæc scribit : Insulam Vectem Britannix in deditionem redegit. *Henricus Huntendunensis* se- 30 cundo

secundo suæ historiæ libro docet quò
 pacto Cerditius primus Visisaxonum
 rex, comitatus Kinricio filio suo bello
 devictos Britannos Vecta expulserit:
 5 utque post quartum victoriæ annum
 eandem dono dederit Stufæ, & Wit-
 garo suis nepotibus. Quo in loco
 mihi quidem videtur Asserii autori-
 tatem sequi, qui eadem significanter
 10 in Osburgæ reginæ Visisaxonum, &
 matris Ealfridi regis genealogiâ ex-
 primit. Servierat jam diu Idolis
 Vecta, imperio regulorum Saxonici
 generis audiens, conculcatâ vi barba-
 15 rorum Christianâ religione, cum Ced-
 valla Britannus Arvaldum regulum,
 filiosque ejusdem duos victor è medio
 tolleret, & suo insulam adjiceret im-
 perio. Hinc Vecta Christianismum
 20 recepit, prædicante evangelium Hil-
 dilâ, eò ab Wilfrido episcopo Ceole-
 segano, quod nomen Latine [virulo-
 rum marinorum insulam] sonat, misso,
 unâ cum Beorwino Wilfridi episcopi
 25 nepote. Partem verò insulæ dedit
 Princeps Wilfrido, quem impensè
 diligebat. Hæc Bedæ. 15. cap. quarti
 libri historiæ Anglosaxonum. De
 Vecta fusiùs dicemus in libro de insu-
 30 lis Britannix adjacentibus.

VENTA Belgarum. Britannicè,
 ut nunc loquuntur, *Cair Oder nante*
Badon. Unde licet conjecturam facere
 nomen urbi recentioribus sæculis *O-*
deram fuisse. Additum verò est *nante* 5
Badon, perinde ac si diceres, in valle
Badunensi. Nam *Balnea* urbs cele-
 bris memoriæ hinc distant decem
 millibus passuum: *Nante* propriè
 significat vallem in qua fluvius labi- or
 tur. Ego igitur dicerem *nante Avon* à
 flumine, potius, quàm *Badon*: id quod
 lucidius, & significantius esset. *Odera*
 nomen fluvii, cuius & appellationis a-
 liquot & hodie in Britannia, ac Ger- 15
 mania esse dignoscuntur. At *Avon-*
 nam fluvium qui hanc urbem alluit,
 nomine *Oderæ* aliquando dictum fu-
 isse, legi planè nunquam. Est conjectu-
 ra ex uno Antonini loco *Avonæ* eti- 20
 am nomen urbi inditum fuisse. Sed
 valeant conjecturæ. *Ptolemæum* in
 præsentia sequar. Ille verò sic scribit:
Dobunis subjacent *Belgæ*, & urbes *I-*
schalis, *Aquæ calidæ*, *Ventra*. Ex hoc 25
 loco utrunque apparet *Ventam* eam
 olim fuisse urbem, quam *Saxones*
Brightstow postea appellabant. So-
 nat enim *Latine* illustrem locum, quæ
 vox non multum à *Venta* abludit. 30
Guine,

Guine, five *Guenne* Britannicè id significat, quod album, quod pulchrum, quod conspicuum Latinè. Erant & aliae tres præclarissimæ civitates famæ
 5 in Britannia hoc cognomento celebres. Quarum una Venta Sylurum, quæ nunc *Cairguent*, ut ex Antonino colligo, erat. Hæc tota concidit. Ruderera apparent in Demetia, quæ itur à
 10 Strigulia aliàs *Chepestow*, ad civitatem Iscanæ legionis. Et quoniam in Striguliæ mentionem incidi, lubet Nechamii de hac urbe distichon non invenustum ex ejus, de Sapientia di-
 15 vinâ, libro desumptum promerere.

Intrat, & auget aquas Sabrini fluminis Osca

20 *Præcep, testis erit Julia strata mihi.*

Annotaverat hæc quidam in margine codicis: Strata Julia, cujus pontem construxit Julius, quod vulgò Strigolium dicitur. Sic ille. Mihi tamen vix placet Annotatio. Non me fugit Plinium alio Sylures statuisse loco, videlicet ad Canterrenum Scottiæ promontorium, unde brevissimus in Hiberniam trajectus. Secunda est
 25 Venta Simenorū, quæ modo *Wintonest*,
 30

cestre, quam & aliqui **Bristolliæ** urbi
 ascribunt. Tertia, **Venta Icenorum**
 nomine gaudebat, quam hodie appel-
 lant **Northwicke**, cuius nominis an-
 tiquitas etiamnum apparet in fluvio
 urbem alluente, quem vulgus **Ulen-**
nesunne vocat. **Venta Belgarum** ini-
 tio urbs ampla non fuit. Aucta est à
 Saxonibus. Postremò, ponte facto,
 Ruber clivus ad sinistram **Avonæ** ri-
 pam urbi additus, & muro septus forti,
 quo tempore **Gulielmus Comes**
Claudianæ præfuit provinciæ, & max-
 imè **Ventæ** suæ.

VEROLAMIUM, five **Verulamii-**
 um, Saxonice **Werlamcestre**, & **Ua-**
telingecestre, ut scribit **Henricus Ve-**
nantodunensis primo historiæ suæ li-
 bro, ubi de quatuor Viis publicis
 tractat. Legi aliquando urbem à vi-
 cino fluvio **Uerlume** nomen primi-
 tîs accepisse. Ex **Uerlume** fecerunt
 recentiores **Vere**, decurtata altera vo-
 cabuli parte. Et mox **Verus** fluvius
 sublatâ **E** literâ, & **M.** præfixâ, fit **Mu-**
rus, quæ appellatio vel hodie extat,
 haberque palatium sui nominis, opus
 planè regium, Anglicè **More** dictum.
Vilibaldus **Anglus**, qui **Bonifacii**
Angli episcopi **Moguntinensis** vitam
 sep-

septingentis ab hinc, & eò amplius
 annis, scripsit, *Muri* fluvii meminit.
 Admiror interim quid sibi velit Gil-
 das Britannus, qui, nisi codex mendo-
 5 sus, pro *Muro* Tamesim in sua histo-
 riola, ubi de Verolamio loquitur,
 supposuit. Hinc facile crediderim
 recentiores imbibisse errorem, qui vel
 adhuc multos possidet, videlicet Ta-
 10 mesim olim alluisse Verolanium,
 quod certè absurdus est, quam ut con-
 futatione prorsus ullà sit convincen-
 dum. Constat antiquitus ingentem
 fuisse lacum propter mania Verola-
 15 mii, qui Offæ regi Merciorum poten-
 tissimo vectigal pendebat. Fluvii verò
 in illis Catyeuchlanorum finibus ce-
 lebres nulli præter Verlumum, aliàs
 Murum, Lugiam, qui Cervi-vadum
 20 nobile oppidum, & Durum, à quo
 Duri vadum, vulgò *Stourford*, nomi-
 natur vicus non incelebris. Cornelius
 Tacitus hæc de Verulamio libro. 14.
 historiæ suæ refert: Eadem clades
 25 municipio Verulamio fuit. Unde &
 Britannicè, teste Nennio in catalogo
 urbium, *Cair* municip dicta est. Pro-
 lemæus etiam hanc urbem celebrat,
 attribuitque Catyeuchlanorum genti.
 30 Porro & Antoninus eandem depræ-

dicat. Alexander Nechamius in libro
de sapientia divina encomiastico car-
mine Verolanium percelebrat. Stetit
urbs famâ clarissima usque ad Saxo-
num adventum, & aliquanto post, ut 5
apparet ex Anonymo, qui facta Alba-
ni historiæ eleganter commendavit.
At toties Saxonis concussa bellis
tandem subito caput demittere cœpit,
usque adeo, ut paulo post spelunca 10
latronum viam Vetelinganain obli-
dentium esse cœperit: quo tempore
Offa Merciorum rex potentiâ inter
Saxones summus, Fanum nobile D.
Albano in *Holmeburste*, loco extra 15
muros Verolamii, ejus martyrio sacro,
posuit. Tum & urbis ædificia, & mu-
ri minantia ruinam, partim subversa
sunt in usus novi templi, &
cœnobii. Utque officinæ cœnobii 20
indies augebantur, sic decrevit
Verolanium. Oppidulum quo-
que inceptum ad Fanum Albani
multum latissimorum laterum, ex
quibus veteris urbis ædificia tota pe- 25
nè constabant, detraxit. Dehinc &
Wolfinus sextus abba Fani Albani, in-
finitam vim laterum, & saxorum eò
abduxit, ut novum oppidum Fani Al-
bani augeret. Refert Matthæus Pari- 30
sius

suus in libro de antiquitate Fani Albani quo pacto Ealfricus abba septimus, & Ealredus ejus successor, & Eadmærus nonus, Verolamii ruinas, ad se traduxerint in usus novi templi ibidem ponendi: quod opus à Paulo Cadomenfi postea absolutum est, adjuvante Lanfranco, ut refert Eadmerus, Cantiorum archiepiscopo. Hæc cursim ex penetralibus antiquitatis depromsimus.

- VINCHELSEGA, oppidum in ipsis ostiis portus Limeni situm: Fuit antiquior ea, quæ nunc extat Winchelsea, loco quidem humili sita, & violentis fluctibus oceani mirum in modum obnoxia. Hinc factum ut cum accollæ nec sumptibus ullis, nec ingenio calamitatem, quæ à mari oppido imminebat, repellere commodè possent, cogitarent tandem de commigratione. Editus erat locus non longo admodum intervallo distans ab oppido. Et is cuniculos aluit, domino tuo Tregosio non contemnendū fructum referens. In hunc accollæ veteris oppidi omnes, oculos, & mentes coniecerunt. Consilio Eadveardi Longi, qui tunc Anglis imperabat, situm futuræ urbis dato pretio cœmunt quem
- Chro-

Chronicon Fani Albani tam bellè
depinxit, ut præ oculis posuisse vide-
atur. Fit magnus artificum concursus.
Præficitur operi Joannes Chirchebius
episcopus Anguillarianus Regi à the- 5
sauris. Transferunt eò ex veteri oppi-
do quæcunque usus postularet. Tem-
poris successu, id est annis sex, vel
septem, excrevit novum in immensum
oppidum. Additi dehinc muri, & por- 10
tæ. Rex ipse invisit locum, & operam
laudat: dumque altiore urbem par-
tem foris equo insidens collustraret,
caballus crepitaculo ventimolæ ter-
ritus regem concutit. Ille calcaribus 15
usus equum exasperat, unde per cre-
pidinem unà cum equo in vallem ce-
cidit, desperantibus de ejus vita famu-
lis. At ille superum gratiâ incolumis
inventus. Hoc ego scriptum nuper 20
legi in Chronicis incerti auctoris, quæ
à Fano Albani ad Tinnenſe monaste-
rium delata sunt. Placuit nova urbs
suis conditoribus. Vetus oppidum
paulò post omninò desolatum, ac re- 25
lictum ludibrio furentis maris. Ab
illo tempore Vinchelsæga antequam
sux originis viceſſimum plenè nume-
raret annum, duplicem passa est cala-
mitatem, semel Francorum irrupti- 30
one,

one, iterumque Hispanorum à Pharo-
legà invadentium impetu.

VINDELESORA oppidum an-
tiquum, nobile, magnificum, & situ
denique tam amœnum, ut cum alio
5 quocunque jure optimo de palma
contendat, quam & mihi vel in ipso
castri vertice, quo tot splendidius pla-
nè nihil aspicit, decentissimè gestare
10 videtur. Verus illud oppidum, ne
quis ignoret, aliquanto remotius sta-
bat à castro, quàm novum. Sed nec
ejus nomen ad huc periit. Illud certè
mihi mirum videtur, quòd, cum non
15 paucis abhinc sæculis tanquam regia
Saxonum sedes, re ipsa iam magno stete-
rit precio, cum aucupii, tum venatio-
nis titulo, tam rara de eo fiat mentio
apud veteres historiæ scriptores. Di-
20 dici à luculento quodam teste Eadve-
ardum regem Ethelredi infortunati
filium Vindelesoranum castrum cele-
brasse. Ab eo tempore gloria loci
perpetuò floruit. Nec quisquam hinc
25 regum fuit cujus non arriserit oculis.
Longum profectò esset hic connume-
rare res ibi gestas. Eadveardus ejus
nominis ab imperio Nottomanno-
rum in Britannia tertius, quem Guli-
30 elmus Pachendunus historiographus à
loco

loco natali Vindelesoranum appellat,
novo splendorem oppido addidit,
idemque ita castrorum gloriam vel ad ipsa
majestatis fastigia extulit, ut omnibus
facile ingenti admirationi esset. Jam 5
victor jugum Gallorum, & Scottorum
duris cervicibus imposuerat, & an-
nus à Christo nato. 1364. defluxit.
Ecce Princeps potentissimus, atque
idem partis spoliis ditissimus animo 10
ardebat, ut edito opere aliquo illustri,
magno, memorabili denique, se suum-
que nomen posteritati vel clarissimum
faceret. Senserat situm Castrum Vinde-
lesorani, cujus alumnus erat, tam a 15
mœnum, quàm quod maximè. Sed
tempus, edax rerum, splendorem,
juxta ac robur operis incredibile
quantum vitiaverat. Edicto igitur
convocat ingentem artificum nume- 20
rum. Turres, ac muros vetustate fa-
tiscentis dirui jubet, & amplioribus
circinnatis spatiis, alta novi operis
fundamenta jacienda curat, quibus
postea fastigia omni majestatis genere 25
elucetia fuere superimposita. Erat
Gulielmus Perottus nobilis Odvalli
alumnus, à Vicano oppidulo Avoniæ
australis originem ducens, vir rerum
experientissimus, in flagranti tunc 30
tem-

- temporis apud Eadveardum gratiâ,
cui cura, & tanti operis moles com-
missa. Tandem curriculo paucorum
annorum Castrum regium sumptibus
5 infinitis supremam artificum manum
accipit. Erat in castro vetus templum
religione sacrum, & Divæ Mariæ, ut
memini, dedicatum. Hic instituerat
Henricus Belloclericus rex Angliæ
10 quinque presbyteros qui rem divi-
nam curarent. Pietatem boni Prin-
cipis optimus Princeps laudavit, se-
cumque cogitare cœpit, quo titulo il-
lustre opus illustrius redderet. Inito
15 maturè consilio statuit novi operis
templum sacrum D. Mariæ, & Geor-
gio martyri. Præsidentem quoque ibi-
dem, ac duodecim Canonicos ex ea
Sectâ, quos præbendarios vocant, in-
20 stituit: utque collegii sui splendor
novo, & nitido dignitatis calculo lâ-
tius eluceret, nobilissimam conscrip-
sit societatem Equitum, auream Pe-
risceliden sinistra tibia ferentium, cui
35 hic versiculus Gallicè inscriptus erat:
Honi soit qui mal y pense. Jam ageba-
tur annus imperii Eadveardini 23.
cum chorus viginti & sex Equitum
Perisceliden ferentium bonis avibus,
30 & lato omine designaretur. Rex de-
missis

missis chlamidibus ex tenui & molli
 panno colores, nunc roleos, nunc vio-
 laceos, purpureos utrosque præscrip-
 sit. Interior pars chlamidis regiae ob-
 ducta sindonæ alba, sed byssina. Re- 5
 liqui Equites sacrae vestis interioreis
 finus pelliculis niveis, quas vulgò Ar-
 mineos vocant, bellè exornant. Præ-
 fidis chlames numerosa, & collucente
 periscelide ornatissima* principio ex- 10
 titit. Reliquorum, ut quisque titulo
 dignitatis enituit, ita & in talari veste
 præscriptum periscelidum numerum
 religiosè observabat. Cucullus etiam 15
 una cum prominula appendice olim
 egregio & capitis & colli ornamento
 cultui Equitum superadditus. Acces-
 sit ad splendoris coronidem Periscelis
 aurea gemmis adamantinis, veluti 20
 quibusdam stellulis, interpolata, quod
 & Regium fuit. Cæteri autem tibi-
 am auream tantum periscelide cinge-
 bant. Numerus Periscelidum in veste
 longa non compareret: unica nunc in-
 signis est. Color in veste unus Viola- 25
 ceus restat. Hujus sodalitiij gloria ab
 eo tempore in immensum usque adeò
 crevit, ut reges, & Cæsares Perisce-
 lidis famam, decusque ambitiosè ex-
 periverint. Quærenti mihi læpiusculè 30
 de

de Periscelidis origine, relata sunt incerta multa, usque adeò, ut nondum apud me constituerim quid potissimum admittam. Longè præstat silentio originem rei parum mihi constantis præterire, quam incerta pro certis pronunciare. Profectò verisimile est præclarum fuisse aliquod facinus, quod nobilissimæ societati primordia tam Augusta pepererit. Sunt qui Periscelidem interpretentur tesseram belli designare. Cincturæ species ea est. Cincti milites sua obibant munia. At quanta interim di cinctorum infamia. Exautorati illi quidem erant. Sunt rursus qui dicant Eadveardum signo Periscelidis in sortem dato hostem vicisse. Sunt porro qui ex Periscelidis circulo orbem virtutum apprimè necessarium Principibus viris colligant. Eadveardus Quartus Plantagenista victor collegium Periscelidis mirum in modum fovebat, & prædiis, adaucto ministrorum numero, donabat. Neque hoc merito finem benevolentiae imposuit. Ad occidentem templi ab Eadveardo tertio constructi novum & ille erexit priori longè magnificentius: sed imperfecto opere obiit. Reginaldus Brajus Eques magni

ni nominis testō, & fastigiis novi
 templi, ut ego accepi, manum adhi-
 buit. Quoties autem avidis hoc tem-
 plum collustro oculis, toties mihi vi-
 deor absolutum elegantis structuræ o- 5
 pus videre. Stabat adhuc vetus tem-
 plum ab Eadveardo tertio positum;
 sed cum Henricus Septimus, rex sai
 sæculi Phoenix unicus, memoria mor-
 tis tactus, locum sepulturæ suæ aptum 10
 quæreretur, diruto Eadveardino templo
 veteri illo, novum à fundamentis lo-
 co eodem construxit, quod & hodie
 vacat. Mutaverat enim de sepulchro
 sententiam, ac alterum, miraculum 15
 orbis universi, Visimonasterii incho-
 avit. Illud non est silentio prætere-
 undum, quod idem adjunxerit occi-
 dentali parti aræ superioris, ubi
 maximè castrum nitet, novum, & ele- 20
 gans quadratissimorum saxorum o-
 pus. Sed neque ejus filius Henricus
 Octavus flos regum, quotquot Britan-
 nia unquam vidit, minus de Vindeles-
 fora est commeritus. Primis etenim 25
 regni sui annis portam maximam, qua
 ingressus in primam castrî aream, à
 fundamentis quadrato extruxit saxo.
 Sed quo me rapuit oratio? Quam æ-
 grè divellor à Vindelesora aurea qui- 30
 dem illa.

VIRIDIS-SINUS. Saxonice
Grenewiche. Erat hic locus antiquitus
 statione namque ium celebris, potius quam
 ullo illudrium ædium titulo. Non-
 5 nullam sibi olim peperit famam ex
 castris, quæ Dani in supercilio vicini
 montis potuere. Hujus rei gestæ cla-
 ra apud *Henricum Venantodunensem* in
Suenone his verbis mentio est: "*Tur-*
 10 *chillus* verò similiter iussit dari victum,
 et censum exercitui, qui erat in *Grene-*
wike. Possem hinc multa, et ea claris-
 sima, in medium de loci celebritate
 adferre. At in præsentia hæc suffece-
 15 rint: quandoquidem *Cygnus*, accu-
 ra è, aliàs, Regiam, quam sublimem
 habet, suis coloribus omnibus depin-
 xerit.

VOLUCRUM-DOMUS. Saxonice
 20 *Fulenhām.* Vulgò *Fulham.* *Asse-*
rinus Menevensis scribit, Danorum
 turmas hanc ripam in hybernis fuisse.
 Fuit hæc villa multis ab hinc annis,
 atq; adeò nunc est, *hospitio* Londinen-
 sis Episcopi notissima.

FINIS.

P E R O R A T I O

AD CANDIDOS LECTORES.

IAM præstiti quod sum pollicitus, et Commentarii qualescunq; me in Cygnæam Canticum prodeunt opusculum ex penetralibus recondita & sacrosancta Antiquitatis religiose erutum, & diligentia curâ, fide, quantâ potui planè maximâ in lucidum ordinem redactum. Quâ parte, si quid de meliore notâ sedulus exhibui quod oculos eruditorum splendore aliquo affecerit & affectos aliquandiu illecebris, non magnis quidem illis, sed honestis det nuerit; aut si quid mediocris eloquentia profluxit quod purgatâ demulserit aures, id quod à me aliquando factum vix sanè cred derim; deniq; si in toto quicquam opere ostendi quod candido Lectori arriserit, id ego omne lubens non ostentationi, sed bonis ingeniis, musisq; dedico: & hâc me persuasione imbuo. futurum nunquâ, ut selectus litterarum chorus expeditam in me alacritatem, aut studium honestum erga doctas artes omnes desideret, etiamsi eloquentiâ, & eximiâ rerum cognitione, interim destituar. Catullus, inter felices connumeratus Poëtas, quò animos juvenum magna & ardua tentantium excitaret, confirmaretq; sic tecinit,

Rebus

Peroratio ad candidos Lectores.

Rebus et in magnis est Voluisse satis.

Hanc ego Voluntatem non modò amplector
& exosculor. verumetiam accessione novâ,
eâq; luculentâ exornare studeo, ut qui quâ
olim dilexerim, nunc modis planè omnibus
deamem. Quid quòd & Voluntas tam op-
portuna causam strenuè defendit meam?
Censores oblatrant iniquissimi, me provinciâ
viribus longè majorem meis subiisse, Cygne-
âmque Cansionem prædicant sæpenumero à
doctissimis tum Latinis, tum Græcis collan-
datam, sed à paucis tentatam, idq; tenuiter,
si quis rei tum magnitudinem, tum gloriam,
aquâ lance expendat. Agnosco quàm an-
gusta sit supellex nostrâ. Materiam fateor
jure quodam suo Virgilianam, in carmine non
modò gratiam, sed & majestatem quoq; pos-
cere. Nec me sanè latet hoc argumentum
& fontes Ovidianos illos ab illimi origine purè
defluentes vehementer etiâ atq; etiam optare.
Ego qui utrunque viderim, & per literas æ-
ternâ viventem famâ, & eloquii incredibili
suavitate perfusum, eorum gloria facile as-
surrexi, utpote cultor supplex, rectius quàm
felix imitator; Salutatis de more illis, ad
Phalencum me statim contuli. Præstò quidē e-
rant hinc Catullus, hinc Pontanus, clarissima
inter sui sæculi Poetas lumina, quibus ego

Peroratio ad candidos Lectores.

me pro tempore totum sollicitè commendavi,
ac postrema raptus quâ nescio planè cupidita-
te collaudandi tum fortia HENRICI
actavi Regis incomparabilis nunquam emo-
ritura facta, tum virtutes praevalentes, Cyg-
num Phalencinis canentem modulis in medi-
um protuli; & Commentarios, ita ut in Prae-
fatione sum pollicitus, addidi: hoc consilio, ne
defraudarem patriam, de me tam benè sem-
per merentem, cognitione vera Antiquitatis
Britannica, & gloriâ suorum majorum: quo-
rum res gesta si in satis memores & elegantes
scriptores feliciter incidissent, ne tum pro-
prie claritate velut Hesperii inter minora e-
luxissent lumina. Favet, candidi Lectores,
tam laetis & honestis auspiciis. Sic ego di-
ligentiam vobis integrè promitto meam, &
vestram per libros editos singularem benevo-
lentiam, humanitatem, amorem deniq; poste-
ritati, si non utiliter, certè interim ala-
criter, erectum commendabo. Va-
lete bonarum artium culto-
res felicissimi.

Collatus & perfectus

